


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

F.<sup>1</sup> II. 29.





# HISTOIRE DES NOBLES PROVESSES ET VAILLANCES DE GALIEN RESTAVRE.

*Fils du noble Olivier le Marquis, & de la belle Jacqueline fille  
du Roy Hugon, Empereur de Constantinople.*

Avec les figures propres, mises de nouveau sous  
chacun chapitre.



A TROYES, marchand Libraire

Par NICOLAS OUDOT, demeurant en la rue du Temple,  
au Saint Esprit.

# PROLOGVE.



**P**our esuiter oyfueté, & pour mettre plusieurs fantaisies hors de vos cœurs, gens mondains abandonnez à plusieurs folies par faure d'instruction, & n'auoir aucun passeremps apres vos refections, considerez que le temps passé vous vous estes occupez à plusieurs ieux & diuers esbatemens, à cause que vous n'auiez pas grand abondance de liures, parquoy pourrez icy voir en ce present liure appellé Galien restauré, lequel fut fils du Comte Olivier le Marquis, qui par ses belles prouesses et merueilleux faits d'armes à reduict toute la sainte foy chrestienne. Et pour vous en parler plus amplement ie vous diray la pure verité, car autre fois en a esté fait un romant

auquel n'auoit point le quart des faits dudit Galien. Et pourtant i'ay tant fait que i'ay trouuë toutes les vrâyes cronicques françoises lesquelles estoient a saint Denis en France, et en ay composé ce beau liure selon le vray sens que i'y ay trouuë. Et est ledit romant appellé Galien restauré, à cause qu'il restaura toute la chrestienté apres la mort des douze Pairs de France. Et fut cestuy Galien engendré de Iacqueline fille du roy Hugon Empereur de Constantinople comme plus a plein pourrez voir. Parquoy si trouuez quelque faute a la translation uaeillez excuser le translateur, pource qu'il n'y a celuy qui ne soit suiet a quelque fure. Et a esté cestuy romant translaté de rime en prose, afin que plusieurs y prennent plaisir, et aussi a cause que les entendemens sont de diuerses opinions et fantaisies.



COMME APRES QV'E L'EMPEREUR CHARLEMAGNE  
eut desconfits mains turcs et Payens: et aussi mis plusieurs Royau-  
mes en sa subiection, se mit en chemin pour aller  
visiter le saint Sepulche de nostre Seigneur  
Iesus Christ en Hierusalem. Chap. I.



**A** Pres que l'empereur charle-  
magne eut cōquis plusieurs  
royaumes, villes, & citez, & se vit  
en paix: luy cognoissant grands  
graces que nostre seigneur luy a-  
uoit faict, fit veu qu'il iroit reui-  
siter le saint Sepulchre en hieru-  
salem Enuiron la feste l'ascentiō  
de nostre seig. charlemagne tint  
court planiere à Paris, à laquelle  
court estoit Roland, nepueu de  
charlemagne, oliuier le marquis  
& plusieurs grands seigneurs, &  
barons, comme Allemans, Fla-  
mans Frisons, Biernois Lymosins  
poiteuins, Gascons, & Bretons

& plusieurs autres nations estranges, lesquelles seroient longues à racomp-  
ter & la fut faictes la plus grand chere que iamais fut veüe.

Et dit charlemagne à haute voix, deuant tous les assistans: barons, qui estes  
regis & assemblez icy en ma presence, vous sçauiez qu'auons, la mercy du sau-  
ueur du monde, conquis à force d'armes iusques de la lepré Noiron, & en  
maints pays & places auons fait plusieurs grandes destruccions. Outre plus,  
vous sçauiez qu'il n'est homme sur terre plus riche, ne plus puissant que moi,  
ne qui à tant d'amys. La royne qui estoit la presente, oyant les parolles de  
charlemagne, commença à dire. Sire empereur, entendez ma parolle:  
vous dictes que vous estes le plus puissant, & le plus riche qui soit au monde.  
sçachez qu'il y a vn roy, lequel est plus puissant que vous sans compa-

raison. Quand charlemagne entendit parler la royne en son cœur fut courroucé, & dist, dame ie vous prie que me disiez qui est cestuy roy, qui est plus puissant que moy: car ie promets a dieu que moy retourne du voyage que i'ay entrepris, ie suis delibéré de l'aller visiter, pour ſçauoir ſa puissance. La royne voyant le courroux de charlemagne, elle craignant ſa fureur, luy dict, Sire, ie vous prie que ne preniez à deſplaiſir ce que ie vous ay dit, mais ſachez que tousiours ay ouy appeller le roy hugon, Empereur de conſtantinople, le plus puissant qui ſoit en tout le monde vniuerſel. Et apres ces parolles dictes, charlemagne appella ſon neuue Roland, le comte oliuier, & tous les autres Pairs de france, & leur dist, Seigneurs ie vous recommande mon pais car ie suis delibéré d'aller visiter le ſainct ſepulchre de noſtre ſeigneur ieſus-chriſt. Et pourtant, ſ'il y a aucun de vous qui vueille faire le voyage avec moy, il me fera plaiſir, & vne fois le recompenseray roland & oliuier oyant la volonté de charlemagne, luy dirent, ſire pour mourir nous ne vous faudrions: & tous les autres Pairs dirent au cas pareil, dont grandement les remercia, il fiſt preparer ſon bernage, & auſſi chacun des douze Pairs ſe prepara leſquels prindrent congé des dames & Damoiſelles. Penſez que maintes pleurs & l'amentations furent alors faits, leſquels ſeroient longs à raconter. Apres le congé prins, ils ſe mirent en chemin. Et tant exploiterent par leur iournees, qu'ils paſſerent tout le pays d'hongrie, & le mont d'aspremont, qui est vn tres merueilleux & fort paſſage, & tant firent qu'ils arriuerent en Hieruſalem.

Charlemagne & les douze Pairs de France eſtant en Hieruſalem, cogneurent que noſtre ſeigneur les auoit biengardez, veules merueilleux paſſages leſquels ils auoient paſſez, ſans auoir aucune contradiction. ils tirerent droit au temple, auquel eſtoit le ſainct ſepulchre de noſtre ſeigneur, & eux cuydants entrer dans ledit Temple, trouuerent les portes fermées de gros & merueilleux verroux de fer. Lors charlemagne voyant que dedans ne pouuoient entrer, adreſſa ſa parolle vers la Mere de ieſus Chriſt, diſant en telle maniere, Glorieuſe mere du ſauueur de tout le monde, vous ſçaez que i'ay laiſſé le pays de france, d'alemagne, de Flandres, & pluſieurs autres contrees, leſquel pays il vous à plu mettre en ma ſubiection pour venir visiter le lieu ou fut poſé le precieux corps de voſtre doux enfans ieſus, ie vous prie qu'il vous plaiſe me faire grace que dedans ceſtuy temple ie puiſſe entrer avec tous mes gens, afin que de cœur & de penſée puiſſions honorer ceſtuy noble & precieux Sepulchre. Et incontinent que charlemagne eut acheué ſon oraiſon les portes de l'eglise miraculeuſement ouurirent ſans ce que nul y miſt les mains. Luy cognoiſſant le beau miracle entra deuotement luy & tous ſes gens dedans le temple: auquel trouuerent douze chaires fort precieues, &

au milieu des douze chaires en auoit vne qui faisoit la tresiesme qui en beauté passoit toutes les autres, & estoit celle ou iesus christ s'asit quand il resuscita de mort à vie. Chacun des douze pairs apres qu'ils eurent honoré cestuy saint lieu, ils se mirent chacun à vne des douze chaires, & charlemagne, s'assit en celle qui estoit au milieu. Et tous ensemble remercièrent nostre Seigneur iesus christ de la grace qu'il leur auoit donnée d'estre venus en cestuy saint lieu. En cestuy temple entra vn chrestien, lequel demouroit en Hierusalem, cestuy chrestien regardoit moult volontiers charlemagne, & ainsi comme il le regardoit, il vid sortir de son visage vne clarté mout reluisente, laquelle clarté ressembloit vne raye de soleil: & luy sembloit que la dicte clarté enluminoit tout le temple. Cestuy chrestien voyant ceste belle clarté, laquelle sortoit de la bouche du noble empereur charlemagne moult volontiers le regardoit. Et luy estant en cestuy regard fut aucunement espouuenté, car il luy sembloit qu'il fust transporté de son entendement, il sortit vistement hors dudit temple, & s'en alla courant vers le Patriarche de Hierusalem luy annoncer ce qu'il auoit veu au temple, de laquelle, chose le Patriarche fut fort esbahy, & incontinent il fit appeller trestous les gens d'eglise, & les fit vestir tres honorablement d'ornement tresprecieux, & se mirent tous deuotement en procession venans vers ledit Temple, auquel estoit le noble Empereur charlemagne, & des douze pairs de france.

Voyant charlemagne l'honneur & grand humilité du Patriarche, & aussi voyant l'honneur & deuote procession, se leua de sa chaire ou il estoit assis, & en s'humiliant vint au deuant, & les douze pairs au cas pareil. Quand le patriarche vid la grand humilité du noble empereur charlemagne il le print par la main, & le leua amiablement. Et ainsi qu'il regardoit charlemagne, il vit vne clarté qui estoit en maniere de raye de soleil, laquelle sortoit de sa bouche, charlemagne leua ses yeux vers le ciel, remerciant nostre Seigneur iesus christ de la grace qu'il luy auoit donnée d'estre venu iusques en ce lieu. Apres que ledit Patriarche eust veu ceste clarté, & qu'il eut leué le noble Empereur charlemagne, il luy demanda qu'il cherchoit, & dont il estoit, & qu'elles gens il menoit auec luy. A quoy luy respondit charlemagne qu'il estoit roy de france, & auoit auec luy son neveu roland, & le conte Oliuier, & plusieurs autres grands barons, & qu'ils estoient venus en cestuy pays pour honorer le saint Sepulchre ou fut posé iesus christ Sauueur & Redempteur du monde. Quand le Patriarche l'entendit ainsi parler, mout honorablement le receut & les festoya enuiron l'espace de quinze iours dedans hierusalem: puis charlemagne fit requeste au Patriarche qu'il luy pleut de luy donner des saintes reliques & qu'en l'honneur d'icelles feroit fonder belles & nobles eglises & beaux monastères s'il pouuoit retourner en fran-

ce. A quoy respondit le Patriarche que tres volontiers le feroit, car bien sçauoit que s'il ne luy en donnoit par bonne amour que par force en prendroit & qu'il n'y auoit roy, Prince, ne duc en tout le monde à qu'il en voulist donner sinon à luy, dont l'empereur charlemagne le mercia grandement du dō qu'il luy auoit accepté.

*Comment le Patriarche apres qu'il eut festoyé Charlemagne & les douze Pairs de france, luy donna plusieurs saintes reliques, lesquels furent mises en vn petit coffre mout honorablement Et comme ledict Charlemagne print congé humblement dudit Patriarche.*

**A**pres que le noble Empereur charlemagne se fut festoyé enuiron l'espace de quinze iours avec le patriarche, il luy requist amiablement qu'il luy pleust de luy donner des saintes reliques. A laquelle requeste le Patriarche se consentit volontiers. car plusieurs-fois auoit ouy parler de luy & aussi des douze pairs & qu'ils estoient gens qui mettoient peine d'exaucer la ste foy catholique. Parquoy luy considerant le bien & l'honneur qui estoit en eux, les mena au temple ou estoient les ste. reliques, & donna à charlemagne du s. suaire de nostre seigneur iesus christ, de sa chemise, & le plat ou il mangea le poisson, la ceinture de la glorieuse vierge & sacree mere de dieu, & de son precieux lait virginal du bras du benoist s. simon & du glorieux amy de dieu s. Ladre, & plusieurs autres belle & precieuses reliques, lesquelles furent posées mout honorablement en vn petit coffret, dont grandement remercia charlemagne, puis print congé de luy, se mit en chemin pour s'en retourner en France. Avant son departement dit le patriarche à charlemagne, Tresnoble Empereur, vous sçauiez que long-temps vous auez pretendu d'exalter & augmenter la sainte foy catholique, ie vous prie que soyez sur vos gardes: car les paiens sont cauteleux & malicieux. Outre plus vous estes hors de vostre pais, & ne cognoissez pas les passages comme ils sont. Si ainsi estoit qu'ils vous fissent greuance, ie vous iure que i'en serois desplaisant. Charlemagne voyant la bonne & loyalle amour du patriarche, doucement le mercia luy disant, que s'il plaisoit au Sauueur du monde, qu'il luy pleust luy faire ceste grace de retourner sans danger que tantost apres qu'il y seroit, i'amaïs ne cesseroit, qu'il ne les eust mis à desconfiture, ou ils renonceroient à leur loy, & tiendroient la foy de iesus christ. Desquelles parolles fut le patriarche fort ioyeux. Charlemagne se mit en chemin, & plus ne sejourna en hierusalem. Le patriarche luy donna sa benediction, et à dieu le recommanda, qu'il le voulist garder de tout danger.

Auquel retour trouua charlemagne plusieurs fleuves à passer, mais nostre

seigneur & les saintes reliques qu'il portoit, monstroient vertu & puissance que luy & tout son bernage pouuoient passer sans danger ne sans auoir nauires ne galleres, en tous lieux ou ils passoient estoient les aveugles illuminez, les bossus & contrefaits estoient en belle stature, & plusieurs autres beaux miracles lesquels seroient long a raconter.

*Comment charlemagne et les douze Pairs de France furent assailis dedans vn bois lequel contenoit enuiron deux iournées a passer, par vn Turc nommé Bremont, lequel auoit bien vingt mil Turcs avec luy.*

CHARLEMAGNE exploiçoit pays au plus bref qu'il pouuoit, & tant cheuaucha qu'il arriva en vn bois lequel duroit enuiron deux iournées a passer. Dedans cestuy bois c'estoit embusché vn turc nommé Bremont, qui estoit le plus puissant qui fut en cour payenne. Il auoit avec luy bien vingt mille turcs & estoient embuschez dedans celuy bois pour cuider desconfire charlemagne & les douze pairs. Et ainsi comme charlemagne fut enuiron la moitié du bois, il regarda vn peu à quartier, & va aduiser leldits turcs dont il fut fort esbahy, & incontinent commença à parler a Roland son neveu, & luy dit, mon neveu regardez que de turcs & mescreans voila deuant nous. Helas maintenant ie voy que la fleur & noblesse de France sera mise à desconfiture. Roland voyant le dueil de son oncle fut couroucé en son cœur & luy dit, mon oncle ne vous desconfortez de rien, car tant que ie tiendray durandal en ma main, & que mon compagnon oluiet sera pres de moy, ie ne craindray les payens & fussent ils encore cent fois autant. Quand le duc Naimés de bauieres entendit ainsi parler Roland, il dit a charlemagne, sire empereur, si vous croiez vostre nepueu, ie croy qu'auourd'huy nous mourrions tous car ie croy qu'il a le diable au corps, mais ie conseille que nous priions le sauueur du monde qu'il luy plaise de donner aux saintes reliques que nous portons, telle puissance que ces maudits infidelles ne nous puissent nuire, lequel conseil fut fait, & tous se mirent en prieres & oraisons, & quand Roland entendit le conseil il dit ainsi, priez tant que vous voudrez, car ie ne veux prier que durandal mon espee qu'elle face telle desconfiture de ces mescreans, qu'il en soit memoire à iamais, les payens pensans à desconfiture des mescreans, qu'il en soit memoire à iamais. Les payens pensans à desconfire, les douze Pairs, cuiderent aprocher: mais nostre Seigneur môstra vn beau miracle, car quand ils cuiderent tirer leur espees ils deuiendrent tous grandes pierres & grand rochers. Quand Roland qui estoit fort entalenté de frapper sur eux, vit que ce n'estoient que pierres & rochers il se pensa qu'il estoient enchaté dont il fut esbahy & en se retournant vit charlemagne & les autres Barons & cheualiers, lesquels estoient tous deuotement à genoux de

nant les saintes reliques en prieres & oraisons. Et alors le noble duc roland apperceut que Iesus-christ le sauueur du monde auoit fait celuy beau miracle, adonc humblement se mit en prieres & oraisons, remerciant nostre Seigneur de bon cœur.

*Comment Charlemagne, & les douze Pairs de France apres le miracle fait  
sortirent du bois, & descendirent en vn pré auquel ils trouuerent  
vn pavillon qui estoit au Roy Hugon.*

**C**Harlemagne & les douze pairs de France apres ce beau miracle fait che-  
uaucherent tant ce iour qu'ils sortirent hors du bois & vindrent arriuer  
dedans vn grand pré, auquel auoit vn pavillon par dedans tout paint de cou-  
leurs mout riches, au dessus auoit vne pomme d'or grosse & m'assif, auquel  
estoit attaché vne belle escarboucle, laquelle estoit fort precieuse, car de nuit  
rendoit vne clarté tresclere. Et dedans ce pavillon ne demouroit que por-  
chers & vachers lesquels auoient grand quantité de pourceaux & vaches à  
garder, ce beau & riche pavillon estoit au roy Hugon-Empereur de constan-  
tinople, l'vn des riches & puissant qui fut en tout le monde.

Ce roy hugon n'aymoit pas le deduit de la chasse de chiens ne d'oiseaux mais  
mieux aimoit vn bon porchier, ou vachier, quand ils auoient de gras bœufs,  
& gras pourceaux qu'ils ne faisoient toute autre plaissance. Ses porchiers &  
vachers auoient plus grands audaces en sa court que n'auoient les gentils ho-  
mes, il estoit aimé de ses subiects.

Il faisoit tenir bonne iustice. Il alloit tous les iours labourer les terres à la  
charrue, car il estoit instruit de sa ieunesse à ce faire. Il tenoit son pays en bõ-  
ne paix & en bonne vnion, & à cause de sa grand richesse, toutes fois & quan-  
te qu'il vouloit il auoit souldoyers à grand nombre, il estoit doux & à chascū.  
Or vous laisseray à parler du roy hugon, & retourneray à parler de charle-  
magne & des douze pairs de france qui estoient hors de ce bois, & regardoier  
ce beau pavillon.

Le noble Charlemagne & les douze pairs de France eux estant hors de ce  
bois, vont arriuer à vn beau pré, auquel virent vn beau pavillon comme des-  
sus auez ouy. Charlemagne le regarda volontiers à cause de la beauté qui  
estoit audit pavillon. Apres qu'il eut long-temps regardé il le monstra a ro-  
land & aux autres pairs disant, Seigneurs, voicy vne fort grãde richesse, mais  
ie promets à Dieu que si c'est au payens ce sera à nous sans nulle contradi-  
ction. A quoy respondirent les barons qu'en france porteroient tout ce tre-  
sor. Incontinent charlemagne picqua son cheual des esperons, & se mit à  
chemin



chemin droit vers ledit paillon & demanda si nul y estoit. Alors sortit vn des porchers & vint à la porte dudit paillon & aduisa charlemagne lequel luy demada quelles gens ils estoient, & à qui estoit ce riche paillon, le porcher luy dit qu'il estoit au Roy Hugon Empereur de Constantinoble & que dedans estoient porchers & qu'ils auoient porcs à milliers à garder, & quand ce venoit au mois d'Aoust ils auoient chacun cent septiers de froment. Quand Charlemagne entendit ainsi parler le porcher il fut fort esbahy, & incontinent l'interrogea du domaine du Roy Hugon, lequel luy dit volontiers. Apres ces parolles dites Charlemagne luy demanda s'il le pourroit loger ceste nuit en ce paillon car la nuit approchoit. Le porcher luy dist qu'il le logeroit volontiers & tout son bernage, & fussent ils cent fois autat il auroit pain, vin & viande de toute sorte à son plaisir. Quand Charlemagne l'entendit ainsi parler grandement le remercia, puis mit le pied à terre & aussi tous les douze pairs. Cestuy porcher les reçeut fort honnestement, car assez biens auoit audit paillon, quand Roland vit ce il dist à Charlemagne certes mon oncle s'il estoit sçeu en France que nous eussions logé en la maison d'un porcher il nous pourroit estre reproché. Quand Charlemagne eut escouté Roland, il luy dit, beau nepueu n'en parlez plus, car la maison d'un riche porcher vaut bien la maison d'un pauvre cheualier. Incontinent le porcher pria Oger le dannois qu'il voulust estre maistre d'hostel, on prepara les tables, pain, vin & viandes de plusieurs sortes furent apportées, puis chacun print sa refection bien honorablement. Et quand Roland vit qu'Ogier seruoit il commença à rire en disant aux autres Barons: Seigneurs, Dieu à fait auiourd'huy vn beau miracle quand en ceste iournée Oger à esté maistre d'hostel de la maison d'un porcher, & tous les pairs se prindrent à rire, bien fut serui charlemagne & les douze Pairs. Apres les refections prises chacun remercia nostre seigneur de la bonne fortune qui leur estoit aduenue, puis dit le porcher à Charlemagne, sire, ie vous prie qu'il vous plaise me dire de quelle contrée vous estes car vous semblez tous estre de noble lignage.

Vous estes tous beaux hommes & puissans & de belle corpulence, quand Charlemagne entendit le porcher & qu'il auoit grand volonté de sçauoir le pays & contrée dont ils estoient & qu'il le demandoit de si bon & ardent desir & d'un zeile d'amour luy dit, Mon amy croyez fermement que tous sommes François, & suis appelé Charlemagne, ie tiens en ma subiection la tierce partie du monde, & cestuy que voyez est mon nepueu Roland l'un des fors & puissans qui soit en tout le monde & les autres que vous voyés sont pairs de France tous grands Princes & seigneurs. Quand le porcher entendit ainsi parler Charlemagne, en son cœur fut fort esbahy, puis doucement dit à Charlemagne qu'il ne luy despleust s'il n'auoit esté si bien seruy.

comme il luy appartenoit. Les lits furent preparez, chacun alla prendre son repos iusques au lendemain qu'il fut iour, puis monta Charlemagne a cheual, en prenant congé du porcher, qui si honorablement l'auoit festoyé, & se mit en chemin.

*Comment Charlemagne, & les douze Pairs de France trouuerent le pauillon du vacher, lequel estoit au roy Hugon.*

**C**harlemagne & les douze pairs de France firent grand diligence de cheminer tât qu'ils trouuerent vn autre pauillon, ou estoit le vacher, lequel auoit gras bœufs & vaches qui estoient au Roy Hugon, car ce roi mettoit toute son affection à auoir grande prouision de bestial pour l'entretenement de son domaine. Quand charlemagne vit le beau pauillon, il s'approcha pres, & puis appella ceux qui estoient dedans, lesquels sortirent vistement pour scauoir que c'estoit, & incontinent demanderent à charlemagne qu'il queroit, & qu'il demandoit. A quoy charlemagne respondit qu'il queroit le roy hugon, lequel auoit tant ouï priser & honorer, & ausi qu'il demandoit s'il pourroit estre luy & toute sa compagnie logé celle nuit.

Quand le maistre des vachiers entendit que charlemagne queroit le roy Hugon & qu'il demandoit logis pour celle nuit, il luy dist Seigneur, qui que vous soyez, vous semblez estre gens de grād noblesse, & pour cause que vous querez mō maistre le roy Hugon, lequel est le plus riche roy qui soit en tout le monde ceans serez logez, & fussiez vous dix mille. Et pourtant mettez tous le pied à terre, car vous serez seruis de bon pain, & de bon vin, & bonnes viandes. Charlemagne oyant les parolles du vachier, sans nul arrest mist pied à terre, & le vacher, luy vint tenir l'estrier, dont Roland cōmença fort à rire: puis tous les pairs descendirent de leurs cheuaux, lesquels furent mis es estables & bien pensez. Charlemagne & tous ses gens furent celle nuit bien seruis, couppez d'or & d'argent furent deuāt lui apportez pour le seruir plus honorablement. Le vachier vint seruir charlemagne, & luy presenta deux gras chappons deuant luy appareillez, ainsi qu'il appartenoit.

Quand Roland vit le vacher qui seruoit ainsi charlemagne, il commença à dire, Dieu a fait auourd'huy grand graces à mon oncle d'auoir tant vescu qu'vn vacher la serui: de laquelle parolle charlemagne & les douze pairs commencerent à rire. Quand chascun eut pris sa refectiō, ils se coucherent. Le matin se font leuez, & sans retourner monterent à cheual, & se misēt en chemin. Aupres d'vn bocage entē<sup>r</sup> ouuē vn berger qui gardoit grād quantité de moutons, & auoit avec luy q<sup>u</sup>arante garçons, lesquels estoient dedans

vn riche pavillon. Et quand les douze paires eurent tout veu, Roland dit à Charlemagne si le roy Hugon est aussi bien fourny de toutes armes de guerre, comme heaumes, escus, lances & autres bastons comme il est de bestial, ainsi que vous voyez tous les Princes du monde ne le sçauoiét greuer d'un bouton. Pource ie vous prie cheuauchons tant que nous le trouuions, certes dit Charlemagne i'ay grand desir de le voir, & ce disant picqua son cheual & vint au Berger auquel il demanda s'il le logeroit en son pavillon. Le berger luy dit qu'ouy tres volontiers pour l'amour du roy Hugon: & aussi que vous me semblez estre de noble maison, & quand Roland vit que Charlemagne interrogeoit le berger, va dire à haute voix iamais nous ne retournerons en France que mon oncle Charlemagne ne sçache comme sont gardées vaches, pourceaux & moutons. Quand Charlemagne fut descendu de son cheual & les douze Pairs, sans longuement attendre la table fut mise, & honnestement furent seruis, quand Roland vit le berger qui seruoit Charlemagne il se print à rire, disant seigneurs il n'est homme qui à grand peine peust à gré seruir mon oncle ne iouyr de luy, mais certes vachers, porchers, & bergers en font à leur plaisir, ie croy certainement que leur mestier veut apprendre & tous commencerent à rire, apres souper que chacun eut prins son repas sommeil les print, si se coucherent & reposerent toute la nuit, le matin se partirent du pavillon & cheminerent grand erre en descendant vne vallée en laquelle ils trouuerent vn ieune messager qui cheuauchoit vistemment Charlemagne desirant sçauoir qu'il estoit picqua son cheual, & quand il fut pres, il luy dit, messager dieu vous gard, ie vous prie dites moy s'il vous plaist qui vous estes, sire dit le messager ie suis au roy Hugon, voicy à ma ceinture vne boëte d'or ou ie porte les lettres quand ie fais aucun message pour luy. Charlemagne qui fut ioyeux d'ouyr telles nouuelles, dit au messager dites moy ou est le roy Hugon car i'ay grand desir de le veoir, le messager dit à Charlemagne, sire il est en vne vallée par deça Constantin ou il meinc la charrue laquelle est toute d'or & d'argent & est esmaillée de pierrieres qui est vne chose tres riche, car ie croy que iamais hōme humain ne vit chose de si grand richesse, puis se partit le messager disant à Charlemagne que le roy Hugon auoit esté instruit des sa ieunesse à la charrue, lors Charlemagne dit aux Pairs de France, iamais n'ouit telles nouuelles qu'un roy fut charretier, i'en ay grand dueil ie vous le certifie. Bien pensif cheuaucha Charlemagne & les douze pairs, tellement qu'ils trouuerent le roy Hugon qui menoit la charrue aux champs laquelle estoit d'or & d'argent, les bœufs qui la menotent auoient les colliers battus de fin or & couuers de perles. Quand Roland vit la richesse il dit à Oliuier, allons y tost ie vous en supplie ceste charrue tenois en France, ie vous iure ma foy que ie la

romprois pour en faire forger monnoye pour auoir de l'argët afin que nous allissions en Espagne conquerir les mescreans & conuertir le peuple à la foy que nous tenons, car quelque richesse qu'on ait si on ne la fait valoir elle est perduë.

*Comment apres que Charlemagne eut trouué le Roy Hugon, il fut honorerablement festoyé & sejourna au riche Palais dudit Roy Hugon.*

**C**estuy Roy Hugon menoit la charruë aux champs, laquelle estoit ornée mout richement, il auoit à son chapeau vne perle laquelle iëdoit grand clarté pource que le Soleil flambloyoit dessus. Ceste perle estoit si grande qu'elle luy couuroit toute la teste, & auoit vn beau mulet richement accoustré. Si tost que Charlemagne & les Pairs le virent en tel estat ils le saluerent, & quand le Roy Hugon les vit il s'enclina vers eux, apres routes salutations faictes le Roy Hugon demanda à Charlemagne qu'il estoit & d'où il venoit.

A quoy charlemagne respondit ie suis Charlemagne Roy de France homme n'y à au monde soit Roy ou Empereur qui ne me doute. Nous venons du saint sepulcre ou Iesus-Christ fut mis, nous ne querons que hôte pour nous loger, quand le Roy Hugon eut entendu Charlemagne il dit. Doux amy ne vous souciez car auourd'huy ie vous logeray royellement. Adonc Roland dit à Oliuier ie voudrois tenir ceste charruë à Paris, pendu soit il qui telle charruë forgea & arse la femme qui le porta. Quand le Roy Hugon entendit Charlemagne ainsi parler, il laissa sa charruë & monta dessus vn mulet richement orné & mena Charlemagne en son Palais, lequel estoit si riche qu'il n'est langue qui peust raccmpter la beauté ne la richesse dudit Chasteau, car les murs estoient d'albastre, & les pilliers estoient d'yuoire, à l'entour dudit chasteau auoit bien cinq cens tours, & pour la grand beauté de ce chasteau il fut de Constantin appelé Constantinople. Quand les douze Pairs virent telle richesse ils furent mout esbahis, adonc se print à dire Roland ie voudrois que nous tinssiōs à Paris ceste charruë & ce charretier, ie vous promets que i'en ferois forger de bons florins, Charlemagne & les douze Pairs monterent au chasteau, auquel le roy Hugon les festoya honorablement. Cestuy roy Hugon auoit deux enfans masles & vne fille les plus beaux qu'il estoit possible de voir, l'vn des enfans auoit nom Tibers, & l'autre Henry, & la fille auoit nom laqueline comme il est trouué és vrayes histoires. Les enfans vindrent au deuant des François, Charlemagne & le Roy Hugon entrerent au palais & les Barons apres, & quand ils furent dedans, Charlemagne s'assit sur vn marbre & aupres de luy le roy Hugon, la

**femme & sa fille laqueleine.** Quād Oliuier veit ceste belle fille dit à soy mesme, si i'estois couché avec ceste belle fille ie luy ferois quinze fois la nuit ou ie voudrois estre démembré. Le roy hugon fit honnestement seruir à table Charlemagne & les douze Pairs, mais Oliuier ne mangeoit point & estoit tant pensif que merueille, parquoy Roland luy demanda s'il estoit couroucé contre quelqu'un, Oliuier respondit non, ie vous diray verité, sçachez que quand ie voy la fille au roy Hugon ie suis rauy de son amour car elle est si belle, gente, noble & gracieuse que si ie la tenois ceste nuit couchée avec moy ie luy ferois quinze fois, Roland se print à rire, disant, vous estes vn vray Pelerin qui venez du Saint Sepulchre & voulez gringotter. Quand ils eurent pris leurs refectiions le roy Hugon fit preparer treze lits en vne chambre, & les fit tous encourtiner de sandal, au milieu de la chambre y auoit vn lit mout solemnel lequel estoit préparé pour charlemagne, quād ils furent tous couchez Charlemagne ne pouuoit dormir, lors appella les douze Pairs & leur dit, Seigneurs ie vous prie dites quelque chose pour rire car ie ne puis dormir, adonc Roland respondit, Sire il est de raison que vous commenciez à dire quelque gabioyeux.

En ceste salle y auoit vn pilier de marbre qui estoit creux & dedās y auoit vn homme qui escoutoit ce que les François diroient pour le racompter au roy Hugon. Charlemagne commença à gaber le premier & dist. Nous venons du saint Sepulchre ou nous auons veu la couronne & les cloux de nostre Seigneur, le roy hugon est mout riche & redouté, nous sommes en sa Cour ou nous auons honnestement esté reçeus, iamais ne sera heure que ie ne luy en sçache bon gré, il a le plus riche palais qui soit en toute Chrestienté mais il ny a homme en sa Cour que s'il auoit vestu son haubert & qu'il eust le chef armé de deux heaumes de fin acier ie le couperois d'un coup de mon espée. Quand l'espie ouyt le gab, il dit à soy mesme, A Charles on a bien dit au roy Hugon que vous auez hardy courage & que nul ne vous fist iamais guerre que vous ne le vainquissiez car le roy Hugon fit grand folie de vous loger. Apres que Charlemagne eut gabé il dit a Roland qu'il gabast, & Roland dit, ie prendray au matin mon cor & corneray de si grand puissance, que par la force qui sortira de mon aine feray tresbucher toute la cité en vntas & si le roy Hugon venoit au deuant ie luy bruslerois la barbe, quand l'espie l'entendit il eut grand peur & dit à soy mesme. Helas si Roland fait ce qu'il dit il me faudra mourir, maudite soit l'heure qu'il fut né de mere, quand par luy la cité tombera.

Apres que Roland eut gabé, Oliuier dit seigneurs ie ne gaberay pas, mais

ie diray verité, & ie tenois la belle laqueline fille au roy Hugon, ie lui ferois quinze fois ceste nuit, l'espie pensa en son cœur qu'Oliuier estoit homme pour despucler la fille du roy quelque pelerinage qu'il eust fait. Apres qu'Oliuier eut acheué son propos, Oger se print à dire, seigneurs ie vous promets que demain ie romprai ce gros pilier qui est en ceste salle & feray tresbucher toute ceste maison, quand l'espie qui estoit dedas ledit pilier entendit Oger il se print à plorer, disât, Helas vray Dieu que dois ie faire, ie croi que tous les diables m'ont mis en ce pilier, si ie pouuois eschapper pour tout l'or du monde ie n'y retournerois. Si tost que Ogier eut dict son gab, Bernard commença à dire, demain matin si ie veulx l'abbatray ce palais, & quand ie le verrai choir ie feray vn si beau saut que sans mal auoir ie partiray de ceans, quand il eut entendu il se print à dire en soy mesme. Helas vray Dieu me conuient il mourir si miserablement, si les françois se peuvent endormir & puis sortir de ce pilier ie m'en iray aux champs si loing qu'il ne me tiédront pas, apres que Bernard eut fait son gab, Emeri se print à dire en telle maniere, Demain au matin ie leuerai à vne main ceste grosse pierre qui est en la cour & par dépit ie la ietterai contre le mur du Palais de si grand puissance que i'en abbatray trente toises. L'espie qui trembloit se print à dire tout bas en soi-mesme, ia Dieu ne plaise que tu aye la puissance de dommager vn tel palais qui est si fort & si plein de richesses, certes il auroit grand mestier d'hoste qui vous logeroit plus haut d'vne nuit. Et quād Emeri eut finé son propos, Gannes se print à gaber & dist. Demain quand nous serons au Palais & que le roy Hugon boira & mangera ie lui donnerai tel coup sur le col que ie lui romprai la gorge. Quand l'espie entendit Ganes si fierement parler il se print à dire tout bas que nul ne l'ouyr. O que tu es traistre de courage tu es homme pour faire vne fois quelque grand outrage, ien'ai point encores ouy dire aux autres si cruelle parolle, mon Dieu tu es bien desloial & de malheure né, & ie croi certainement que par toi seront faits maux immuable. Incontinent que Ganes eut proposé son dit, Naimmes commença à gaber & se print à dire, Si le roy Hugon me bailleroit trois haubers menus incontinent que ie les aurois vestus, iaçoit que ie sois vieil & rompu ie sauteray quinze toise plus haut que les murs qui sont en tout le palais & puis me coucherai sur la terre & m'estendrai & me tourneray si fort que les trois haubers desromprai comme la paille est desrompue aux pieds. Quand l'espie eut ouy Naimmes ainsi parler, il dit à soi mesme. Helas or voy ie bien que le palais du roy Hugon est perdu quand il a logé telles gens, mais que tout les diables d'enfer eust pensé que ce vieillard eust eu telle force, veu qu'il a ia bien six vingts ans, ie croy que sur la terre il n'y a gens pareils à ceux cy, ne qui sçachent faire de si terribles choses qu'ils disent qu'ils se-

ront. Apres que Naimés eut son gab terminé, l'Archeuesque Turpin com-  
 mença à gaber disant ainsi, ie vuidrai demain toute l'eau de ceste riuiere  
 qui passe contre le palais, & la feray venir dedans constâtin. Et n'y aura hō-  
 me soit noble, bourgeois, marchâs, dame ne damoïelle, ni autre gens qu'en  
 leurs maisons ie ne face flotter en l'eauë. L'espie se print a dire en soi meimes  
 O glorieux Dieu qui souffrit mort & passion en l'arbre de la croix ne vueille  
 permettre vn tel outrage estre fait. Mauuais conseil eut le roi Hugon quand  
 il amena telles gens loger en son palais: quand maintenât il lui vœullent fai-  
 re vn si grand dommage. Quand l'archeuesque Turpin eut acheué son pro-  
 pos, gerard de Mondidier se print à dire. Si le Roi Hugon me bailloit trois  
 chevaux & les mettoit en vn sentier guere loing l'vn de l'autre, & que mon  
 corps soit armé de trois harnois aussi pesans que trois fors & puissans cheua-  
 liers portant haubers en guerre, ie sauterai du premier iusques au tiers, sans  
 toucher au second: & du grand saut que ferai dessus cestui cheval, ie lui rô-  
 prai les os, & le foudroierai: & fustil le plus puissant cheval qui soit en tout  
 le pais du roi Hugon. Et quand l'espie eut entendu ainsi parler Gerard de  
 Mondidier, il fut tant pensif que merueilles, & estoit quasi cōme vn hom-  
 me ravi d'auoir telles parolles, puis il dit en son courage glorieux Dieu le roi  
 Hugon n'a pas besoing d'auoir vn tel page, jamais ie ne vis ne ouis parler  
 d'hōme qui fust si leger que cestui ci Apres que Gerard de Mondidier eut  
 dit son gab a sa volonté, Richard de Normandie dit le sien en ceste maniere  
 Si le roi Hugon prenoit six hommes les plus forts & puissans de toute la ci-  
 té, & les face armer à son appetit & volonté en telle façon qu'il voudra puis  
 apres qu'il mette vn grand cuvier sur la terre, & qu'il soit plein de plōb chaut  
 & bouillant, & puis que ie soie tout nud, & que les six hommes tous armez  
 soient tous fix trouffez dessus mon col ie sauterai dedans le cuvier, & forti-  
 rai dehors si que tous les six hommes serōt tous estonnez, & auront les cœurs  
 creuez dedans les corps du grand tombement que ie feray, & du plomb ne  
 seray point eschaudé. L'espie se print à dire. Je croy par mon Dieu que ces  
 gens cy sont d'acier composez. Apres Garin se print à gaber disant, deuant  
 qu'il soit demain matin ie mettray toutes les pierres du palais en la forest, tel  
 lement qu'il ne demeurera cerf, biche, dain, conis ne sangliers, n'autres be-  
 stes sauages que ie ne mette à mort, l'espie disoit tout bas. Mourir puisse il  
 de malle mort qui vous monstra le chemin de venir ceans. Berangier puis a-  
 pres gaba disant, preine demain le roy Hugon six espées d'acier les meil-  
 leurs qu'il pourra trouuer, puis les fiche a demy en terre, & ie soye tout nud a-  
 uec mes brayes ie sauteray dessus les poinctes en telle façon que ie les rom-  
 pray sans me blesser. Adonc Roland & Oger le dannois luy dirent. Nous ne  
 vous baillerons pas nos espees pour les gaster & rompre.

Comme les douze Pairs s'endormirent apres qu'ils eurent gabé, & comme at l'espie saillit du pillier et racomta au roy Hugon les gabs que les Pairs auoient faits, par quoy ils furent en grand danger. Cha. 7.

**A** Pres que les Pairs eurent gabé le sommeil les print & s'endormirent, & l'espie sortir hors du pillier creux qui estoit en la salle, tant secrettement que nul ne l'ouyt & racomta au Roy Hugon les gabs qui auoient esté faits par les Pairs de France, tellement qu'il en fut fort courroucé en son cœur, & les eust tous fait mourir, si n'eust esté que Dieu aimoit charlemagne, pour ses beaux faits, & vertus dont il estoit plein.

Mais nonobstant il dist qu'il les feroit tous prendre, s'il n'accomplissoient leurs gabs, auant qu'il fut lendemain matin. Et quand il fut iour le roy Hugon vint en la châtre de charlemagne disât roy de France mout estes hardy de vous venter de rōpremon palais, sçachez que i'en ay le cœur dolent. Je vous iure Dieu que si vous n'accōplissez ce que vous auez dit, ie vous feray à tous trācher la teste. at quād charlemagne l'entēdit parler, si fieremēt le regarda par quoy hugō n'eust oncques sigrāde peur, puis tourna, disāt tout bas, vierge marie quel pelerin. voicy, maudicte soit l'heure qu'ōcque ie les vis, car ie suis quasi mort du regard qu'il ma fait, i'en ay le cœur si esmeu que iusques à demian ie ne seray à mō aise. En la court du roy Hugō auoit vn riche barō qui auoit serui charlemagne, lequel auoit nō isambras de Bourdeaux. il fut banny de France pour vne faute qu'il auoit faite, le Roy hugon le vouloit faire seneschal en sa maison. Et quand il vit le roy Hugon si courroucé il luy demanda qu'il auoit, & il luy respondit, l'ay le cœur remply de courroux & de tristesse, de ce que les François se sont vantez, & disent qu'il mettront tout mon palais par terre, & violeront ma fille, & feront plusieurs autres maux. Sire, dit isambras, ie cognois bien charlemagne, & sçachez que iusques à Bonartus il n'y a si fort hōme, aussi est bien rolād: car si luy seul deferoit bien mille cheualiers, & tous les autres ne valent gueres moins: mais pour le mettre à mort ie ne sçauroye meilleur conseil dōner, sinon que vous filiez sonner par toute la cité, qu'incontinent le cry fait petits & grāds fussent amez sans point arrester, puisque vous les ailliez prendre à pied-leuē.

Le roy Hugon dit qu'il seroit fait, & s'il les pouoit tenir qu'il les feroit toccire. Il y auoit en la court du Roy Hugon vn ieune garçon qui estoit bāny du Chasteau de Laon en picardie, & incontinēt qu'il entendit la trahyson: il se print à dire tout bas, Si on ma banny de France, ce n'est que par mon mal fait, i'amaise ne hayeray ceux de ma nation, certes ie les aduertiray, afin que



que chacun pense en son cas, pource dit on cōmunement, iamaïs bon cœur ne peut mentir.

*Comment le Roy Hugon cuida faire tuer les pairs de france si n'eust esté un ieune enfant qui le seruoit : & estoient enuiron trente mille contre treize, lesquels furent quasi tous tuez par les pairs, Chap. VIII.*

**E**Nuiron l'heure que le roy Hugon fit armer tous ses gens, pour mettre à mort les douze pairs de France. Vn ieune enfant vint au Roy Charlemagne, & luy racomta toute la trahison que le Roy hugon luy vouloit faire, & luy dit. Sire, sçachez que ie suis natif de la ville de Laon en picardie, en laquelle auoit vn chanoine qui me vouloit frapper d'un cousteau, mais ie le tuay: parquoy ie suis banny du royaume de France, & suis venu en ce pais & combien qu'on m'ait iecté & banny hors du pais: toutes fois ie ne pourrois endurer ne souffrir que vostre roiale maiesté fut trahie. Sçachez Sire, que pour les gabs que vous fistes hier apres soupper, le roy Hugon vous fera tous mourir. Allés vous en de ceans si vous pouuez eschapper. Et Charlemagne luy promist de luy faire rappeler son bannissement, & luy pardonna. Le ieune enfant se partit puis Charlemagne appella ses cheualiers & leur dit, Sçachez seigneurs que tous les habitans de la ville nous veulent icy tuer pour les gabs que nous auons faits, il nous faut vaillamment deffendre, afin que nous puissions tous retourner en France. Et Rolād dit deuāt tous. Je sçai bien que tous les bourgeois viennent sur nous mais ie vous promets que de durandal mō espee me verrez bien frapper, & en telle façon les escarmouche-ray, que ie feray rougir tout le palais de sang, & tant plus en viendra & tant plus en feray mourir. Oliuier dit tout haut, de Haute elere mō espee i'en tue-ray plus de mille. Adonc dit le duc Naimes, ie ne m'enfuiray pas, pōurant si ie suis viel: mais i'en frapperai, que vous orrez mō espee retentir par le palais, nonobstant si ie puis ie feray tant par beau parler que partirons de ceans. Chacun en dit son opinion. Et ainsi qu'il deuisoient le roy Hugon qui estoit mōrt courroucé assembla ses gens, tellement qu'il furent plus de trentemille contre les Pairs de France, qui n'estoient que douze, & charlemagne faisoit le treiziesme. Le roy hugon alla vers le palais, & mena ses gēs crians, ou sont les gens qui sont si faux & outrageux. Quand Roland les ouit, il se leua debout, disant Soyons aujourd'huy vaillans. Adonc le duc Naimes dit à roland, par le Dieu glorieux vous estes trop chaud. A quoi roland respondit, a tout perdre il ny a qu'un coup perilleux. Et en ce disant il saillit sur leurs ennemis. Charlemagne le suiuit, & se pritēt à chapelier, tuer, & detracher les

habitans de cōstantinople. Charlemagne auoit ioyeuse son espée, de laquelle il couppoit & detranchoit salades, & escus. Et Roland estoit de l'autre costé qui faisoit merueilles de frapper. En brief tous se porterent si vaillans, que iamais gens ne furēt si bien secouez, car il en mourut plus de deux mille ou plus. Et si n'eust esté que le roy hugon auoit fait crier que tous ceux qui fueroient seroient pendus, ils s'en fussent fuis du commencement de l'assaut car ils disoient que les François estoient diables venus d'enfer, tant faisoient de vaillances. Quand le roy hugon se vit desconfit, il renforça les gens, cuidant mettre à mort les douze pairs. Il y auoit vn bourgeois qui cōseilloit au roy hugon qu'il appointast à charlemagne, & qu'il deuoit considerer que treize hommes en auoient mis à mort plus de deux mille, & que le sang des morts couroit à grands ruisseaux. le-croy, dit-il qu'ils ont droit & nous auons le tort. car autrement treize hommes ne scauroient faire telle desconfiture, nonobstant que treize hommes bien frappans de l'espée nous mettroient à mort, car nous n'auons pas accoustumé faire guerre cōtre les François, pour ce parlons à eux. Le roy hugon incontinent fit sonner la retraite: puis alla vers Charlemagne: & luy dist, roy françois Dieu vous doint salur, vous sçavez que ie vous ay logé en mon palais, & quād vous fustes couchez fistes vos gabs de moy Sire dit Charlemagne, ne vous courroucez pas, car c'est nostre coustume entre nos François de nous esbatre pour passer nostre temps. Le roy hugon plus marry que deuant dit à charlemagne. le vous iure mafoy que vous n'aurez paix à moy que n'ayez les gabs accomplis, autrement vous feray à tous trancher la teste. Quand Charlemagne entendit ceste parolle, du grand despit qu'il eut le visage luy rougit, & dit à Hugon fierement. Sire nous n'auons rien dit par malice, & si vous iure monsieur S. Denis que nous n'auons ce dit sinon par esbatemēt, mais puis que vous en parlez si auāt les gabs seront accomplis. Adonc roland se print à dire, ie vous promets que point ie ne faudray, oliuier dist, ie vous iure que ie feray le mien, par tel si que l'on me baille la belle laqueline pour coucher avec moy, & au cas que si ie faux que l'on me coupe la teste. Chacun dit qu'ils accompliroient leurs gabs. Cela fait, se sont partis les gens du roy hugon. Charles s'est retiré en vne chambre avec les douze pairs, lesquels prindrent conseil les vns aux autres, comme ils pourroient eschapper des gabs par eux faicts. Roland dit à Charlemagne, mon oncle, commēt seroit il possible à nous de faire ce qu'auons dit: si ne les faisons, nous sommes en danger de mort, charlemagne dit ne vous souciez, nostre seigneur nous aidera: car ceans & en autres lieux il nous a monstré signe d'amour. Apres s'en sont tous allez ouir messe: Charles si se mit en prieres, requerant nostre seigneur qu'il leur voulsist donner secours incontinent sa priere faicte, vn Ange du ciel luy est apparu, qui luy dit

Charles fois assésuré car Dieu te mande par moy que les gabs seront accomplis, mais iamais ne te vente de dire telles parolles. Et quand Charles entendit la voix de l'Ange tendrement se print à plorer en rendât graces à nostre seigneur, puis vint aux douze pairs disant, nobles barons prenez resiouissance car Dieu nous mande que les gabs seront accomplis. Quand les barons entendirent les nouvelles deuotement remercierent nostre seigneur & sa beniste mere.

*Comme les gabs faits par les douze Pairs furent accomplis, & comment Oliuier coucha avec la belle Iaqueline fille du roy Hugon, duquel & par le vouloir de Dieu engendra Galien Restauré. Cha. 9.*



LE Roy Hugon fort courroucé s'en vint à Charlemagne & aux douze Pairs pour leur faire accomplir les gabs en disant. Venés Oliuier vous vous estes vanté que si vous teniez ma fille Iaqueline couchee avec vous que quinze fois luy feriez le ieu d'amours en vne nuit. Pour laquelle chose veux que le gab accomplissies ou autrement vous feray trancher la teste. Adonc dit Oliuier, si voulés que le gab soit accompli baillés moy vostre fille & ie l'accompliray, incontinent le roy Hugon luy fist preparer vn lié richemēt encourtiné auquel couchèrent la belle Iaqueline & oliuier se mit appertement en besongne ainsi que doit faire vn bon ouurier.

Et tellement besongna que douze fois le ieu d'amour accomplit & tant fit que plus ne peut aller auant & se rendit aux armes d'amour puis dit à la belle Iaqueline, мамie il nous faut reposer vn peu & se baisèrent l'vn l'autre, puis s'endormirent iusques au iour & quand ils furent esueillés recommencerent leur entreprise, mais le noble oliuier ne le peut faire sinon vne fois qui fut la treziesme & se rendit au labeur en disant à la belle Iaqueline, A madame pour Dieu ayés mercy de moy, adonc dit la belle Iaqueline, oliuier mon amy ie vous promets la foy qu'a mon pere diray que quinze fois l'aués fait ou plus, dont suis seur que grand desplaisir en aura. Le noble Oliuier grandement le remercia, quand vint au matin le Roy Hugon manda

querir sa fille la belle Jaqueline & quand elle fut douât luy, il luy dit. Certes mon pere il l'a fait quinze fois & plus si i'eusse peu souffrir Par ma foy dit le Roy Hugon ma fille ie n'ay point pitié de toy, car i'amaïs fille de roy ne fut micux labouree que tuas esté ceste nuit: Apres il dit qu'il vouloit que Emery gabast lequel auoit dit le soir qu'il leueroit vne pierre à vn bras laquelle estoit en la cour du palais, & qu'il on donneroit vn tel coup contre le mur qu'il abbatroit trente toises. Ceste pierre estoit si pesante que trente cheuaux ne la pouuoient leuer de terre qu'ils ne fussent bien chargez. Adonc se print à dire Emery. Certes ie l'ay dit & le ferai, & en parlant il print la pierre par le milieu & la leua de terre, & en frappa si roidement contre le mur qu'il en abbatit plus de trente toises non pas par force qu'il eust, mais par la volonté de Dieu. & pource que charlemagne auoit tousiours serui Iesus christ. Et quand le roi Hugon vit ceste chose il fut mout esbahi & dit tous massons doiuent bien aimer vn tel homme qui en vn moment a rompu autant & plus de mur qu'il n'en pourroit faire en vn an & demi. Le croi fermement que les diables d'enfer l'ont fait venir en ce pais pour me faire si grand dommage. Sire dit-il au roi charlemagne, ce n'est fait acte roial ie vous ai logé honorablement à vostre appetit en mon logis & palais roial, mais vous me rendez mal pour bien. Charlemagne lui respondit, certes ie ne vous fais nul desplaisir, car vous voulés que les gabs soient par nous accôplis, & encores si vous voulez ils seront tous fais. Et il respondit qu'ouy Incontinent Turpin dit, ie le ferai. Mais si ne voulez estre noiez sortez tous de la ville. Et à l'heure presente Turpin monta en vn grenier du palais, & seigna la riuere par la vertu & puissance de Dieu la fit toute saillir, & courre par la ville tellement qu'il n'y eut châtre ne autre lieu en la ville qui ne fut pleine d'eau. Vous eussiez veu tout le peuple de la ville crier à haute voix. Vray dieu de paradis veuillez nous aujourd'huy aider, car en malheure vindrent les François à constantin, & en tout le pais pour nous faire finer. Quand le Roy hugon vit la cité pleine d'eau si s'en vint à charles disant. Sire ie vous requiers pardon en vous priant qu'il vous plaise que ceste riuere retourne en son estre, car tous les gens de constantin sont quasi noiez sur tous les hommes du monde vous estes le plus puissant, ie veux estre obeissant moy & toutes mes gens à vous. Quand Charlemagne l'entendit il se print à rire disant. Voulez vous que l'on face encores des gabs, dites le hastiuement, car ils sôt tous prests de les accomplir Certes non dit le roy hugon: car tant que ie viuray ie n'oublieray les gabs que vous auez faits, & des maintenât me soubmets à vostre seruice. Et incontinent fut mise la couronne d'empereur sur le chef de Charlemagne. Adonc le roy hugon luy fit hommage & tint son pais de luy, & fut charlemagne seigneur superieur par dessus luy deuant tous les

gens de constantin. Huit iours sejournerent au palais du roy hugon puis s'en departirent & prindrent congé de la belle laqueline, laquelle fit maints regrets & lamentations pour l'amour de son amy Oliuier. Le neuuesme iour charlemagne & les douze pairs se departirent & firent tant par leurs iournées qu'en brief temps ils arriuerent en France disant a dieu au roy Hugon, mais quand la belle laqueline les vit venir mōtez à cheual elle regardoit Oliuier mout piteusement, disant. Helas dictes moy s'il vous plaist si vous me voulez point emmener avec vous, certes ie croy que ie suis grosse. Incontinent charlemagne & les douze pairs de France se sōt mis en chemin, & la belle laqueline s'est mis a plorer, & dit à haute voix. Comment mon amy ; Oliuier me lairrez vous ? Helas menez moy en France, ou moins si ie suis grosse d'un beau fils vous le ferez nourrir avec vos amis. Certes dit Oliuier donc a amie ie vous promets que i'iray conduire mes compagnons iusques en Frāce, puis ie retourneray & vous espouseray s'il plaist à vostre pere. Oliuier se departit d'elle en iettant grands souspirs & oncques puis ne se virent, car oliuier mourut à roncevaux par la trahison du faux & traistre Ganelon. Neuf mois apres la belle laqueline accouchā d'un beau fils lequel fut nōmé Galien, oncques tels cheualiers ne naquists ne qui mit plus de payens à mort.

---

*Comme le roy Charlemagne tint conseil avec les Francois pour aller en Espagne. Chap. X.*



Quand l'Empereur Charlemagne fut arriué en France, il ne luy chailloit de chasser aux lieures, cerfs, biches ne sangliers, mais il fit assēbler tant de harnois qu'il pouoit trouuer & de tout sō courage il faisoit forger instrumēs de guerre. Apres ceste cho-

se faite il assembla tous les nobles Seigneurs, & barōs de Frāce, les Alemans, Picards, Champenois, & plusieurs autres nations, & les fit tous assembler à Paris en son Palais royal, & quand ils furent tous assemblez, il leur dit, Seigneurs sçachez qu'il m'est venu vn messager, disant que vers Espagne sont arriuez nos aduersaires, lesquels font mourir tous les chrestiens. Vous estes

mes barons, & mes amis chers, à ceste cause ie me veux cōseiller à vous. Sire dirent les barons, nous yrōs ou vous voudrez, mais vous auez mené si longuement guerre que nous sommes tous rompus & chassez, & nos harnois to<sup>r</sup> despezce & froisse, nous n'auons haubers ny elcus qui ne soient rompus & casses tous nos grands cheuaux sont morts. Quand charlemagne entendit ainsi parler ses barons par grād fierté leur dit. Or ne groignez plus, car vous viendrez vueiller ou non. Si vous n'auiez harnois nous en ferōt forger à Paris, & au villes d'environ. Si vos cheuaux sont morts, nous en gaignerons en Espagne. Apres ces parolles dictes, il fit incontinent preparer tout son bagage, & cheuaucha droit en Espagne le plustost qu'il peut pour desconfire les payens. Incontinent qu'il fut en Espagne il il fut dit par Roland & les autres pairs que Ganelon iroit en ambassade deuers le roy Marsille, lequel faisoit beaucoup de greuance aux Chrestiens, comme plus à plain sera declaré.

---

*Comment Ganelon fut enuoyé en Saragosse en. embassade vers le Soudan Marsille, par le consentement de Roland, ou il vendit les douze Pairs de France, et vingt milles hommes. Chap. XI.*



**I**L fut conclud par le consentement de Roland & des Pairs de France, que Ganelō iroit en embassade vers le roy Marsille qui estoit en Saragosse, & luy porta lettres que Charlemagne luy enuoyoit, donc Ganelon fut si courroucé qu'il cuida creuer de despit contre Roland qui estoit cause qu'il y alloit. Il iura Iesus-Christ que il s'en vengeroit fort bien, & aussi fit-il, dont ce fut grand pitié: car il ne fut oncques puis que le royaume de France n'en valut pis. Quand le traistre Ganelon fut arriué deuers le roy Marsille en Saargosse, il monta en son palais qui estoit bien plaissant & richement paré, & dit au Roy Marsille. Sire Roy entendez à ce que ie vous diray, le Roy Charlemagne tres-Chrestien vous mande que vos reniez vostre Dieu Mahommet pour croire en Iesus-christ, & vous rendez à luy, ensemble la ville de Saragosse & tout le pays d'environ. Mais entens bien premier à ce que ie te veux dire, Car si tu fais

par mon conseil, ie te feray sans faute deuât qu'il soit quatre mois d'icy roy de frâce, & si tiendras tousiours ta loy & destruiras charlemagne & to<sup>s</sup> ses gēs & avec ce ie te promets ma foy que ie croiray en ton Dieu moyēnant que tu faces mon commandement. Incontinent que le roy Marsille l'ouit il vint ac coller le traistre Ganelon, & luy fist la plus grande chere du monde, & lui dit en riant. Dites moy donc bel amy s'il vous plaist comment ie dois faire.

Adonc Ganelon dit au roy Marsille. Sire roy ie te requiers que tu vueilles celler ce que ie te diray. Ie hay parfaictemēt Rolād neveu de Charlemagne tant que ie ne demande sinon trouuer occaſion de le faire mourir, parquoy ie te promets ma foy que si ie deuoye perdre ma femme, mes enfans, mes parens & mes amis & laisser mon pais & mes terres & seigneuries, & renier la Loy de iesus-christ pour croire en la tienne, & demourer avec toy par deca, & me deusse emporter tous les diables d'enfer en corps & en ame, ie mettrai peine de faire mourir roland. Et si tu me veux aider, ie feray mourir plus de vingt mille chrestiens les plus vaillans & hardis qui soient en France lesquels sont avec luy. Quand le roy Marsil le entendit ainsi parler Ganelon, il s'esquit plus qu'il n'auoit accoustumé de faire : car roland estoit le plus grand ennemy qu'il eust & le haïſſoit plus que tous les hommes du monde, pource qu'il luy auoit couppé vn bras deuant la cité d'Angers, puis il dit à Ganelon. Franc cheualier, dis moy comment ie pourray auoir Rolād. Sire dit Ganelon, vous deuez ſçauoir que Charlemagne m'aime fort & se fie du tout en moy, & me croira de tout ce que ie luy diray : car quand ie seray retourné vers luy, ie luy diray que vous estes deliberey de vous rendre à luy, & luy rendrez la ville de Sarragosse, & croirez en Dieu le tout puissant & que vous luy donnerez cent beaux palefrois, cent perles oriētales, cent leuriers, cent bracelets & deux esperuiers & avec ce quarre cens chenuaux noblemēt aornez, & deux cēs mille marcs d'or fin pour deffrayer & payer son armée. Et quand charlemagne entendra ces nouuelles, il sera fort ioyeux. Puis apres ie luy diray qu'il face leuer son ost, & qu'il departe, & qu'il laisse Roland & Oliuier pour faire l'arriere garde, pour receuoir iceux dons. Et incontinent qu'il sera passé outre les ponts & tout l'ost, vous ferez armer tous vōs gens, & quand ils seront armez, vous les ferez frapper sur roland & sur ses compagnons vers la minuiet : car il ne pourra auoir nul secours de charlemagne, & ie seray avec luy ou ie l'amuseray tant que ie pourray afin qu'il ne puisse donner secours aux chrestiens, & adonc pourrez desconfire roland & les autres François. Par Mahom, dit le roy Marsille, ie n'y faudray pas : car mon frere Belligand doit venir demain à mon secours, & amenera avec luy cent mille Sarrazins, & quand ils seront venus ils iront avec mes gens enuirō la minuiet bien secretement tant qu'ils ne les apperceuront point. Adonc Ganelon lui

dit vous parlez sagement mais quand vous viendrez assaillir roland il vous faut faire bien ordonner vos gens, car il à avec luy vingt mille bons combatans les meilleurs du royaume de France, & sont aussi avec luy six pairs de France lesquels sont de noble courage c'est à sçauoir le comte Oliuier, l'archeuesque Turpin, le duc Naymes, Beranger qui est mon prochain parent, Estou le fils Oedon, & Godefroy, Inon, Iuoire, richard & Vincet, il est necessaire que vostre armée soit bien disposée & qu'il y ait bons chefs de guerre pour les conduire sagement car tous ceux que ie vous ay nommé seront deuant & les premiers en la bataille, c'est la fleur de France & les meilleurs cheualiers & les plus redoutez de la Chrestienté. quand Marsile eut bien escouté Ganelon de grand ioie le cœur lui rit au ventre & iura Mahom qu'il occira roland & mettra en peine & en tourment tous les Barons chrestiens qui sont avec luy. Apres ces paroles dites Ganelon print congé de Marsille & légèrement s'en retourna en l'ost de Charlemagne avec plusieurs riches & precieux dons, lesquels luy furent donnez. Et quand ils fut arriué en l'ost de Charlemagne ainsi comme il se cuidoit encliner pour le saluer le traistre & desloyal cheut tout plat par terre, dequoy les Barons furent esbahis, apres qu'il fut releué il dit à Charlemagne que Marsille croyoit en Iesus-christ & qu'il luy deuoit enuoyer grande quantité d'or & d'argent, & qu'il luy rendroit les villes & citez toutes a son commandement, & que dedans la sainct Iean prochainement venant il viendrait à Paris avec mille hommes pour le seruir & que baptiser se feroit. Et quand Charles l'entendit ainsi parler il vint par loyalle amour accoler le maudit Ganelon pensant que ce qu'il disoit fust vray. Tous les Barons commencerent à demener grand ioye parmy la tente du roy Charlemagne, puis Ganelon dit, noble roy plaise vous de m'escouter, faites troussier vos harnois & vos bernages, & vous en allez coucher à trois lieües d'icy deuant Soleil couchant, & laissez roland & Oliuier, & vingt mille hommes combatans avec eux pour l'arriere garde, lesquels attendront l'or & l'argent & la richesse que le Roy Marsille doit enuoyer puis demain matin il viendront apres nous ou quád ils vous plaira. Charlemagne creut Ganelon & luy dit qu'il parloit bien, incontinent il fit troussier tous ses harnois & appella Roland & les autres Barons & dit, Seigneurs vous attendrez les richesses que le roy Marsille doit apporter & ie m'en vais tousiours deuant. Adonc Roland respondit à Charles que tres volontiers feroit son commandement car il ne se doutoit point de la trahison, Charlemagne departit & laissa vingt mille hommes avec roland, lesquels moururent dont ce fut grand pitié & dommage pour le royaume de France comme deuant auez ouy. Nous laisserons à parler de la trahison de Ganelon & retournerons à parler de la belle Iacqueline fille du



*Galien restauré.*

roy Hugon, laquelle fut deietee de Constantinople par le consentement de son pere & de ses freres à cause qu'elle estoit grosse & fut logee en la maison d'une pauvre femme secrettement au quel lieu elle accoucha d'un beau fils lequel fut appelé Galien.

*Comme la belle Laqueline fille du roy Hugon accoucha d'un beau fils appelé Galien restauré, lequel nom luy fut imposé par deux Fées, dont l'une estoit appelée Galienne, & l'autre Esglantine.* Chap. 12.



**L**A belle Laqueline estant en la maison d'une pauvre femme, vn matin comme elle se leuoit, derriere la maison y auoit vne fontaine en ombrage, à laquelle elle alla pour passer son temps & sa melancolie, quand elle fut pres de la fontaine le mal d'enfantement tellemēt la tourmenta qu'elle se print à crier, Et incontinct par le vouloir

de Dieu les Fées entendirent la voix de la noble Dame lesquelles vindrēt reconforter, & quand elles virent l'enfant qui estoit vn beau fils elles se sont fort resiouies & ont l'enfant honnestement receu. L'une des deux Fées s'appelloit Galienne & l'autre Esglantine, laquelle tint iadis la terre de Ponthieu au pays de Picardie & fut compagne de Morgue vne longue saison. Quand elle vit l'enfant sur l'herbe verte elle sentit sa douce aleine, adonc dit à la belle laqueline, certes Dame cestui enfant est destiné d'auoir beaucoup de peine, mais nous luy donnerons vn beau don. Galienne dit à Esglantine, dame donnez luy vostre don: certes dit Galienne puis qu'il vous plaist ie le feray. Et pource que ie cognois que l'enfant aura beaucoup de peine en bataille ie ne luy puis oster, mais ie luy octroye qu'il soit toute sa vie hardy comme vn Lion & qu'il ne puisse mourir par trahison, & s'il est en guerre mortelle qu'on ne le puisse naurer de playe qu'il n'en soit gueri en trois iours, & veux qu'il soit roy de Constantinople & que ses oncles n'ayant vaillant vn denier, & afin qu'il souuienne à sa mere de nous il aura nom Galien & portera mon nom. Dame dist Esglantine vous auez donné de beaux dons à cēr enfant, & ie luy en donne vn, c'est que tant qu'il viue il ne sera las ne marré en ioustes ne tournois & que par nul ne soit deffait ne

reculé de demi pied de long & tant occira de payens que toute chrestienté en soit mise en repos, & auant qu'il meure sera roy couronné, & quand les douze paires seront morts cet enfant fera telle desconfiture qu'il restaurera Charlemagne & le residu de ses gens de mort, adonc dit Galienne, ma belle sœur, vous auez bien parlé & puis qu'ainsi est qu'il restaurera le roy charlemagne il sera appelé Galien Restauré. Le nom fut trouué sur le grauiers de la claire fontaine car les deux fées y auoient escript le nom, & l'escript faict en partirent soudainement. La belle Iaqueline n'oublia pas le nom de son enfant que les deux fées luy auoient imposé. Et incontinent on mada l'Archeuesque pour baptiser l'enfant, la belle Iaqueline deffendit qu'on ne luy changeast point son nom, pource que les fées luy auoient donné ledit nom. Cestuy enfant fut baptisé & nommé Galien Restauré. Vn messager alla hastiuement à la royne femme du roy Hugon & luy dit, Dame remerciez Dieu le createur car vostre fille Iaqueline a vn beau fils iamais plus bel enfant ne fut veu. Et quand la royne sceut qu'Oliuier l'auoit engendré elle se print à soupirer tendremēt, helas dit elle Oliuier de mal'heure vous fustes en ce pays, nonobstant que tant de mal ay veu en vous que cestuy enfant nourriray quelque chose qu'en doie dire le roy Hugon mon mary lequel par despit de vous a dechassé de son pays ma fille Iaqueline. La belle Iaqueline estoit en la maison de la pauvre femme piteusement seruie, incontinent sa mere luy enuoia courtines, oreillers & couuertures, or & argent à grand foison. Le tiers iour qu'on la vouloit baigner sa mere la vint visiter: mais quand Iaqueline la vit piteusement lui dit, helas ma tres honorée mere ie vous prie ne vous mettez en danger pour moy, vous scauez que mon pere m'a fait dechasser de son palais pource que i'estois grosse d'enfant, sa mere luy dit, taisez vous ma fille ne vous souciez de rien car tant que serez ceans vous n'aurez faute de rien, & quand vous serez releuee ie vous donneray or & argent pour mener vostre train, outre plus vous donneray palefrois pour vous mener & deux escuyers qui vous condairont iusques à l'hôtel de vostre cousin le Comte de Damas, & sera vostre beau fils honorablement nourry. Vous scauez ma fille que vos deux freres vous ont en hayne, & desirent vous mettre à mort & vous & vostre beau fils dont ie suis fort courroucée. Apres que Iaqueline fut releuée elle & son beau fils Galien furent menez au Comte de Damas lequel les reçut amiablement. Galien fut mis à l'escole lequel creut & deuint grand en peu de temps & bel enfant, car chacū l'isoit qu'il estoit le plus bel qui fut en tout le pays de Damas, vn matin comme Galien alloit à l'escolle, il trouua en la cour du comte vn cheual qu'on auoit attaché de sa bride contre vn mur, incontinent le deslia & monta dessus & tant le fit courir que ledit cheual mourut dessous luy. Le comte

de Damas estant à vne fenestre le regardoit, adonc appella sa mere Iaqueline, & luy demanda par sa foy si Galien estoit fils d'oliuier, laquelle luy respondit que oui. Alors lui monstra comme il auoit tué son cheual en courant par la cour, puis luy dit, certes c'est grãd folie de l'enuoyer à l'escole, car il ressemble bien celuy qui l'engendra. Le vous promets ma foy que iamais il n'y ira. Celuy enfant fut nourry à Damas, au temps que charlemagne estoit à Roncevaux, faisant la guerre aux Sarrazins. Celuy Galien se faisoit aymer de chacun. il estoit doux & amiable, & aimoit Dieu & nostre Dame & l'aincte eglise, comme plus à plein sera déclaré en cestuy present liure

*Comme apres que Galien eut quatorze ans, le Conte de Damas le mena avec luy vers le Roy Hugon: & comment Iaqueline reuint vers son pere, et dit à Galien qu'il estoit fils d'Oliuie. Chap. XIII.*

**A** Pres que Galien eut quatorze ans, il estoit si bel enfant, que plus ne fut veu au pais. Il aduint vn iour d'une natiuité, que le Roy Hugon tint court en son palais. Le conte de Damas fut à la feste, & mena Galien avec luy. Il auoit grosses espaulles gresse corps, les cheveux blonds, & les yeux vers, tellement que par tout fut dit qu'il estoit le plus bel enfant que iamais on auoit veu. Son oncle & luy sont entrez au palais, le conte s'est incliné contre le roy hugon, lequel le salua humblement: puis à regardé Galien qui estoit avec le conte de Damas. Et quand il eut Galien regardé, il appella secrettement le conte, & luy demanda a qui estoit c'est enfant. Le conte ne fit point semblant qu'il l'eust entendu, mais vint à luy, disant. Sire, commẽt vous a esté: i'auois grand volonté de vous voir. Comte, dit le roy Hugon, estes vous sourd: ie vous ay demanday à qui est c'est enfant. Certes, dit le cõte depuis que ne vous vis ie suis assourdy. Le roy Hugõ cuidât qu'il fust iour qu'il approcha de luy, & luy cria dans l'oreille, luy disât, Distes moy ie vous prie qui est c'est enfant ie ne le demande pas pour mal. Quand le cõte l'ouit, il se print à rire. Adonc la roine qui le cognoissoit, lui dit. Sire il suffit, il n'est pas mestier de tout dire. Le roi Hugon dit qu'il scauroit qu'il estoit: car en sa vie n'auoit veu plus bel enfant. Et incontinnẽt appella Galien. D'ou est tu, beau fils, ie te prie que tu ne me celes point, car tu n'ẽ peu pis valoir, Galien lui dit Certes, Sire, ie ne scai, & iamais ie ne vis mõ pere: mais si ie scauois en quel pais il est mort ou viſ, i irois vers luy. Et s'il estoit en guerre & que i'eusse vne espẽe ie le reuancherois contre ses ennemis. Quand le roy hugon l'entendit il se print a rire, & lui dit deuant tous. Vous estes trop ieune pour faire ce que vous distes. Sire dit Galien, il m'est aduis que ie le feroie: car ie me sens bien de mon corps, que si trouueie vn autre de ma sorte, iamais ne feroie las

de frapper dessus. Par Bieu dit le roy hugon, iamais ie ne feray bonne chere iusques à ce que ie sçache qui vous estes. La roine dit, Sire vous le sçaurez croyez de vray que l'enfant est fils d'oliuier, & de vostre fille Iaqueline que vo<sup>o</sup> dechassastes de vostre pais quād elle fut grosse. Adonc dit le roy Hugon soy esmerueillant, certes iamais ie n'en sçeu riē: mais pource que ie voy cest enfant estre si bel & si auenant, faictes mander ma fille, car iamais ellen'aura faute de chose que ie possède, car iusques en Orient n'y a si vaillant cheualier comme est oliuier son pere, apres le Duc roland. Quand Galien l'entendit humblēmēt remercia hugon du bien qu'il luy vouloit. Et tellemēt aima hugo à Galien, qu'il demeura deux ans avec luy. L'enfant n'eut point esté trois mois en constantinople, qu'il luiuoit ioustes & tournois, tellement qu'il faisoit merueilles, Et furent donnée prix enioustes tellement que Galien gaignoit tous les pris Et luy donnerent les cheualiers le bruit, mais il auoit deux oncles, lesquels estoient enuieux sur luy, en telle maniere qu'ils le voulurent meurtrir en vn mois à cause qu'il se portoit mout honorablement en faictes d'armes contre les plus vaillans cheualiers & emportoit tous les prix.

*Comment Tibers frappa Galien de l'eschiquier, en iouant aux eschets.*

Chapitre. XVI.



**V**N iour cōmo Galien iouoit aux eschets avec son oncle, si print vn roc, & dit à haute voix, ie dis mat. Tibers qui contre luy iouoit eut despit avec l'enue qu'il auoit sur luy, il prit le tablier & l'en frappa sur la teste, partelle façon que le sang couloit de son chef iusques a terre, & lui dit plusieurs paroles.

Quand Galien vit son sang faillir en telle abondance, il se print à dire. Oncle vous auez

rt de me frapper si fierement, nul d'esplaisir ne vous ay fait pour m'auoir  
 nsi outragé. Apres qu'il eut ainsi parlé a son oncle, il saillit hors de la mai-  
 n, & s'en alla à trauers vn iardin, tât demanda Galie sa mere, qu'il la trou-  
 , il la vid, il se print à dire à haute voix. Tres - chere mere sçachez que  
 es oncles m'ont fait iouer aux eschets mais en iouant mon oncle Tibers  
 a frappé de l'eschiquier dessus la teste, tellement qu'il m'a fait saillir le  
 ng en grande abondance, dont ie suis fort blessé, & si ne luy ay pas voulu  
 ucher. Outre plus il m'a appellé bastard, dont ie suis de couroux naufé ius-  
 es au cœur. Treschere mere vous scauez que telles parolles touche gran-  
 ment à vostre honneur & au mien. Il faut bien dire quil n'a pas noble  
 rage, & qu'il est plein de cruauté, & de toute malice: certes ma chere me  
 il est vray ce qu'il m'a dit, il procurera vostre mort, dont il me desplaist.  
 iens vers vous pour auoir conseil: car ie ne veux riē faire sans vous & que  
 s y consentiez Pour ce ma mere, dictes moy qui ie suis & comme vous  
 nez engendré. Mon fils, dit sa mere ie vous diray. Vne fois fut que char-  
 agne & les douze pairs de France en reuenāt du saint sepulchre de Hie-  
 lem par cy: & mon pere les logea, & leur fit grand honneur, & la nuit  
 nd ils furent couchez, ils se prindrent à gaber. & vn clerc qui ouit les  
 le vint rapporter à mon pere, lequel iura qu'il les feroit tous mourir s'ils  
 complissoient ce qu'ils auoient dit. Alors l'un d'eux nommé le comte  
 nier dit que s'il m'auoit à son coucher, quinze fois auoit ma compagnie  
 soy reposer, mon pere me bailla à luy, à qui ie n'osay refuser, & accom-  
 e qu'il auoit dit, & ainsi fustes engendré, & est verité: Galien respondit  
 mere: certes il est bien fol qui ce me veut reprocher, puis que ie suis fils  
 iurier si on m'appelle bastard ie n'en compte vn niquet, mieux vaut vn  
 rd qui soit hardy cheualier que ne feroit vingt couards qui seront en-  
 rez en mariage.

*Comment Galien demanda congè au Roy Hugon d'aller chercher son pere en  
 France. Chap. XV.*

Quand Galien sçeut qu'il estoit fils d'Oliuier il en fut plusioyeux que  
 il luy eust donné la cité de Constantinople. Toutesfois il auoit le cœur  
 marry pour l'amour de ses deux oncles qui le hayoient & si iamais ne  
 uoit fait desplaisir, l'un estoit nommé Henry & l'autre Tibers, ou  
 rry: mais quand il s'aduisa il n'y compta pas vn bouton, ains dit qu'il ira  
 her la terre & le Pais, & que iamais il ne cessera d'aller tant qu'il aura  
 é son pere Oliuier mort ou vif. Lors s'envint à son pere grand, le Roy  
 n: & le remercia des biens & de l'honneur qu'il luy auoit fait, & de co



qu'il luy auoit pleu l'auoir  
nourri par l'espace de deux  
ans ou plus, & luy dit, Cher sire  
ie vous prie qu'il vous plaise  
me donner congé, car tât que  
ie serai enuie ie ne cesserai  
d'aller parbois & par buissons  
iulqu'a tât que i'aurai trou-  
ué mō pere Oliuier. Et quād  
le roi hugon l'entendit ainfi  
parler il en fut fort courrou-  
cé & s'esbahissoit du courage

de l'enfant. Adōc lui respondit, Mon enfant demeurez avec moi & ie vous  
iure ma foy que d'icy a deux ans ie vous feray accoustre d'armeures, d'escus  
de lances & autres harnois & vousdonerai quinze cheuaux des meilleurs  
de mon royaume. le ne donneray pas toute ma terre a mes deux fils, car ie  
vous en donneray vostre part à vostre appetit. Certes dit Galien, ie vous re-  
mercie, & si vous iure ma foy que iamais ioye au cœur n'auray, tant qu'Oli-  
uier ait espousé ma mere, car mes oncles m'ont appellé bastard, dont ie suis  
au cœur courroucé, i'aimerois mieux estre vif escorché: que ie ne parte in-  
continent, nul ne m'en sçautoit garder. Hugon se print a courroucer disant.  
Est-il vray ce que vous dites: ouy ce dit Galien, dont ie suis bien marry Hu-  
gon se print à dire. Tant sont-ils plus villains, & en vallent pis, car iamais  
homme d'honneur ne doit dire ne reprocher à autray nulle chose. Quād le  
Roi hugon vit que Galien estoit deliberé de s'en aller, il appella vn ieune  
cheualier qui estoit natif du pais de Sicille nommé Girard & luy dist, Girard  
il vous conuient conduire Galien, ie vous donneray cheuaux, or & argent  
assez, afin que le gardiez en sauueté, car l'enfant m'a promis & iuré sa foy qu'il  
ne finera iamais, tant qu'il ait trouué son pere Oliuier. Sire, dit Girard par la  
sainte Trinité ie le feray volōtiers, puis qu'il vous plaist. mais ie crains fort  
vos deux fils, pource qu'ils haïssent l'enfant Galiē. Pource sire, sçachez que s'il  
lui veulent faire nul mal, ie vous iure ma foy que ie le reuencerai iulques à  
la mort, & les frapperai le plus fierement que ie pourrai. Ma foi ce dit Hu-  
gon, ie vous sçai bon gré, & qui plus est, ie vous le commande. Et s'il y a  
homme en tout mon royaume qui luy vueille faire mal, deffendez le, & ie  
vous promets que vous m'eferez plaisir, car ie ne veux point qu'il ait dom-  
mage. S'il vit tant qu'il ait vingt quatre ans, il sera le plus vaillant cheualier  
qui soit en tout le monde. Incontinent le roy hugon en pleurant lui bailla  
quatre sommiers d'argent. Iaqueline sa mere arriua vers lui plorant rendre-

ment en telle maniere. A dieu tolt recommandé mon doux enfant. Helas  
on mêt pourra mon cœur souffrir la douleur que vous lui faictes, iama  
ere n'eut tant de douleur car i'ay perdu mon doux amy Oliuier : & main  
enant il faut que ie perde mon doux fils. Et en ce ditant de douleur le cœur  
uy faillit & cheut à terre pasmée, quād elle fut releuee elle se print à dire ie  
rie au roy Iesuschrist qu'il vous doint grace de bien tost reuenir & d'ame  
ner avec vous Oliuier que tant mon cœur desire, il est vostre pere, il vous à  
engendré, pource faites telle diligence que vous l'ameniez avec vous & cer  
es vous me ferez le plus grand plaisir que iama  
s deux oncles ont regardé que Galien estoit môté à cheual pour aller que  
r Oliuier son pere, ils sont allez en l'hostel d'un de leurs oncles qui estoit  
ommé Rohart le quel estoit mauuais homme. L'un des oncles de Galien  
print à dire plusieurs parolles pour mettre Galien en sa male grace, afin  
il luy fist quelque desplaisir & aussi craignant le noble Oliuier, il luy dit,  
escher oncle, sçachez que quand nous sommes arriuez au palais nous auōs  
u le bastard le quel s'en va par le pays pour sçauoir ou est son pere Oliui  
pour l'amener en ce pais, Il meine avec luy quatre sommiers chargez d'or  
d'argent, s'il ameine Oliuier son pere il ne nous prisera pas vn denier par  
fierté. Adonc Tibers se print à dire, vn iour Galien iouoit avec moy aux  
hets, mais pource qu'il m'auoit dit mat ie pris l'eschiquier qui estoit de  
or & de pierreries esmaillees & luy en baillay si grand coup sur la teste  
il estoit tout ensanglanté & lui dit plusieurs paroles. Si son pere le scait  
nt l'or du monde ne me garentiroit pas qu'il ne me mette à mort. Beau  
ueu ce dit Rohart ne vous en donnez point de melancolie car il sera mis  
mort ains que le soir soit passé. Cestuy Rohart assembla cent hommes &  
fit armer de bonnes armeures & allerent courāt contre Galien, ils s'em  
cherent en vn bois par lequel Galien deuoit passer. Le noble Galien se  
tit de la ville de Constantin, mais au partir tous ceux du pais firent telles  
urs, regrets & lamentations qu'il n'est possible à langue humaine de le  
nter, entre lesquels la belle Iaqueline sa mere se print à dire en plorant  
drement, adieu mon fils Galien pour ton pere & pour toy i'ay souffert  
ouffriray plusieurs douleurs, ie prie à Dieu qu'en bref temps ton pere &  
puissiez retourner en ce pais. Le roy Hugon, la roine & tous les assistans  
n commencerent a plorer tendrement. Et quand Galien les vit ainsi plorer il  
artit du palais & print congé de tous les assistans le plus honorablement  
il peut, puis il se mit en chemin avec son maistre Girard & les dix Es  
ers.

*Coume Galien fut espie dedans un bois par Rohart, Tibers & Henry ses oncles, avec cent hommes bien armez lesquels le vouloient mettre à mort, et comme Rohart et tous les autres furent tuez, mais Tibers et Henry s'enfuyrent. Chap. 16.*

**A** Pres que plusieurs pleurs & gemissemens furent faits le noble Galien, Girard de Cecile & les dix Escuyers partirent du palais. Et quand les bourgeois de la ville le sceurent ils furent tous esbahis de ce qu'il alloit querir son pere Oliuier. Incontinent ils s'abillerent de leurs riches habillemens le plus honorablement qu'ils peurent chascun selon son estat, & tous se mirent en belle ordonnance & vindrent vers le palais tant qu'ils rencontrerēt Galien & sa compagnie & le saluerent honnestement, puis apres ils le conuoierent bien loing hors de la ville Et Galien leur dit, seigneurs retourner vous faut en la ville car vous estes venus assez loing & auez pris grand peine pour moy, ie vous remercie grandement de l'honneur qu'il vous a plu me faire, vous m'avez conuoyé liberalement dont ie suis tenu à vous & en suis vostre obligé. Ie vous prie seruez tousiours le noble Roy Hugon car il est vostre prince & naturel seigneur, pareillement ayez ma mere pour recommandee. Lors les nobles bourgeois prindrent congé de Galien en plorant & le recommanderent à Dieu puis Galien se mit en chemin.

Les bourgeois retournerent en la ville s'esbahissant du grand desir que l'enfant auoit de trouuer son pere Oliuier, Galié Girard & les dix escuiers tant sont allez qu'ils sont arriuez au bois auquel Rohart, Tibers, Henry & les cent hommes estoient cachez. Girard conseilla à Galien qu'il vestit son haubergeon renforcé, car il se doutoit de ce qu'il leur aduint. L'enfant le fit & seignit son espee nommee flamberge laquelle estoit mout à priser, le roy Hugon la luy auoit donnee, quand Galien fut prest il remercia Girard & ses dix escuyers, & quand ils furent dedans Galien vit en vn sentier Rohart, Tibers & Henry, puis dit à Girard, certes ie ne puis cognoistre les gēcy qui sont deuant nous, sire dit Girard ce sont faux pautonniers, car se sōt vos oncles, Rohart, Tibers & Henry. Girard, dit Galien ie les vas saluer & leur diray adieu & les baiseraï, car ie pense qu'ils viennent icy pour nous conuoyer comme ont fait les bourgeois de Constantinople, ie croy certes dit Girard que vous dites verité, car ie pense qu'ils ne vous veulēt faire nul mal sinon de vous trancher la teste, Girard dit Galien comme ie pense à vous ouïr parler qu'ils ne sont icy venus sinon pour me faire desplaisir, mais nonobstant ie croy qu'ils ne m'en voudroient point faire certes i'ray deuers eux si c'est vostre plaisir, pour scauoir ce qu'ils ont dedās le cœur. Lors brocha son



sa son cheual & alla à eux ioyeusement & les salua en leur disant, beaux oncles ie prie à Dieu & a sa glorieuse & sacree mere qu'il vous doint tant d'honneur, ie cognois bien que vous aimez ma mere & moy aussi, quand vous me voulez maintenant conuoyer à si grand armee que ie voy avec vous, de laquelle ie vous remercie humblement & s'il m'est possible & vous n'ayez affaire de moy ie vous rendray le plaisir & si vous seruiray iusques à la mort. Adonc rohard se print à dire vilain bastard fils de putain ie ne tiens point de ton salut non plus que d'une pome, mais nous te deffions maintenant à la lance & à l'espée car ie promets à Dieu qu'en bref temps tu auras la teste trenchée. Quand Galien l'entendit ainsi parler il leua le visage fort reuerentement & luy dit, vous mentirez fausses & desloyales gens pleins de trahison: mais puis que vous avez ma mort iurée laissez moy prendre ma lances mon escu afin que ie vous monstre ma force, & si ie ne vous puis vaincre iusques à trois l'un apres l'autre tréchez moy la teste ie vous le pardonne. Adonc rohart respondit, si nous auions refusé vostre requeste nous serions bien honteux, nous vous l'octroyons despezchez vous vistement, si feray ie dit Galien. Adonc vint legerement vers Girard & luy dit, or sus Girard mettez vous tost en armes ou maintenant serons tous occis, puis s'arma l'enfant Galien & pedit à son col un escu peint de fleurs & print une lances en sa main, & se brocha le destrier & vint vers ses ennemis de si grand roideur que s'enfuyrent merueilles. Rohart vint d'autre part & se rencontreret de si grande force que d'un quart de lieu on ouyt le son des harnois. Tellement se porta Galien qu'il abbatit par terre homme & cheual, incontinent fut Rohart renté, quand Girard le vit il appella Galien disant, mon enfant dit il, j'ay grand peur que vous ne soyez vaincu car vous estes ieune & n'estes pas rusé coustes pource venez à moy & ie vous monstreyray un tour de quoy vous ferez mieux toute vostre vie, Girard print un escu ou estoit peint un lion & le mit a son col il auoit un haubergeon sous sa robe, si print une espée & se dressa dessus Rohart par felonnie, Rohart luy dit à haute voix, comment Girard voulez vous aider, ie vous tenois pour mon amy & vous estes mon ennemy, ouy ce dit Girard ie luy aideray iusques a la mort car le roy Hugon m'a donné en garde & m'a donné congé de le deffendre contre tous, il ny a point d'homme en ce monde que s'il luy faisoit tort que ie n'en prinse vengeance, puis que ie l'ay en garde i'en feray mon deuoir, car ie suis tenu de le faire. Lors va dire tout bas a Galien, ie vous prie mon amy regardez vous me ie feray contre vostre oncle Rohart, car ie luy donnerai le plus beau coup que vous vistes iamais donner à homme, ma foy dit Galien volontiers ie vous regarderay faire ce beau coup afin qu'un autre fois ie le puisse faire contre tous mes ennemis si i'en ay de besoin. Lors Girard vint brochant des

esperons & Rohart d'autre costé & si fierement se rencontrerent que Girard le print si subtilement & luy bailla vn coup d'espée si grand qu'il l'abatit par terre. Quand Galien le vit il fut tresioieux de ce qu'il vit faire vn si beau coup & dit, certes Girard mon doux ami vous estes habille cheualier iamais ie n'oublieray le coup que vous auez fait, & incontinent les gens de rohard faillirent de la forest & vindrent tous l'espée au poing, la lance en l'arrest sur Galien & Girard. Galien tira Floberge son espée laquelle reluisoit comme le soleil, Girard estoit tousiours près de Galien & les escuiers apres, chacun tenant son espée en sa main & frapportoient de eelle façon que rien ne demou- roit deuant eux, car ils frapportoient leurs ennemis par grád fierté, Galien te- noit sa lance & vint contre vn grand pantonnier & de sa lance le perça tout au trauers le ventre trauerfant sa robbe & son haubergeon, tellement qu'il le ietta mort à terre, il vint à vn autre qui estoit près de luy & le frappa telle- ment qu'il le fit cheoir du cheual & la lance luy trauerfa le corps de part en part & cheut mort à terre, Girard se deffendoit vaillamment contre ses en- nemis qui estoient grand nombre, mais le courage qu'il auoit de deffendre Galien lui faisoit croistre sa force, il estoit d'vn costé avec Galien enuiron- né de tous costez, mais tellement se deffendoit qu'il sembloit micux qu'il fust boucher qu'autre chose, car nul ne demouroit deuant luy. Et tant y eut de gens morts que de l'abondance du sang l'herbe estoit toute rouge.

*Comme nouuelles furent apportees au roy Hugon que l'enfant Galien estoit assailly de- dans vn bois, et comment il se mit en chemin pour luy donner secours.*

### Chapitre 17.



**Q**Vand l'efant Galien se vit ainsi assailly il enuoya vi- stemment vn page vers le roy hu- gon pour luy faire scauoir com- me Rohart, Tibers & Henry ses oncles le vouloient tuer au pas- sage d'vn bois. Quand le roy hu- gon ouyt ces nouuelles il fut fort courroucé & fit armer hasti- uement ses gens pour aller deff- endre Galien au bois qui estoit assailly de ces ennemis. Galien

fist telle desconfiture qu'auant que le roy Hugon fut venu il auoit quasi tous

ez ses aduersaires. Le roy hugon & les cheualiers firent que en peu d'heures  
 arriuerēt vers galien de laquelle venuë ledit Galien fut fort esbahi : car il  
 doit que ce fust secours pour ses ennemis. Il print vne grosse lance, & son  
 u, & mien l'arrest & vint contre le roy hugon & luy bailla si grand coup  
 il le ietta ius de son cheual par dessus vn grand roc. Quād girard le vit il  
 print à crier, arriere galien, c'est vostre bon seigneur le roy Hugon qui viēt  
 ur vous donner secours. Quand le roy hugon l'entendit il osta son heau-  
 e, puis regarda galien, disant. Par ma foy i'ay biē employé le pain que l'ay  
 nné à mager à cest enfant, car oncques en guerre ou ie fusse, ie ne trouuay  
 r, duc, comte qni me ietta ius de mon cheual : mais galien à vn coup m'a  
 t biē soudain desloger de dessus mon destrier. Certes ie luy dōne le che-  
 s'il en a mestier. Sire dit galien, mercy ie vous requiers, car certes ie ne  
 doye point que vous fussiez le roy hugon. mais pēsoie que ce fut secours  
 vint pour nous occire. le vous pardōne cher amy, dit le roy hugon puis  
 nta sur vn autre cheual : & alla vers le bois ou les traistres estoient. Incon-  
 ent que Tibers & Henry ont veu leur pere, ils s'en sont departis comme  
 ures deuant les chiēs. Le demeurāt de leur gens semirent en fuite apres  
 c. Adonc le roy Hugon se print à dire. le suis vostre pere hugon, qui suis  
 nu au secours de galien, mais sçachez que si ie vo' puis tenir moy mesme  
 vous pendrai à constantin à vn arbre, afin que chacun cognoisse vostre tra-  
 on. Non dit galien monseigneur, ie vous supplie, car si vous les auez  
 us vous seriez apres le plus marry, vous les pouuez bien chastier autre-  
 nt, mais sur toutes choses ie vous requiers & prie que quād ils seront en  
 tre palais que vous les gardiez qu'ils ne fassent desplaisir à ma mere. Non  
 ont-ils. ce dit le roy hugon, ie vous promets Galien mon amy. Et comme  
 passoient par dessous vn beau pin le roy Hugon trouua Rohard son frere  
 rt, il se prit à dire à haute voix Iesus qu'est ceci, helas qui a meurtri & mis  
 ort cruelle mon frere rohart. Sire, dit girard ie ne l'ay pas meurtry, mais  
 vous assaillit tout le premier, & pour garder mon corps de mort ie me suis  
 endu si bien que ie le perçay d'vne lāce à trauers le corps, & certes ie suis  
 a marry du coup, & m'en desplait grandement. Adonc dit le roy hugon  
 aux tous. Certes ie le renie puis qu'il a fait trahison. Ie ne le veux pas ap-  
 er frere, car celuy qui fait trahison doit estre separē de tous rois & prin-  
 pource qu'a tel homme il n'y a iamais fiance, autant en peuuent ils faire  
 a autre, le sçay bien que iamais paix ne sera en cour de prince ou traistre  
 niera.

Comme après que le roy Hugon eut trouuè Rohart mort, il s'en alla à Constantin, Galien Girard et ses dix escuiers s'en allerent droict à Genes au palais du Duc Regnier, et comment il furent assailliz en un bois de treut deux larrons, dont le capitaine auoit nom Brisebare. Chap. XVIII.



**L**E roy Hugon print congé de Galien & galien de luy, puis le roy Hugon retourna à constantin, & ne luy chaloit de la mort de sō fre. ro-rohart pour la trahysō qu'il auoit faite galie & Girard ont tant cheminé qu'ils sont arriuez à la riuere de genes,

mais au dessus d'un bois à la riuē d'un pré, ils trouuerent trente deux larrōs, desquels le maistre estoit appellé Brisebare, en tout le pais n'y auoit si fort larron. Il auoit biē regné deux ans audit bois ou il auoit volé & tué plusieurs marchans. Quand il vit Galien, il mena grand ioye, disant. Nous n'auons pas esté icy toute la nuit pour neant, car il vient un ieune enfant qui n'a pas quinze ans, en Genes ny a pas un plus beau cheual que celui sur quoy il est monté, il a quatre sommiers chargez d'argēt, il le nous faut mettre à mort. Sire, dirent les autres larrons, nous ferons à vostre volonté & plaisir. Lors sōt venus ces larrons aux sōmiers & Brisebare vint d'autre costé droict à Galien disant, enfant descēs de ce cheual, car certes pource que du es ieune l'ay grand pitié de toy, & si tu le fais iete le laisseray aller sans faire mal. Larrō dit galien, tu m'entiras, car auant que tu m'eschappes nous contrerōs ensemble. galien tira floberge, & tel coup lui dōna qu'il luy fendit la teste iusques aux dents girard de Cecille frappoit de l'autre costé sur les trente deux larrons si asprement que merpettes. Et quād ils se virent ainsi mal menez, ils se mirent en fuite dedans le bois, mais galien & girard les suiuiōient de si pres, qu'ils leurs coupoient bras & iambes, de tous les trente deux n'en eschappa que huit lesquels se sauuerent dedans le bois. Allez ce dit girard, vous n'auuez guere gaigné au fils d'oliuier, allez querre vostre maistre qui est mort par terre, car vous ne le verrez iamais vif. Et quand les larrons furent deffaits, galien & son maistre cheminerent iusques à genes. Quand ils furent arriuez en la ville, ils virent un messager qui passoit hastiuement par la rue, galien

doucement l'appella, & luy dit, Mon amy, dieu vo<sup>s</sup> doit, ioye ie vous prie  
 dites moy qui est seigneur de cette terre & pais. certes dit le messager, le duc  
 de genes en est maistre & seigneur ie suis party de luy il n'y a pas longtemps.  
 Qui estes vous? il me semble que soiez gentilhomme à vostre habit & au train  
 que vous menez. Sçachez pourvray que monseigneur est au palais, pource  
 qu'il à vn peu de mal en la teste, il ne va point dehors, mais si vous allez vers  
 luy & fust-il plus malade la moitié il vous logea volontiers, car c'est le plus  
 vaillant qui soit souz le firmament, Galien le remercia puis se mirēt en che-  
 min vers le palais. Les gens le regardoient terriblement, comme en France  
 on regarde Albanois ou autres nations estrangers. La dame qui estoit au pa-  
 lais descendit incontinent qu'elle les vit, & vint vers eux. Quand galien la  
 vit il luy fit la reuerence, & la salua honnestement en disant. Le Dieu qui  
 crea ciel & terre & mer, vueille sauuer la comtesse que ie voy deuant moy,  
 puis apres il demanda ou estoit le duc Regnier, & qu'il parleroit volontiers  
 à luy. Adōc la dame lui demanda qui estes vous qui demandez le franc duc  
 monseigneur qui est homme de si grand louange. Dame dit galien, ie suis de  
 constantin, ie vous prie qu'il vous plaise de me loger pour ceste nuit. Tres-  
 volontiers, dit la dame, ia dieu ne plaise que ie refuse logis à vn si gētil che-  
 ualier, elle fit mettre les cheuaux es estables, & luy fit oster ses esperons, & le  
 fit monter en la salle Incontinent le soupper fut prest, chacun s'assit à table  
 pour prendre sa refection, ils furent bien & honorablement seruis de toutes  
 viandes. Ceste noble dame auoit vne fille appellé Bellande, laquelle estoit  
 pleine de grand beauté, & aussi sage, & prudente en tous ses faicts & dits, elle  
 voiant Galien s'en vint à sa mere, & luy dit, Madame que vous sēble de ce  
 ieune cheualier: ie vous assure qu'il ressemble a oliuier mon frere. A lors la  
 mere le regarda, & dit a bellāce la fille qu'il estoit vray, & que iamais n'auoit  
 veu homme qui mieux le ressembloit. Puis bellāde dits'il vous plaist ie le me-  
 neray en la chambre de mon pere pour sçauoir si le pourra cognoistre. Car  
 ie croy certainement qu'il est de nostre lignage. A laquelle requeste se cōsen-  
 tit sa mere, & luy donna licence de le mener vers son pere. On alla preparer  
 vne bōne couche pour luy afin que mieux peut prendre son repos à son aise,  
 puis on en preparav n autre pour son maistre Girard, lesquelles estāt couchez  
 furent honnestement accoustrez mout honerablement. Bellande apres que  
 Galien eut remercié nostre seigneur des biens & de l'honneur qu'il luy auoit  
 donné le print par la main en luy disant doucement en ceste maniere. Gentil  
 cheualier, s'il vous plaist vous viendrez maintenant en vostre chambre pour  
 prendre repos. Adonc l'enfant galien la remercia grandement du bien & de  
 l'honneur qu'elle luy faisoit. Quand il fut en sa chambre Bellande s'en alla  
 vers son pere, & luy dit. Mon Seigneur sçachez que ceans est venu loger

vn ieune cheualier le plus beau qui soit deffous le firmament Il est doux  
courtois & amiable en tous ses faicts. Il ressemble à Oliuier mon frere plus  
que tous les viuans du monde. Parquoy ie vo' prie qu'il vous plaise de le ve  
nir visiter. Le noble duc Regnier oyât les nouuelles que la fille bellande luy  
disoit dit. Ma fille, puis que tu dis qu'il est si beau cheualier, & qu'il ressemb  
le à oliuier mon fils, ie le veux aller voir. Or estoit le duc malade d'aucune ma  
ladie incurable, il semit en chemin, & alla visiter Galien. Quand galien le  
vit entrer en la chambre, mout honorablemēt le salua comme il estoit bien  
apris de ce faire. Apres plusieurs parolles dites entr'eux deux, le duc regnier  
luy demanda d'ou il estoit, & de quelle contree il venoit. Certes dit Galien,  
ie suis de Constantin, & y demeuray longue espace de temps avec le roy  
Hugon, lequel m'a nourry & alimenté ma vie mout amiablement, dont luy  
suis fort tenu, ie suis errant par le pais pour ouir nouuelles de l'empereur  
Charlemagne, & des douze pairs de France, lesquels sont redoutez iusques  
au bout du monde. Le duc regnier oiant les parolles de Galien dit. Mon  
beau fils, sçachez que des nouuelles que vous demâdez, ie vous en diray la  
pure verité Charlemagne & les douze pairs de France, sont en Espagne, &  
ont pris pampelune, Sures, & Charion. Ils ont mis tant de Paiens & Turcs à  
mort que c'est chose merueilleuse. Ils fussent pieça retournez si ne fust le roi  
Marfille qui a demandé bataille, Dieu le vueille cōfondre & doint a charle  
magne victoire sur luy. Outre plus croyez fermement qu'en tout le monde  
on ne sçauroit trouuer plus bel, ne plus puissât qu'est vn des douze pairs de  
France appelé oliuier, cōme chacun dit & raconte apres Roland neveu de  
charlemagne, & est celuy oliuier mon fils. Quand Galien entendit ceste  
parole, il baissa le visage & deuint tout rouge. & luy cheoient les grosses lar  
mes des yeux, & luy couloiet du long du menton cōme ruisseau de fontaine.  
Bellande qui là estoit, voyant l'ensât Galien plorer, fut fort esbahie, & dit  
à son pere. Monsieur mon pere, regardez comme cestuy cheualier pleure.  
Ie vous iure ma foy qu'il est de nostre sang: ie croy fermemēt que vous l'a  
uez engendré: car il ressemble à mon frere oliuier. Et le duc son pere luy dit,  
certes belle fille iamais ie ne l'engendray, car il y a des ans plus de trente  
qu'a femme ie ne touchay charnellement, non pas à vostre mere ma femme.  
Certes dit bellande, mon frere oliuier l'a dôc engendré, car ie croy qu'il soit  
mon neveu, parquoy pere ie vous prie enquerez vous de quelle part il est, &  
ou il fut né, à laquelle priere consentit le duc son pere, & de rechef dit à Ga  
lien, mon beau fils, ie vous prie dictes moy de quel lieu vous estes & de quel  
parens. Sire dît Galien, sçachez que ie viens de constantin, & y ay demeuré  
long-temps & suis fils de la belle laqueline fille du roy hugon, & m'e vois en  
Espagne pour trouuer les douze pairs: car i'ay esperance de parler à vn d'en-

tre eux qui me cognoistra, quand Bellande l'engendit ainsi parler certes deuant qu'il m'eschappe il dira autre chose, demandez luy encore ou il fut engendré, i'ay grand desir de le sçauoir pource si c'est vostre plaisir vous me le direz. Galien cognoissant que le Duc auoit grand desir de sçauoir d'ou il estoit, & il luy dit. Certes sire ie suis party de constantin pour aller visiter l'un des douze pairs de France qui est de ma parenté, & puis qu'ainsi est que vous voulez sçauoir qui ie suis ie le vous diray. Scachez que ie suis fils d'Oliuier le membru & m'engendra à Constantin de la fille au noble roy Hugon au retour que charlemagne & les douze pairs de France venoient du S. voyage de Hierusalem, parquoy ie le vois chercher pour le cognoistre, adonc Bellande commença à dire, certes ie pensois bien dès que ie vous vis, que vous estiez de nostre lignage, le noble Duc, sa femme & sa fille se prindrent tous à plorer de la ioye qu'ils eurent de Galien, & tous le commencerent à baiser & accoler par bonne amour, & demeura Galien avec eux l'espace de huit iours lequel fut festoyé mout honorablement. Le noble galien après s'estre bien festoyé avec le duc Regnier voulut prendre congé de luy, quand le duc vit que galien s'en vouloit aller il luy dit, mon enfant si vous me croyez vous demeurerez avec moy & ie vous donneray cheuaux, oiseaux, faucons & leuriers pour vous esbatre à la chasse, apres cerfs, biches & sangliers. Outre plus ie vous ferai gouperneur de tout mon domaine & n'aurez iamais necessité. Certes dit galien ie vous remercie du bien & de l'honneur que vous me presentez, & aussi vous remercie des biés que vous m'avez donné, mais s'il vous plaist vous me donnerez congé d'aller voir mon pere Oliuier, car ie n'ay nulle enuie d'aller esbatre mon corps au deduit des chiens ny des oiseaux, i'aime mieux aller esbatre mon corps avec mon pere Oliuier qui se combat contre ces maudits infidelles, quand le noble Duc entendit les parolles de l'enfant & qu'il apperceut son bon vouloir & courage amiablement l'appella & luy dit, mon enfant puis qu'ainsi est que vostre vouloir est tel c'est bien raison que ie vous donne congé, mais s'il vous plaist ie vous acoustreteray de harnois lesquels sont à priser, ie vous donnerai mon haubert lequel est fort & entier, & ne fut oncques faussé pour coup de lance ne d'espee qu'on lui baillast, & si ie vous donne mon heaume l'un des plus beaux & riches qui soit deffous le firmamēt, car il a vne escarboucle deuant qui reluit si merueilleusement que toutes gens qui sont à l'environ en sont conduits tant de iour comme de nuict. Outre plus ie vous donnerai ma bonne espée nommée Floberge, mon cheual Marcepin l'un des bōs qui soit en tout le monde, car il court plus fort en pleine montagne qu'un autre ne fait en plein chemin, sire dit Galien, grandement vous remercie car i'ay esperance que tout me de sera mestier en Espagne pour chercher

mon pere Oliuier, puis qu'ainsi est que vous me donnez vostre bon cheual qui vaut son pesant d'or, ie vous prie bien fort dites moy la condition, certes dit le Duc volontiers vous la diray, scachez de vray qu'un vilain ne luy scauroit mettre la bride ne la selle & ne scauroit monter dessus, adonc Galien dit ie vous prie que ie le voye car si ie ne puis monter dessus il ne me seruira de rien. Le duc regnier appella son escuyer lequel estoit gentilhomme, & luy dit qu'il allast querir son bon cheual Marcepin & qu'il luy mist la selle & la bride lequel le fist incontinent, cestuy cheual estoit si merueilleux qu'on le lioit de trois grosses chaines de fer & nul ne l'osoit approcher tant il estoit fier, cestuy cheual fut trouué aux deserts & fut prins a force d'engins puis nourry sept ans de pommes & de fruiets.

*Comme Galien monta dessus Marcepin le bon cheual, & print congé du Duc Regnier & des Princes, Dames & Damoiselles de Genes.* Chap. 19.

**D**Euant le duc regnier Marcepin le bon cheual fut amené, & puis fut présenté à Galien, quand Galien le vit si grand & si merueilleux, qui luy eust donné tout l'or du monde il n'eust esté si ioyeux, incontinent print le cheual par la bride & sauta dessus aussi legerement comme court l'arondelle puis donna des esperons. Le cheual fit un saut en l'air & sauta plus de trente pieds deuant tous les Barons & Damoiselles qui la estoient. Chascun disoit, cestuy enfant a merueilleux courage il ressemble à oliuier en tous ses faits & gestes, galien luy dit, sire vous m'avez bien monté dont ie vous remercie & ne demande point meilleur cheual car ie croy qu'au monde meilleur on ne scauroit trouuer. galien fut accoustre honnestement de tous harnois de guerre excepté qu'il ne voulut autre espee sinon celle que le roy hughon luy auoit donnée laquelle estoit nommée Floberge. Le duc regnier luy voulut ceindre & le faire cheualier, mais galien luy dit, sire ne vous desplaie car j'ay fait vœu que iamais homme ne me ceindra que charlemagne duquel j'ay tant ouy parler, j'ay ouy dire maintefois que tous les cheualiers qu'il fait iamais ne sont mauuais cheualiers, & dea mon fils vous estes bien obstiné, sire dit galien il peut bien estre mais il y a long temps que j'ay fait ce serment. Quand le duc apperçut la volonté de galien, il luy dit, puis qu'il vous plaist il me plaist bien. Bellande qui la estoit presente appella galien a part & luy donna un anneau tres precieux auquel y auoit du sang de S. Estienne & lui dist, iamais homme qui portera cestuy anneau ne sera las ne matté en bataillé, ne cheual sous luy ne pourra estre blessé, galien le receut fort doucement, en la remerciant mout honnestement puis le mit en son doigt, de rechef Bellande luy donna vne mout belle enseigne, & luy bailla



bailla vn autre anneau, disant beau neveu, puis qu'ainsi est que voulez departir ie vous prie que baillez cestuy anneau à mon amy rolád car il me doit espouser enuiron la Natiuité. Madame dit Galien, de par vous luy presenteray volontiers si ie le trouue, & si vous promets que i'en feray la plus grande diligence qu'il me sera possible.

Après que Galien eut esté l'espace de hui & iours avec le Duc Regnier, & qu'il eut esté honorablement festoyé & qu'on luy eut donné maints beaux dons riches & precieux il print congé de tous, à son departement chascun se mit à plorer mout piteusement, le duc appella Galien & luy dit secretement, mon enfant croyez que i'ay grand dueil au cœur quand il faut que vous me laissiez: mais nonobstant ie cognois le noble courage & bon vouloir que vous auez de trouuer vostre pere le vous faict faire & ne vous procede que d'amour naturelle, parquoy mon fils ie vous veux aduertir d'vne chose, quand vous serez en espagne en la cour de Charlemagne, ie vous prie gardez vous du comte Ganelon, car c'est le plus desloyal qui iamais fut né, s'il voit que vous soyez en la grace du roy il en sera si enuieux qu'il fera en sorte de vous ietter de la cour & vous mettre en mauuaise grace avec le roy, il est redouté en cour pour sa grande richesse, il fait maints bons Barōs & cheualiers mettre en male grace, il ny à au monde plus traistre, parquoy ie vous prie gardez vous de luy, galien le remercia, puis print congé de luy, de la comtesse, de Bellande & de tous les Princees, Dames & Damoiselles, & s'en alla en Espagne.

*Comment Galien rencontra cinquante larrons lesquels le vouloient mettre à mort.*

*Chapitre 20.*



**L**E noble Galien chemina tant qu'il arriua dans vn bois pres d'vne riuiera auquel y auoit cinquante larrons, lesquels gardoient le passage & estoient du pays de gennes. Quand Galien les aperçeut il dit à Girard, pédu soit qui ne monstrera sa puissance à descōfire ces gens icy ie n'eusse pensé qu'en ce pays eust tant de larrons comme il y à, girard luy dit, galien mon amy, vous scauez que vous estes encores

ieune & n'avez pas encore si grand puissance comme vous est aduis parquoy ie vous prie retournons vistement à la ville, outre plus vous voyez qu'ils sont beaucoup, certes s'ils vous faisoient desplaisir i'en serois desplaisant toute ma vie, parquoy ie vous prie de rechef que nous retournions. Galien entendant les parolles de Girard il luy dit, ie vous prie qu'il ne vous vueille desplaire car ie vous promets que suis delibéré d'aller contre eux, pour esprouuer mon corps, si vne fois ie les puis vaincre ie feray pendre tous ceux que pourray prendre. Si print son heaume & son haubert, & mist sa lance en l'arrest, adonc girard lui dist. Galien vous ne passerez pas par la car il y a grand effort & ny à heaume qui peust durer, c'est folie d'aller contre eux retournons en la ville & ferons grand sens. Non feray dit galien, car i'aimerois mieux estre mort qu'il me fust reproché que i'eusse fuy deuant homme qui soit vivant, mais que Dieu me garde floberge mon espee que le roy Hugon me donna, car s'il estoient deux mille ie n'en démarcheray pas, quand galien, girard & les dix escuyers furent armez, les larrons disoient les vus aux autres voicy vn bel enfant & qui est bien monté, leur maistre dit, i'auray son cheual deuant qu'il soit nuit, & se mirent à trauers le chemin tellement que nul ne pouuoit passer, ce que Galien voyant leur dit, Seigneurs ie vous prie faites nous place & chemin pour passer car nous sommes messagers du roy Charlemagne, adonc le maistre dit, pour vous ne partirons d'icy ou vous laissez les armes que vous portez & vostre cheual car i'ay grand desir de l'auoir, vous mentirez dit galien car vous n'estes que larrons prouuez: mais comment est le pays de gennes si bien peuplé de larrons, i'en trouuay hier trente deux en vn pré, & i'en ay encores plus trouué icy, mais ie fais vœu à Dieu que si iamais ie retourne d'espagne ie les puniray de telle façon qu'il ne demeurera larron que ie ne mette à mort. Les larrons lui dirent, c'est follement parlé que d'appeller geneuois larrons, car nul homme ne doit estre reprins de faire le mestier qu'il à accoustumé de faire. Seigneurs dit galien, ie suis tout esbahy veu que vous estes beaux hommes & forts, comme vous vous estes mis à desrober les passans, & ils dirent, ma foy tu ne sçais que tu dis car les gens de ce pays sont de telle nature, or ne nous parle plus mais descens vistement du cheual ou tu es monté. Quand Galien les entendit ainsi parler, il brocha son cheual & mit la lance en l'arrest, & frappa le maistre des larrons tout au trauers du corps par telle façon qu'il cheut mort par terre au milieu des autres. Girard de Cicile fut assailli des autres larrons, mais quand galien vit qu'ils ne l'auoient point suiuy il retourna hastivement en la bataille, mais ce fut bien tard, car ses dix escuyers estoient desia toustuez. Quand galien les vit il tira Floberge & cria incontinent à haute voix, disant, ha larronnaille vous avez tué mes Escuyers, ie vous promets

par bien que ie le vous rendray auant que le iour soit failly. Galien regarda en reire, & vit ses dix escuiers tous morts; d'or il eut telle douleur qu'il ne sçauoit qu'il deuoit faire: nonobstât il print Floberge, & vint vers les larrons, & Girard de Sicille le suiuoit, en telle façon qu'il sembloit mieux estre diables que hommes humains. Tout ce que galien ataignoit le faisoit incontinent mourir, Il en mit a mort si grand nombre que c'estoit pitié de les voir. Les vns fuioient par le bois. Et girard dit à galien. Nous n'auons nuls Escuyers, les faux larrons les ont mis a mort. Qui meinera maintenant nos sommiers girard dit galié, laissons les courir par les champs, & allons apres les larrons, i'en suis content dit girard, puis qu'il vous plaist. Et incontinent ils picquerent des esperons, & allerent apres, & trouuerent quatre qui estoient cachez derriere vn buisson. Et quand ils virēt galien ils luy crierent mercy à deux genoux, disant, Tres-nobles cheualiers ayez pitié de nous en l'honneur de Iesus-christ. Je suis content dit galien moyennant que vous meniez nos sommiers sans nulle tromperie, car on ne se doit pas trop fier à larrons. Sire, dirēt les larrons, nous le ferons tresvolontiers, ayez hardiment fiance en nous car quelque mal que nous ayons fait, sommes deliberez de biē faire maintenāt. Adonc galien se print a rire, & dit à girard, Maudit soit-il qui en larron aura fiance: car quand ils sont pris ils sont tant humbles que merueilles, mais ce sont humiliations par force qui ne viennent pas de bonne volonté.

---

*Comme Galien fit mener ses sommiers iusques au chasteau de Monfilant par les quatre larrons, lesquels il fit pendre & estrangler.*

Chap. X.XI.

**A** Pres que galien eut pris les quatre larrons, il les mena droit à ses sommiers, lesquels estoient errant parmy les chāps, puis lia les larrons vn à chacun sommier, & leur bailla à chacun vne verge pour chasser lesdits sommiers, il leur osta tous leurs bastons, & cousteaux, disant il vaut mieux que vous meniez mes sommiers qu'estre brigans & voleurs de chemins, il est biē vray, dirent les larrons, nous suiurons le plus tost que nous pourrons. Suiure dit galien, par bien vous irez deuant ie vous vous veux suiure non pas que vous me suiuez, car ie ne vous perdray pas de l'œil. Puis galien dit à girard voyez la finesse des larrons, iamais hōme ne si doit fier. Tant cheminerent qu'environ la nuit ils arriuerent en vn chasteau nommé Monfilant. Quand ils furent descendus, ils mirēt les sommiers en l'estable. Puis galien enuoya querir la iustice, & fit pendre les quatre larrons, lesquels luy dirent, confmēt auōs nous gaigné la mort à mener vos quatre sommiers? Galien dit, larrons vous m'avez fait grād plaisir, aussi ie vous eusse tué si ieusse voulu: mais qui

vous laisseroit encores viure, vous fer ez plus de mal que iamais. Galie & girard furent logez à Monfilant en l'hostel d'un vaillant homme, lequel auoit nom Mille. Il auoit vne sœur, laquelle estoit appelée Sicille, laquelle auoit esté femme d'un ieune cheualier, lequel en son viuât tenoit grãd terre en prouence à S. Gille & mourut en Pinelle. Et quand il partit il laissa sa femme grosse d'une belle fille. Les parens dudit cheualier disoient qu'elle estoit bastarde & que iamais n'amenderoit dudit cheualier, & ne iouiroit des terres & possessions. Quand le soupper fut prest ils entrerent en la salle, laquelle estoit honorablement accoustree & tapissée de riches tapis. Ils se sont assis à table, laquelle estoit garnie de plusieurs sortes de viandes. Le seigneur Mille ne pouoit manger, car il estoit courroucé pour l'outrage qu'on vouloit faire à sa sœur. Quand Galien le vit si pensif, & qu'il ne mangeoit point, il luy demãda qu'il auoit & pourquoy ne faisoit bonne chere. Certes dit l'hoste, cheualier ie le vous dirai. Il est vray que un cheualier natif de prouence vint en ce pais & tant y fut qu'il espousa ma sœur, & ne fut que deux mois avec elle qu'il s'en alla, & la laissa grosse d'une belle fille. Cestui cheualier est mort & maintenant ses parens disent qu'elle est bastarde, & qu'ils ne lui bailleront rien des biens du pere, & ont presenté leur gaigne par trois fois. Ma sœur n'a point trouué de champion: ie vous dirai certes la verité. Ma sœur estoit bourgeoise mais pour la grande & excellente beauté le cheualier la print à femme, & c'est pourquoy les parens sont indignez & marris, il n'est nul qui vueille entrer en champ pour elle, pour or, argent, ne pierreries, c'est la cause pourquoy ie suis marri, il y a bien dix iours que ie n'ai mangé. Hoste dit galien, or faites bonne chere & vous resiouissez: car ie vous promets que demain au matin ie combattrai pour elle puis que le cas est comme vous l'avez racomté, a fin qu'il doint ioie à ma mere laqueline, & qu'il me doint grace de trouuer mon pere oliuier. Adonc l'hoste dit à Galien. Seigneur ie vous promets la foi que si c'est vostre plaisir de le faire. ie vous donnerai un setier d'argent, mais ie vous demande une chose principalement, c'est que i'aie des draps blancs en mon lit afin que ie me repose ceste nuit plus à mon aise pour uenger vostre sœur. L'hoste fit preparer une chambre pour Galien, on mit draps blancs sentant une odeur merueilleuse. La chambre fut si honnestement accoustree qu'il n'est possible de faire mieux. Puis l'hoste s'assit aupres de Galien, & soupa avec luy. Apres soupper les tables furent leuees, & l'hoste mena Galien en la chambre en laquelle auoit deux lits, c'est à sçauoir un pour galien, & l'autre pour girard. Les oreillers estoient de fine soye, & les courtines de fin damas, & les couuertures de draps treschers, galien & girard se coucherent & dormirent bien à leur aise, iusques au matin. Puis se leuerent, & galien demanda ses armes lesquelles luy furent incontinent apportées par Girard, le-

Uell'arma vistement, & quand galien fut armé il saillit hors de la chambre pour ouir Messe avec son hoste & sa sœur. Il se recommanda à Dieu. Apres toutes oraisons faites il appella son hoste & luy dist Or ça hoste, vous ne voiez preparer pour combattre & defendre le droict de vostre sœur: priez Dieu qu'il me vueille donner victoire.

omme Galien iousta contre deux cheualiers pour garder le droict de la sœur de son hoste & comment il les vainquit tous en champ de bataille deuant les assistans.

Chap. XXII.



Quád l'hoste vit le bon vouloir du noble galien grâdement le remercia de l'honneur qu'il luy preséta, il sortit de l'eglise & dit à sa sœur. Ma belle sœur, au iourd'huy nostre seigneur vous enuoye vn châpion le pl<sup>s</sup> beau que vo' vistes onc, ie luy ay compté tout vostre cas, & m'a promis qu'il fera vostre champion. Quand la dame l'entendit, elle fut tres-ioyeuse. Les 12. cheualiers furent armez, & quand ils virent galien ils commencerent à rire, & se preséta l'un des cheualiers, & galien d'autre part, lequel demanda au chevalier son nom, & dit, l'ay nom Antoine de prouence, Galien luy dist. Vous accusez la dame à tort & octante cheualiers crierēt à haute voix Vous mentirez glouton. Alors picquerent les esperons de si grand courage que galien perça de la lance l'escu & le haubert d'Antoine de Prouence, tellemēt qu'il le perça au trauers du corps, & tomba par terre. Adonc dist galien, fils de putain vous voulez auoir la terre de ceste dame, & de la belle fille, ie vous iure S. Iean que vous n'aurez d'elle un bouton. Les autres coururent aux armes pour mettre Galie à mort: mais le frere de la dame fist sonner l'effroy de la ville sans sesser. Incontinent tous les habitans coururent sur eux. Et le preuost de la ville cria qu'ils gardassent que galien n'eust mal. Quand les traistres virent qu'ils n'auoient pas du meilleur ils se mirent en fuite à leur grand deshonneur. Incontinent on alla prendre Anthoine de prouence. Tous les seigneurs s'assemblerent pour tenir conseil. Quand ils furent assemblez ils appellerent Galien & luy vouloient donner les terres, la damoiselle & toute la region, mais oncques ne si voulut ac-

corder, car il auoit intention d'aller à roncevaux en la cour du roy charlemagne, pour voir Oliuier son pere, & les douze pairs de France, lesquels attendoient bataille contre le roi Marsille, & se partit de Monfiant, puis se mit en chemin pour aller droit en Espagne ou estoit Charlemagne, & mena avec luy son maistre girard, & tant exploiterent par leurs iournées qu'ils arriuerent en espagne où estoit charlemagne, ils le cogneurent à cause de son estendar. Plusieurs cheualiers regardoient fort qui estoit ce noble enfant & disoient les vns aux autres qu'il estoit de quelque grād lignage. Et quād galien fut prest de la tente de charlemagne, il mit pied à terre, il s'en alla à ladite tente ou estoit charlemagne, Et quand il le vit, il mit les genoux à terre en le saluant mout honnestement, comme bien estoit appris de ce faire.

*Comment l'enfant Galien fut fait cheualier par l'empereur Charlemagne.*  
 Chap. XXIII.



**L** Enfant Galien tant exploita, qu'il arriua deuant Charlemagne & fort honnestement le salua.

Quād charlemagne vit l'enfant qui si bien l'auoit salué, il lui demanda incōtinēt dont il estoit né, & qu'il queroit. A laquelle demande respondit Galiē, disant. Sire empereur, ie suis né de constantinople, & fus mené des le tēps

de ma ieunesse, à Gēnes, auquel lieu le franc duc Regnier le hardi cōbatant me dōna les armes que ie porte & le cheual que voiez icy, mais ie fis vœu a Iesus-christ que de nul homme viuant tant fust fors ou vaillant ne seroye ceint, si ce n'estoit de vous. Parquoy sire, si c'est vostre plaisir vous mela ceindrez, & tant que ie viuray metiendray vostre subiect, & vous promets que tant que ie viuray, i'exauceray la sainte foy chrestienne. Quand charlemagne entendit ainsi parler galien, fut fort ioyeux en son cœur & dit incōtinēt que c'estoit bien raison qu'il le fist cheualier, veu qu'il auoit voulu attendre tant qu'il luy ceignit l'espée, Il enuoya querir l'archeuesque de roūen & lui fit chanter vne haute messe, puis apres que la messe fut chantée, l'enfant se mit a genoux deuant luy, & Charlemagne lui seignit l'espée & luy chaussa l'esperon du dextre pied, & lui dōna la collée ainsi qu'il est accoustu-

mé en tel cas, luy disant. Or mon enfant sois tousiours preud'homme, pre-  
tens à exaucer la sainte foy catholique, & en quelque lieu que tu sois main-  
tiens tousiours droit & iustice. Alors galien le remercia grandement du bien  
& de l'honneur qu'il auoit receu & le pria qu'il luy pleust de luy dire ou es-  
toit roland & oliuier, car il auoit grand desir de les voir. Charlemagne luy  
dit qu'ils estoient en Espagne & combatoiēt contre les mescreans, & galien  
luy dit, pleust au benoist redempteur Iesus que ie fusse avec eux car ie ferois  
de ces maudits payens telle desconfiture qu'il en seroit parlé au temps ad-  
uenir. Quand ganelon qui estoit avec Charlemagne ouit ainsi parler galien  
il le print mout despitueusement & lui dit ainsi. Va glouton que tu es, que  
malle meschanceté te puisse aduenir, iamais ie ne vis Lombart qui ne se vē-  
tast ainsi que tu fais, & incontinent commença ledit ganelon à seigner du  
nez & se pasma à terre de peur qu'il auoit que la trahison qu'il auoit faictes  
ne vint a effect, quand galien le vit ainsi outragé il fut si courroucé en son  
cœur qu'il ne scauoit que faire, & dit à ganelon, vous mentez traistre ie ne  
suis pas Lombart, & haussa le poing qu'il auoit gros & pesant & en donna à  
ganelon vn tel coup sur le visage qu'il luy fit sortir le sang de la bouche &  
du nez, & tira floberge son espee & lui cuida couper la teste, mais les parens  
de ganelon y coururent & l'eussent endommagé n'eust esté Girard le mai-  
stre de Galien qui dit à haute voix, seigneurs faictes paix, car ie promets à  
Dieu que s'il y a homme qui mette la main au fils d'oliuier le marquis ie lui  
osterai la vie du corps arriue ce qui en pourra, & mist la main à l'espee com-  
me preux & hardy. Quand charlemagne appercent la noise, & qu'il enten-  
dit que l'enfant estoit fils d'oliuier, il cria à haute voix, arriere faux glou-  
tons, ie vous iure le fils de Marie que s'il y a homme qui face semblāt d'ou-  
trager l'enfant ie le ferai pendre & estrangler, alors les parens de Ganelon  
ne l'osoient plus approcher car ils craignoient fort charlemagne. La nuit  
vint les tables furent posées & fit le souper preparer. Charlemagne fut assis  
& fit venir Galien avec luy, car il scauoit bien que si les parens de ganelon  
le pouuoient tenir ils luy feroient desplaisir. Apres souppé chascun s'alla  
reposer, & charlemagne songea ceste nuit vn songe merueilleux, car il luy  
sembloit qu'il estoit en vne eau profonde iusques au ventre, & que son ne-  
veu roland & le comte oliuier estoient à Roncevaux tous plongez en sang.  
Quand le duc Naimmes entendit le songe de Charlemagne il commença à  
plorar mout tendrement, & dit : helas vrai redempteur du monde i'ay peur  
que dedans peu de temps Charlemagne ne soit fort coueroucé en son cœur  
& qu'il ne perde la fleur & noblesse de son royaume, & quand il eut vn  
petit pensé, il se retourna deuers Charlemagne, & luy dit mout piteu-  
sement, tres cher sire il me semble, qu'il seroit bon que chascun s'ar-

maist vistement & que nous allions à roncevaux car ie vous assure qu'auec qu'il soit demain i'ay peur que roland, oliuier & les autres pairs de France n'aient a souffrir. Quand le traistre ganelon entendit ainsi parler le Duc Naimés, il commença à dire en ceste maniere, ou sont ceux qui oseroient entreprendre d'aller assaillir Roland, Oliuier & les autres pairs de France, ne sont ils pas vingt mille des meilleurs combatans que vous ayez en tout vostre royaume, il disoit tout cecy afin de destourner charlemagne d'y aller. Helas le traistre scauoit bien la trahison qu'ils deuoient auoir & comme les douze pairs deuoient tous mourir en roncevaux, & à cause des parolles de Ganelon fut l'armee de Charlemagne destournée, nonobstant qu'on y fust bien encores allé assez à temps.

*Comment le roy Marfille mena en Roncevaux quatre cent mille Turcs contre les douze Pairs de France, a cause de la trahison qu'il auoit faicte aues Ganelon.*

#### Chapitre 24.

**C**E pendant que charlemagne & le duc Naimés estoient en parolle des des douze pairs, le faux traistre Ganelon qui les auoit vendus au roy Marfille les destournoit tousiours par son faux langage à cause des deniers qu'il auoit receuz. Le roy Marfille se prepara & mena auec lui quatre cent millo paiens pour en aller faire la desconfiture, lesquels faisoient l'arriere-garde du roi Charlemagne & n'estoient que vingt mille. Helas traistre ganelon quel desplaisir t'auoit fait roland qui estoit ton bõ & loial ami, que t'auoit fait le noble Oliuier son compagnon, que t'auoit fait le bon archeuesque Turpin & tous les autres, certes il te procedoit d'un faux & desloyal courage. O noble Charlemagne, si tu eusses sçeu la trahison tu y eusses tost mis remede, le roy Marfille exploita tant qu'il arriua en roncevaux, quand Oliuier veit tant de paiens il les monstra à Roland, & lui dit helas mon compagnon bien pouuons cognoistre à ceste heure que nous sommes vendus, nous ne sommes que vingt mille contre bien quatre cēs mille, ie vous prie cornez vostre cor afin que Charlemagne vostre oncle vous entende & qu'il vienne à nostre secours. A quoy respondit Roland, ie vous prie prenez courage car ie vous iure ma foy que tant plus vois venir de payens tant plus me croist le courage, i'ay esperance que mon espée Durandal en mettra auourd huy à mort plus de sept mille. Ce pendant qu'ils parloient tousiours s'approchoient & venoient paiens de toutes parts sur eux, tellement qu'il sembloit que ce fussent mousches environnees autour d'eux. De rechef l'archeuesque Turpin & les autres Pairs priērent Roland qu'il cornast son cor, mais il n'en voulut rien faire & leur dit, seigneurs, prenez cou-



rage, car ie croy que si toute payennie estoit icy enuoiée aujourd'hui seroit leur desconfiture. Le roy Marsille exploicta tant qu'il vint si pres des Pairs qu'il aduisa roland & oliuier, & cria à haute voix. Vassaux, vous me coustés vne grande somme de deniers pour la vëdicion que Ganelon a fait de vous mais par mes dieux auourd huy i'en feray la vengeance. Quand roland l'entendit ainsi parler il print si grand courage qu'il n'est hōme qui le peust penser, incontinent il print sa lance & oliuier la sienne, & allerent droit au lieu ou Marsille estoit, & firent telle desconfiture qu'il ny auoit payen qui olast se trouuer deuant eux tant estoiet courageux & hardis. Roland tira durandal son espee & dit en ceste maniere, ô durandal ma bonne espee, monstrez auourd huy que vous estes mamie, il frapport d'un costé & d'autre si courageusement que tout ce qu'il ataignoit estoit mis à mort. Oliuier estoit aupres de luy qui frapport si vaillamment & faisoit faire tel rang que c'estoit chose merueilleuse à voir. Pensez que les autres Pairs n'en faisoient pas moins, chascun d'eux s'y employoit le mieux qu'il pouuoit. Il fut fait telle desconfiture de payens à ce premier assaut qu'il en mourut bien treize mille. Roland fit tant qu'il arrina pres du roy Marsille & haussa durandal son espee & luy en donna si grand coup sur son heaume que le feu en sortit mout fort. Quand le roy Marsille sentit ainsi le coup il en fut si iré qu'il cuida enrager, il pensoit bien frapper roland dessus l'espaule, mais le noble roland sentit venir le coup, & se destournant haussa Durandal de laquelle il luy abbatit la main senestre, & quand le roy Marsille se sentit ainsi nauré incontinent il fit sonner la retraitte car la nuit approchoit fort. A ceste premiere secousse mourut bien six mille françois, quand roland trouua ainsi ses gens qui estoient morts à peu que le cœur ne luy sortist du ventre, & quand le soir fut venu, le roy Marsille iura du grand despit qu'il auoit de ce que roland luy auoit couppé la main, que le lendemain meneroit tant de payens qu'il n'eschapperoit pas vn chrestien. Toute la nuit payens arriuoient de tous costez, si vindrent le matin frapper en la bataille & fut l'assaut si tres aspre, fier & merueilleux que c'estoit la plus grand pitié à voir que iamais homme vit. Roland & Oliuier faisoient tel abbatris de payens qu'homme ne s'osoit trouuer deuant eux, mais tant de payens arriuoiet de toutes parts qu'il n'estoit possible de les nombrer. Et quand roland veit la grande & innumerable multitude de payens arriuer, il dit à Oliuier, hélas mon compaignon comment est il possible que puissions resister contre tant de mescreas qui viennent pour nous deffaire, certes ie croy fermement que si nous leurs couppons les testes aussi menu que fait la faux à l'herbe dedans vn pré, qu'encores n'en scaurions auoir la fin en deux iours, & ainsi comme il disoit ces parolles l'Archeuesque Turpin vint arriuer vers eux, & leurs dist

pireusement ainsi. Helas mes freres & amis, il nous faut maintenant prendre en patience. Il appella roland & luy dit. Sire roland il me semble qu'il feroit temps à ceste heure que vous sonnissiez vostre cor, vous voyez deuant vos yeux que des douze pairs de france nous ne sommes plus que six, & ie suis nauré à mort. Quand roland en tedit que des douze Pairs il n'estoit plus que six, il en fut moult courroucé en son cœur. Il print son cor, & le sonna par trois fois si fort que les veines de son corps rompirent & le sang luy sortoit du visage. Le son du cor fut par le vouloir de Dieu si merueilleux, que de sept lieues retentissoit, & alla ledict son iusques en l'ost de charlemaigne. Roland regarda vers luy, & veit Godefroy de Billon, lequel estoit nauré de dix plaies mortelles, puis il luy dit. Helas Godefroy mon amy faictes tant que vous eschappiez de ces Sarrazins, & allez faire sçauoir vistement à mon oncle charlemaigne la fortune qui est aduenue, & qu'il luy plaise de nous donner secours ou autrement iamais n'eschaperons des mains des payens. Et Godefroy lui dit que tres volontiers le feroit, & incontinent print congé de eux en les re-commandant à nostre seigneur. Nous vous laisserons à parler des douze pairs qui ne sont plus que six, & retournons à parler de charlemaigne qui est en son ost.

*Comme Charlemaigne estant en son Pauillon avec plusieurs de ses Barons entendit le cor de Roland qui demandoit secours & comment Ganelon l'en destournoit.* Chapitre. XXV.



Charlemaigne estant en son pauillon avec plusieurs Barons, ouyrent le son du cor de roland qui estoit tres-impetueux, dont ils furent fort esbahys. Charlemaigne demanda au duc Naymes qu'il luy en sembloit, & il luy dit, sire, les pairs sont en dāger parquoy si me croyez vous ferez apprestre vostre ost pour y aller, car roland n'a pas accoustumé de corner si espouventablement Et Ganelon disoit ainsi, Sire si ainsi estoit, vous eussiez eu nouuelles. Outre plus ils sont vingt mille, qui valent bien le demeurant du monde, quand tous les payens seroient deuant roland & Oliuier, il n'en donneroient vn clou: croyez que roland est dedans le bois

pres d'icy, ou il chaste apres quelque beste sauuage. O maudist traistre & desloyal Ganelon, tu scauois bien le contraire de ce que tu disois. O charlemagne pourquoy le crois-tu? que de si longtems en luy n'auoit nulle fiâce. galien estoit & venoit tousiours vers charlemagne, & lui disoit. Helas Sire, ne verray-ie iamais mon pere oliuier & mon oncle roland Certes l'ay grand peur qu'ils n'ayēt quelque affaire. Sire Empereur plaise à vostre maiesté imperialle me donner congé d'aller au deuant d'eux, car ie ne veux plus icy séjourner. Ganelon cuida enragier, quād il ouit la requeste de Galien, & cuida destourner que Galien n'y allast, car il auoit peur que s'il y alloit qu'il n'aperceust sa trahison. Toutes fois Galien pria tant Charlemagne qu'il luy donna congé, dont le remercia, grandemēt. Il appella Girard & se fit armer sans nul delay, & mōta sur Marcepin. Il le faisoit aussi beau voir que iamais homme sur cheual. Tous les barons le benissoient, & disoient que c'estoit le plus bel enfant que iamais fut né de mere. Et quand le faux traistre Ganelon cogneut que galien auoit si bon courage, il commença à le maudire en son cœur, & dit à charlemagne, ô Empereur, si vous me croyez vous ferez retourner galien, & prendrez son cheual pour vous, & luy donnerez quelque autrerousin, car ie croy qu'au monde n'a son pareil. Charlemagne respōdit il est mieux employé à l'enfant qu'il ne seroit à moy, & tout disoit Ganelon pour destourner l'aleure de l'enfant, Galie vint vers Charlemagne & print cōgé de luy & lui dit. Sire si vous croyez ce vieillard qui semble mieux vn diable qu'un homme, ie vous assure que ia bien ne vous en prendra, car ie croy fermement qu'il a vendu les douze pairs de Frâce. Desquelles parolles plusieurs cheualiers qui estoient en la compagnie furent tous esbahis, & incontīnēt Galien se partit. Le duc Naymes & plusieurs des autres barons firēt tant que charlemagne fit vistement retourner son ost, mais c'estoit bien tard: car iamais ne verra nuls des pairs vifs Galien exploiera tant qu'il entra dedans lediēt bois, auquel il trouua Godeffroy de billon, lequel estoit nauré de dix playes mortelles, & alloit annoncer à charlemagne la male fortune qui estoit aduenue aux douze pairs. Et incontīnēt que galien le vit, il se tira vers luy, & le salua mout honnestement en luy demādant d'ou il venoit, & ou il alloit. Godeffroy luy raconta enbrief la trahison que Ganelon leur auoit faict, & le danger ou ils estoient. Quand galien entendit les parolles de Godeffroy, il fut si courroucé que merueilles, godeffroy lui pria qu'il retournaist, & qu'il n'allast plus outre, car il y auoit si grand multitude de payés que c'estoit chose merueilleuse: & s'il y alloit, que iamais n'en eschapperoit, & qu'il valoit mieux qu'il allast annoncer à charlemagne tout le cas, car il estoit si nauré qu'il ne pouuoit plus aller. De laquelle priere Galien ne voulut rien faire, mais il lui dit que deuāt que iamais retournaist, il verroit son corps

naüré de trente playes, & qu'aussi vifs ou morts il trouueroit Roland & oliuier son pere. Quand godeffroy vit qu'il auoit si grand courage, il print cõgé de luy & se mit en chemin pour faire son message, & tant exploicta qu'il arriua en l'ost de charlemagne, ou il trouua qu'il se preparoit & tous les bärrons pour aller à Roncevaux, aider aux pairs de France.

---

*Comme Godefroy vint annoncer à charlemagne les trahisons que Ganelon auoit faict des douze Pairs de France: & comment il les vendit au roy Marsille, & en recut de grands trespors. Chap. XXVI.*

**A** Pres que Godefroy de Billon eut lassé Galien, qui s'en alloit en Roncevaux chercher son pere oliuier & Roland, tant exploicta qu'il arriua en l'ost de Charlemagne, lequel se preparoit pour retourner en Roncevaux. Incontinent vint deuant charles, & luy dit, Noble emperer, ie vous saluë de par roland vostre neueu, oliuier, tu rpin, & beranger : lesquels sont en Roncevaux, faussement & desloyallement trahis de par le traistre ganelon, & vous mandent que vous leurs enuoyez secours, ou autrement iamais ne les verrez. Des douze pairs ne sommes plus que six, desquels nous sommes cinq naurez à mort. Et afin que mieux cognoissiez la verité regardez i'ẽ porte dix playes mortelles. Quand charles entendit qu'ils auoient esté trahis, & qu'il regarda les playes de Godefroy, il cõmença à tirer sa barbe, & desrompre ses cheueux, & cheut pasmé à terre, comme s'il fut mort. Et quãd il fut hors de pasmoison, vistemẽt fit sonner ses buccines, fit charger tentes & pauillons Ganelon qui la present estoit, commença à dire. Sire, empereur s'il est vray ce que godeffroy vous a dit de moy, ie veux estre escorché tout vif de mēbre à membre, & afin que vous cognoissiez le contraire, moy mesmes vëut aller deuant en Roncevaux, & me mettrai le premier en la bataille à l'encontre des Sarrazins maudits mescreās & feray teile descõfiture, qu'il en sera parlé au temps aduenir, car i'aigrand volenté de les mettre afin. Mais penseriez vous bien que moy qui vous ay plus aymé que tous les hõmes du monde, eusse cõmis vne telle cho'e, ne offẽcer si noble personne que vostre imperiale maiesté? Vous sçauẽz bien que ray de grands richesses, parquoy pouuez entendre que les parolles qu'õ vous a rapportées ne sont pas vrayes. Alors charlemagne luy dit, s'il est vray que vous ayez faict ceste trahison, ie vous iure mon baptẽme que tous les hommes du monde ne vous garderõt de mort. Ganelon dit Sire quãd vous sereẽz en Roncevaux, Rolãd ne les autres pairs ne diront pas que ie soye cause de ceste trahison. Charles & son ost se partirent sans plus sejourner, pour aller au secours des douze pairs, & mena ganelon avec luy. On bailla à godeffroy de billon bons barbiers & chirur-

giens pour visiter ses playes. mais il estoit si fort nauré que peu de temps apres il alla de vie à trespas, dont ses parens furent desplaisans. Le traistre Ganelō cognoissant qu'il ne pouuoit eschapper qu'il n'allast avec charlemagne en Rōceuaux, & que la trahison seroit congneüe, il print vn mareschal, & fit ferrer son cheual le deuant derriere, afin que plus facillemēt peut elchapper quand heure & temps seroit Tant cheuaucherent qu'ils arriuerent en Ronceuaux.

Nous laisserons à parler de Charlemagne & parlerons du noble Galien.

*Comment quand le noble Galien eut laissé Godefroy, il s'en alla à Ronceuaux ou il fut assailly de dix Payens. Chap. XXVII.*



**Q**Uād Galien eut pris congé de godefroy, il prit sō chemin droit à ronceuaux, cuidāt trouuer oliuier & roland: mais auant qu'il les peust trouuer il endura plusieurs affaires: car incontinent qu'il fut en rōceuaux, luy regardant d'un costé & d'autre voioit tant de mors que c'estoit chose piteuse, adōc appella son maistre girard & luy dit, cōmēt est il possible que ie puisse trouuer mon pere oliuier & mon on-

cleroland. Helas ie ne sçay s'ils sont morts ou vifs, quād maintenāt ie le verrois, si ne les sçaurois ie cognoistre. Et cōme il disoit ces parolles il estoit pēssif sur l'arçon de la selle. Ainsi qu'il estoit en ce pensement, il cōmença a regarder vn peu à costé, & vit dix payēs qui descendoient d'aupres vne grande roche. Leur maistre estoit appellé Martineau, l'vn des fors & merueilleux ture qui fut en toute la turquie. Quād galien les vit il alla droit à eux & leur cria à haurē voix, Seigneurs estes vo' chrestiens. Alors martineau respōdit quels que soyons tu es bien hardi d'approcher si pres de nous: si tu me crois tu te reculeras. Quand galien l'entendit. il leur dit, le vous prie ne vo' mocquez point de moy: dictes moy s'il vous plaist nouuelles de Roland & oliuier, s'ils sont morts ou vifs. Martineau luy respondit, Roland est mort, & ay iousté cōtre oliuier & l'ay perçay au trauers du corps de cestuy espieu que ie tiens en ma main. Outre plus ie vois cherchant leurs restes pour les porter au roy Mais ille Galien fut mal contēt de ces parolles, & dit à martineau. Tu

dis que tu as tué Oliuier mon tres noble pere, parquoy mon corps te deffie iusques à la mort. Ils mirent leurs lances en l'arrest, & coururent si fieremēt l'un sur l'autre & en telles manieres que leur lances rompirent, & volerent par pieces, & du coup que galien donna, il fit chanceler martineau de dessus son cheual. Ils mirent les mains aux espees, & se donnerent de merueilleux coups, galien vouloit vĕger la mort de son pere, & de son espee floberge lui donna tel rōup qu'il luy fendit la teste iusques aux dents, & cheut mort par terre. Quād les autres payens vitēt Martineau mort, ils coururent sur Galiē mais Girard qui la estoit l'engarda. Galien voiant qu'ils se parforcoient de lui faire dommage, haussa son espee, & tel coup donna à l'un que la teste luy osta de dessus les espaulles. Puis en mit vn autre par pieces. Quand les payens virent que nullement ne pouuoient resister contre galien, ils se mirent en fuite. Et galiē dit à son maistre girard qu'il se tint la & qu'il les poursuiuroit, & girard lui obeit volontiers. Galien poursuiuit tant qu'il en tua quatre. Ce pendant que la bataille estoit entre eux, aucuns des paiens retournerēt vers girard, & le tuerent, dont galien eut grand douleur au cœur. Les paiens se mirent incontinent en fuite, & allerent annoncer au roi Pinart comme Martineau estoit mort.

*Comment les nouvelles furent apportee au roy pinard que son neuueu Martineau auoit esté tué: et comment il voulut aller iouster contre Galien.*

### Chap. XXVIII.



**L**A desconfiture de Martineau faicte, trois paiens se mirēt incontinent en fuite, quād ils virent la vaillāce que faisoit galien, ils allerēt au roy Pinard, l'un des merueilleux Turcs qui fust en turquie, lui declara la male aduerture qui leur estoit aduenue, & lui dirent. Faictes armer vos gens, car la dessus pres la roche forte est l'un des merueilleux chrestien qui soit en toute chrestienté. Il est encores ieune enfant ayant l'age de 18. ans: mais il a tel courage que s'il venoit mille Italiens deuant luy il ne s'en daigneroit desmarcher. Vostre neuueu & nous estions aujourd'huy à Roncevaux, & allions cherchant le duc Roland & le

Compte Oliuier pour emporter leurstestes au Roy Marsille : mais quand cestuy enfant nous apperceu , incontinent est venu droict à nous , & cria à haute voïx si nous estions payens ou chrestiens , & si nous luy sçaurions dire nouvelles de roland & Oliuier , quand Martineaul'entendit ainsi parler , il se print à mocquer de luy , en luy disant que le Duc Roland estoit mort , & qu'il auoit iousté contre le Comte oliuier. Quand cestuy enfant entendit ainsi parler vostre nepueu Martineau , il fut en son cœur si courroucé , qu'il n'est possible à homme viuant de le plus estre. Incontinēt commença à crier Martineau qui le deshoit à mort & par grand fiereté coururēt l'un sur l'autre , mais l'enfant donna tel coup à vostre nepueu qu'il le fit gauchir dessus la selle de son cheual , puis tira l'enfant son espée , & en donna tel coup à Martineau au dessus de son heaume qu'il luy fedit la teste iusques aux espauls. Et no<sup>s</sup> voyant cestuy faict , cuydāmes venger la mort dudit Martineau , & nous boutāme en bataille contre luy , mais tout ce nous valut rien , car à chacun coup qu'il frappoit ce qu'il ataignoit estoit faict de la fin , or des dix que nous estiois en sommes eschappez que trois. Quand le roy Pinard entendit que son nepueu Martineau estoit mort , il leur dist , Si mon nepueu est mort ça esté par son outrecuidance , il s'est voulu mocquer de l'enfant , disant qu'il auoit tué son pere , & l'enfant en a voulu prendre vengeance , c'est la raison. Or me diētes qu'elles armes portes cestuy Chrestien , & qu'elle enseigne , car i'ay faict serment a nos Dieux , qu'auourd'huy esprouueray mon corps contre le sien. Alors les messagers luy conterēt la façon & maniere de l'enfant. Roy Pinard croyez que cestuy chrestien est monté sur l'un des bons cheuaux qui soit en tout le monde , il porte à son col pendu vne targe en champisseure d'azur , & au milieu de ladite targe a vne croix rouge , laquelle deux Lyons rampans tiennent chascun a son costé. Et est la targe faictē & composée tres-pretieusement , tout en taillée de pierres pretieuse. Son heaume est faict de fin acier , reluisans comme le Soleil. Et au milieu dudit heaume est attachee vne Escarboucle , laquelle rend si tres merueilleuse clarté qu'elle resplandit vne demie lieue loing , & si rend aussi grand clarté de nuit que de iour.

Après que Pinard eut interrogué les messagers de la façon & maniere de l'enfant galien , il commença a dire , ie vous iure qu'il est du sang du Duc regnier a la chere hardie , car i'ay souuenance de l'auoir veu a Gennes avec le duc regnier : parquoy il ne peut estre que s'il estoit de son lignage qu'il ne soit cheualureux. Or sus tost qu'on m'apporte mes armes , car ie me veux aller esprouuer mon corps contre luy. Incontinent on luy apporta ses armes , & se fit accoustre appertement. Quand il fut prest , il empoigna sa lance , & pendit son escu a son col , puis monta dessus vn cheual de furie. Et quand il fut dessus le cheual , il appella vn de ceux qui luy auoient apporté les nouvelles , & luy

dit. Or susallez donc vistement voir en qu'elle part est ledit Chrestien, & quand ledit messager entendit ainsi parler le roy pinard, il luy dit, certes si ne vous desplaist, car quand ie deurois gagner toute la richesse du monde, ie ne me voudrois trouuer deuant le chrestien, de laquelle respõce le roy Pinard fut si courroucé qu'il cuida perdre le sens & l'entendement, il dit deuant tous les assultans qu'il yroit tout seul pour le combattre, cestuy Roy Pinard auoit vn neveu qu'on appelloit Corsuble, lequel estoit vn merueilleux payen, cestuy Corsuble vint au roy Pinard & lui dit, mon oncle ie vous prie que ie voie moy mesme iouster contre le Chrestien, car i'ay grãd douts qu'il ne vous face quelque mal, il est impossible puis qu'il est de la lignee du duc regnier qu'il ne soit vaillant & preux, adonc le roy Pinard se courrouça à corsuble son neveu & luy sembloit proprement qu'il disoit telles parolles pour louer sa force & pour despriser celle du roy Pinard: cestuy roy pinard dit a son neveu corsuble. Nepueu, ia ne plaist à nos dieux qu'il me soit reproché que ie sois de si petite force & ie vous promets que ie m'esprouueray aujourd'huy sur luy si ie le puis trouuer. Il commanda qu'on luy apportast vn oignement qui est de telle vertu que quand on s'est oingt par le corps & tous les membres, on a la peau aussi dure comme acier, & n'y a ferrement au monde qui peult prendre ne mordre dessus.

Quand le roy pinard fut oingt de cét oignement se fist armer le mieux qui peut, & quand il fut prest il fit armer son cheual le plus vistement qu'il peut car il auoit grand volonte de trouuer Galien pour combattre contre luy, le roy Pinard estant pres de partir il appella tous ses barons & leur dist à haute voix, seigneurs ie m'en vois pour combattre les chrestiens: parquoy ie vous prie que personne ne bouge car i'ay esperance qu'aujourd'huy le vous ameneray vif ou mort, vous dites qu'il est si fort & si vaillãt, mais vous verrez deuant qu'il soit nuict qu'il aura trouuẽ plus fort que luy, mais on dict en commun prouerbe, que souuent dechet de ce que fol pense, ainsi aduint il au roy Pinard, car il luy estoit aduis qu'il conquesteroit incontinent galien, mais il aduint tout autrement comme plus a plein pourrez voir cy apres.

*Comme le roy Pinard s'en alla en vne profonde vallee ou il trouua Galien qui dormoit,  
& comme son cheual Marcepin l'esuilla du pied quand  
il vit venir le roy Pinard.*

Chap. 29.

**L**E roy Pinard print congé de tous ses gens & cheuaucha tãt qu'il arriva en vne profonde vallee en laquelle estoit galien qui reposoit à terre, & auoir



auoit passé son bras dedans la bride de son cheual. Et quand Pinard l'apperceut, il le congneut bien aux enseignes qu'il luy auoit declarees. Marcepin voit son maistre qui dormoit, & aussicognoist par le vouloir de Dieu que Pinard estoit son aduersaire, vint frapper du pied fenestre sigrand coup de l'escusson de Galien, que peut ne s'en salut qu'il ne le mit par pieces, & tâtost Galien s'esueilla & fut mout esbahy. il regarda à costé de soy & vit pinard qui venoit droit a luy, dont Galien eut aucunemēt peur, pour cause qu'il s'estoit desarmé. Quand le roy Pinard vit que Galien estoit espouuenté il luy escria à haute voix, cheualier, quelque tu sois n'aye peur de moy : car iamais a ton corps ne touchera, que tu ne sois accoustray à ton appetit Payen dit Galien, ie te remercie volontiers prierois tes dieux qu'ils t'en rendissent le guerdon, mais ie suis bien seur & certain qu'en eux n'a nulle puissance. Quand Pinard entendit ces parolles, il en fut courrouce Galien, sadouba vistement, puis monta sur Marcepin. Pinard luy demanda s'il estoit de Genes, & d'où il venoit. Galien luy dit que non, & qu'il venoit de l'ost de charlemagne pour venger la mort des douze pairs de France. Quand Pinard l'entendit ainsi parler, il luy escria à haute voix, chrestien monstre toy tel que tu es, car auourd'huy ie te rendray au roy Marcille vif ou mort. Galien fut mout courroucé d'ouir telles parolles, & dit à Pinard, payen auant qu'il soit vray ce que tu dis tu auras bien à besongner, ie te prie n'vse point de menasses, mais esprouue ton corps car ie te deffie à mort. Ils mirent leurs lances en l'arrest, puis frapperēt des esperons, & se donnerent tels coups, qui rompirent lances & harnois, tant que galien faussa le harnois de Pinard iusques à la chair : mais Pinard auoit la peau si dure que le fer de lance de galien ne luy sceut faire domage. Adonc pinard dit, Chrestien, quelque tu sois tu as genti courage. Ie te prie de rechef que tu me dies si tu es du sang du duc Regnier le hardy. Quand Galien entendit le roy Pinard qui vouloit sçauoir d'où il estoit, il luy dit, payen il n'est pas temps de parler de cela, mais il faut esprouuer nos corps. Pinard fut mout courroucé de ce que galien auoit tel courage. Ils se donnerent de grands coups d'espee, tellement que pinard abbatit l'escarboucle du heaume de Galien. Quand galien sēit le coup il fut mout iré, & de floberge bailla tel coup à pinard sur l'espaule, qu'il luy coupa tout ce qu'il rencontra, iusques à la chair mais il ne la peut domager. Galien fut mout esbahy dece qu'il ne peut trécher la chair du payen, & dit O floberge mon espee d'où procede que vous n'avez nullement voulu entamer la chair de ce paien. Pinard entendit les parolles de galien, adonc il luy cria à haute voix, François tu pourras cognoistre tantost que ie suis, pense & crois fermement que tu ne peux domager ma chair : car quand tu frapperois sur moy de ton espee dix iours entiers, & que ie fusse tout nud, tu ne me sçauois faire greuace. Crois pour

certain que i'abbatis hier roland de dessus son cheual, & cheut mort par terre. Puis i'allay iouster contre le côte Oliuier, auquel ie mis la teste ius des espauls. Et si i'ay fait mourir de ceste espee plus de cinq cens chrestiens : parquoy tu peux apperceuoir que tu n'auras guere de duree contre moy.

*Comment Galien abbatit pinart par terre, et coupa la moitié du col de son cheual, & comment Galien tua Bruffelle, & donna son cheual à pinard.*

Chap. 30.



**Q** Vand galien eut entendues paroles du roy pinard il luy dit Payé, crois certainement que hierie trouuis vn tel vanteur comme tu es: mais pour cause de fauorice, ie luy monstray qu'e floberge mon espee scauoit faire. Aussi toy qui cuides vsr de tels langages, ie te monstreray que ie scay faire. Quand pinard entendit ainsi parler galié, il dit de f

fend toy donc à ceste heure & regarde bien de moy. A ceste parolle vindrét l'un côte l'autre, par telle fierté que c'estoit pitense chose à regarder. Pinard cuida frapper galien sur le heaume, mais il sentit descendre le coup, & le destourna: & apres que galien eut destourné le coup, il haussa floberge & en donna tel coup à Pinard, que les fleurs & les pierres cheurét par terre, & vint cheoir le coup sur l'arçon de la selle du cheual de Pinard, tant qu'il la couppa tout outre & la moitié du col du cheual, & cheut Pinard par terre. Quand Galien le vit ainsi tresbucher, payen as veu ce que mon espee scait faire. Quand Pinard entendit ainsi parler Galien, il cuida creuer de despit, & dit à galien, vassal pense tu pourtant si ie suis à terre sàs cheual m'auoit conquesté tu scais bien que le matin ie suis arriué vers toy, quand tu dormois ie t'eusse osté la teste des espauls si i'eusse voulu, tu dis vray. Dit galien, aussi crois formement que ie ne toucheray à ton corps que tu ne sois monté à cheual comme moy. Cependant qu'ils parloient ensemble galien regarda vn peu à trauers, & il va apperceuoir vn payen, lequel estoit appelé bruffelle, & estoit neueu de Pinard. Cestuy bruffelle estoit embusché là aupres, afin que si galien eust conquis pinard, il fut venu & l'eust secouru. Et incontinent que galien l'apperceut il picqua son cheual Marcepin & approcha de luy en criant payen

mon corps te deffie. Galiën & Bruffelle mirēt leur lāces en arrest, & picquerent des esperons si fierement qu'ils donnerent tels coups que le feu sortoit contremont, mais galiën frappa de si grand puissance qu'il luy passa la lance au trauers du corps & cheut mort par terre, galiën print le cheual de Bruffelle & le mena à pinard, & luy dit, pinard, tu m'as fait vn plaisir, pour lequel ie te donne cestui cheual que i'ay maintenant conquesté. Adonc Pinard luy dit, ie ne t'en remercie pas, car le cheual estoit à mō neueu que tu as tué, mais ie fais vœu à mes dieux, qu'auāt que d'icy partes, ie t'osterai la teste de dessus les espaulles. Et galiën dit au payen monstre ce que tu sçais faire. L'estour cōmença entr'eux plus fort que deuāt. Galiē frappoit sur pinard si courageusement que merueilles, & Pinard frappoit galiē en telle façō qu'il luy abbatit vne partie de la forcille, tant que le sâg couloit à terre Pinard qui auoit grād ioye d'auoir fait tel coup, dit à galiën, chrestie, que te semble de mon espée, est elle ouuriere de faire barbe. Quād galiën vit la mocquerie de pinard il requist nōstre seigneur qu'il luy pleust estre en secours. Apres qu'il eut fait son oraison, il haussa foberge son espée par telle façō & en donna si grand coup à pinard, qu'il emporta la manche de son haubert, & crouppa la boucle de dessus & lny mis le bras nud puis derechef haussa foberge, luy cuidant auoir finée la bataille, & vint frapper dessus la chair nuē, mais l'espée resortit cōtre mont en quoy galiē fut biē esbahy, & baissa la chere cōtre bas, puis dit à pinard, ha paien que maudit soit ton cuir tant il est dur, car ie croy fermement qu'oncques marbre ne diamant ne fut de telle durté. Pinard & galiën frappaient l'un sur l'autre de merueilleux coups: mais oncques ne se peurēt dommager. Quand pinard vit que galiën approchoit, il vint à galiën, & lui dit, chrestien ie te prie que nous prenions treues pour meshuy car tu vois que la nuit s'approche, & ie te promets que ie suis tant las que ie ne me puis soustenir, demain nous viendrons acheuer nōstre bataille. Galiën fut contāt car aussi estoit il fort trauaillé, & lui dit qu'il donnoit congé & qu'il se rendroit la iusques au matin, & qu'il n'auoit n'y faim ny soif: mais il estoit bien marry que son cheual n'auoit ny foin ny auoine. Quand pinard entendit ainsi parler galiën, il lui dit Chrestien si tu veux venir avec moy, ie te iure foy & loiauté, que ie tiendray bien à ton plaisir, & aura ton cheual assez de foin & auoine, & si ie te promets que ia paien ne te fera desplaisir. Quand galiën entendit son vouloir, il luy dit, paien me puis ie bien fier en toy. Oui, dit pinard, en foy de gentillesse. Adonc s'accorda galiën d'aller avec luy, & le mena en la tente, & le festoia celle nuit mout honorablement, tant que galiën se contenta.

*Comment Galien vint le lendemain bien matin heurter à la porte du roy Pinard qu'il se leuast, & qu'il estoit temps de conser a son hoste, et comme eux en retournant au camp il trouua quatre turcs dont il en tua trois.*

Chap. XXXI.

**L**E roy pinard sur sa foy de gentillesse mena galien heberger avec luy en sa tente, & quand ils furent arriuez, les paiens accouroiēt au deuant de pinard car ils cuidoiēt qu'il amenast galien prisonnier & tantost lui demāderent comment. Sire roi pinard, auez vous conquesté en champ de bataille cestui chrestien, ausquelles parolles leur respondit que non, & que c'estoit le plus vaillant cheualier qua iamais porta armes. Incontinent pinard manda que Galien fust descendu honnestement, & qu'on le traitast cōme sa propre personne, & son cheual Marcepin, puis les palefreniers prindrent le dit cheual, & fut pensé ceste nuit. Corsuble mena galien en la tente de Pinard, puis il se desarma pour prendre sa refection. Les tables furēt mises, & les viandes preparees de plusieurs & duerses sortes. Le soupper fut honorable & bien seruy. Car le roy pinard estoit bien ioieux de ce que galien estoit avec luy, chacun print sa refection, cōme il estoit de necessité. Apres souper ils deuiserent de leurs faicts, & gestes, & le roy pinard fit apporter ses armes deuant luy, & monstra à Galien comment il les auoit despecées. Et quand galien les veit il commença à dire au roi pinard, payē, ie ne suis pas armurier que tu me monstres tes armes a radouer, ie te prie faicts moy bonne chere, comme tu m'as promis. Et le roi pinard lui dit, cheualier, ne vous desplaise, car naturellement que la chose qui touche au cœur ne se peut oublier. Outre plus ie m'esbahis comment il est possible que vous aiez detrenché mon harnois qui est si fort, ie ne trouuay iamais homme qui fist de si beaux coups que vous auez faict aujourd'huy. Apres plusieurs parolles dites le roi pinard commanda à son neueu corsuble qu'il allast preparer vn liēt honorablement pour galien, afin qu'il peust reposer plus à son aise ceste nuit. Le roy Pinard dit à galien, chrestien, quand il vous plaira de vous aller reposer dictes le, car ie vous ay fait preparer vne chambre. Galien le remercia. Puis Corsuble se mena en sa chambre, & galien se coucha & dormit à son aise. Le lendemain au matin galien se leua, puis appella corsuble, & lui pria humblement qu'il luy pleust de lui aider à s'armer, lequel le fit tres volōtiers. Et ainsi comme il l'aimoit, il lui pria qu'eux deux esprouuassent leurs corps ensēble l'vn cōtre l'autre, laquelle priere galien luy oētroya, & luy dit. Vassal quand toy & moy serons ensēble pour le plaisir que tu me faicts, ie t'en rédray vn autre

carie te promets que si t'attains de mon espee floberge ie t'osterai la teste ius des espaules. A quoy corsuble respondit , on verra qui aura belle amie , galiẽ fit amener son cheual, puis monta dessus, & print sa lance en sa main & alla heurter deux ou trois coups à la porte de pinard, & luy cria à haute voix, sus païen, leuez sus, il n'est plus temps de ronfler: mais il est temps d'acheuer nostre entreprise. tantost Pinard se leua & fit apporter ses armes. Galien se mit en chemin, estât arriué près d'un bois ou il trouua quatre turcs messagers du roy Marsille, galien print sa lance, & tresperça à trauers le corps, le premier qu'il rencontra, & tira son coup, & perça l'autre parmy la corée. Il tira son espee & trencha la teste au tiers, & le quart se mit en fuite, & alla vers Pinard, lui dit. Sire nous estions quatre messagers qui vous apportoint lettres du roi Marsille, mais vn chrestien en a tué trois, & ie suis eschappé. Quand pinard l'entendit il dist, c'est le cheualier qui a couché ceas le meilleur du monde. Il se fit armer, & puis on lui amena son cheual, il monta dessus, & s'en alla pres Galien au champ ou estoit commencé la bataille. Et quand galien veit le roi pinard qui estoit armé il lui cria à haute voix. Païen tu as assez longuement pris ton repos. Ceux qui veulent faire grand iournées ne doiuent tant dormir ne ronfler en leurs lits. Par mes Dieux, dit le roy pinard i estois tant las & trauaillé de la bataille que nous fismes hier, que ie ne me pouuoie reueiller i'ay encores les yeux endormis. Qand galien le vit ainsi endormi & qu'il ne se pouuoit esueiller, il lui dit : or sus payen, il nous faut recómmencer, si vous estes trop endormi, ne vous chaille, car ie vous resueilleray bien.

Le roi pinard se fit preparer le plus viftement qu'il peut, & se mit en cháp de bataille, & galien qui l'attendoit lui dit, Païen, il se faut deliberer. Et incótement ils mirent leurs lances en arrests, puis brocherẽt leurs cheuaux l'un contre l'autre, & se rencontrerent par telle façon que les fers, & les fusts de leurs lances vollerent en l'air. Incontinent ils mirẽt les mains aux espées, & donnerent de merueilleux coups, mais ils ne se peurent en rien greuer. Galien ayant volóté de mettre à fin la bataille, haussa son espee floberge, de telle façon que du grand courage qu'il auoit, en donna au roy Pinard tel coup dessus le heaume que la coiffe ne le cercle ny valurent vn denier, qu'il ne le mist par pieces, & vint cheoir le coup dessus l'espaule droicte du roy Pinard en telle facon qu'il luy mist la gerbe & tout le bras à descouuert. Et quand Galien vit le coup, il cuida auoir fin de bataille. Quand il vit qu'il ne l'auoit point greué, il haussa derechef son espee floberge, & le vint frapper de grand courage dessus le bras nud: mais l'espee resortissoit contremont. Quand Galien veit que son espee ne pouuoit entamer la chair du Roy Pinard, il fut si courroucé & marry en son cœur que merueille, car il ne sçauoit pas que le roy pinard, eust oing son corps d'oignemens, mais il s'esbahissoit d'où proce-

doit que nullement il ne pouuoit dommager la chair du païen, & qu'il detré-choit son harnois. Ainsi comme le roy Pinard se combatoit il y auoit trente païens qui s'estoient embuschez au plus pres de la bataille, lesquels quand ils virent que galien eut fait cestuy coup, commencerent à courir contre luy, & le vouloient mettre à mort. Et quād galien les vit ainsi venir, il commēça à dire au roy pinard. Comment païen veux-tu ainsi iouer de trahison contre moy, est-ce la foy que tu m'auois promise. l'auois si ince en ta promesse, & ie vois maintenant que tu as fait icy venir ses gens pour me faire desplaisir, & dōmager mon corps. Cela ne procede point de noble courage, i'eusse cuidé que ton vouloir & ta parolle eussent esté semblables : mais non obstant ie te promets que quand ie t'auray conquesté que si ie les rencōtre, ie les payeray en telle façon, que iamais ne s'embuscheront pour faire trahison. Et quand pinard entendit galien & qu'il vit les trentes payens, il les commença fort à inurier, & les fit retourner d'ou ils estoient venus.

*Comment Galien combatit le roy Pinard d'un gros baton de bois, & abbatit par terre homme et cheual, puis le ietta dedans une riniere.*  
Chap. XXXII.



**G**Aliē & le roy Pinard recommencerent leurs bataille plus forte que deuant. Adonc le roy pinard frappa l'enfant galien si fierement dessus le heaume qu'il luy en emporta vne grād partie, quand galien sentit le coup il fut fort courroucé, & appointa foberge son espée droit a la gorge du roy pinard : car elle estoit toute nuē, mais en nulle maniere ne le sceut greuer, dōt il fut fort esbahi. Il haussa la teste contre le ciel, & disoit en ceste maniere. O Iesus-Christ, fils de Dieu vivant, consolateur de ceux qui te requierent. De tout mon cœur ie te supplie par ta benoïste passion, laquelle tu as voulu souffrir pour nous en l'arbre de la croix pour nous racheter des peines d'enfer, qu'il te plaise me donner conseil comment ie pourray conquerir cestuy païen. Et apres qu'il eut fait la priere, ils se frapperent de rechef en bataille, mais pour quelque chose que galien peust faire, il ne luy est possible de greuer le roy Pinard, dōt il e-

stoit fort desplaisant. Et quād pinard vit le courage de galien, il luy commēca à dire, chrestien, pense tu pourtant que i'aye la chair nuē, que tume puisse greuer. Tu peux bien cognoistre qu'aujourd'huy ie te feray comme i'ay fait au comte Oliuier, auquel i'ay tres-perçay mon espieu parmy le corps galien fut plus courroucé que parauant. Et tantost par le vouloir de Dieu il imagina que puis qu'il ne pouuoit greuer pinard avec son espee, qui iroit coupper vn gros baston de bois pour combatre contre luy, puis il luy dit, paien, ie te prie que tu me laisses descendre de dessus mon cheual, car ie sens bien que les sangles sont destachee, laquelle requeste Pinard luy octroya, galien mit le pied à terre, & osta ses esperons, puis desseignit son espee & la pendit à l'arçō de la selle, & la tira hors du fourreau & apperçeut en vn buissō vn gros bastō de n'esplier: & le couppa, & vint tout droit vers le roy Pinard, lequel pensoit que Galien, se vouloit rendre à luy, mais c'estoit bien le contraire, galiē vint au roy pinard & luy esclia à haute vois, disāt ainsi, paiē: ie veux essaier cestuy baston, si nullemēt ie pourroye auoir fin de toy, mais ie te prie que tu ne face nul desplaisir à mon cheual. Et pinard luy promit que non feroit. il, incontinent le roy pinard qui estoit à cheual est venu à galiē par grand fierté de courage, & haussa son espee, l'en cuida frapper, mais galien leua son gros baston contremont, & en dōna tel coup au roy pinard dessus le bras, qu'il luy fit tōber l'espee de la main, puis dōna vn autre coup si terrible sur la teste, qu'il abbatit homme & cheual par terre. Quad galien veit pinard par terre, il luy donna tant de coups de son gros bastō que le sang luy sortoit de toutes parts. Apres que galien l'eut tant battu qu'il ne mouuoit pieds ne iābes, il le print par les cheueux & le tira dedans vne riuere, laquelle estoit la pres. Et puis il luy dit. Paien tu me donnas au soir en ta tête assez à boire & à māger mais pour tous les biens que tu me fis oncques ie t'en veut rendre trois fois autāt & luy tint le pied sur la gorge iusques à tant qu'il fust mort.

*Comment apres que Galien eut desconfit le Roy Pinard et qu'il eut ietté en la riuere vindrent à luy trente paiens qui s'estoient embuschez pour venger la mort du Roy Pinard.*

*Chapitre. 33.*

**A** Pres que Galien eut desconfit le roy pinard, & qu'il l'eut ietté en la riuere vindrent à luy trente paiens qui estoient embuschez dedans vn bois, cuidant venger la mort dudiēt pinard. Quand Galien les veit il monta dessus son cheual. Il ne fut pas plus tost monté qu'il fut enuironné de ces trente paiens, & l'assaillirent fierement, mais galien se deffendoit d'vn merueilleux courage, car de son baston il ruoit tout par terre. Et ainsi



comme il se combattoit si vaillamment de son bastō contre ces mauuais paiēs il en y auoit vn lequel combattoit cōtre lui & luy couppa son baston en deux pieces, de laquelle chose fut galien mout esbahy, car il pensoit que les maudits payēs eussent la chair aussi comme auoit le roy pinard, & lui pēsāt & imaginant, & voyant qu'il n'auoit plus de quoy il se peut

deffendre, il tira foberge son espee, & en donna si grand coup à vn des paiēs qu'il le fist cheoir par terre tout mort. Quand galien veit qu'ils n'auoient pas les peaux si dures que le roy pinard, il fut mout ioyeux en son cœur. Il prit courage & se bōuta si auant en la bataille contre les parties qu'il fistelle desconfiture qu'ils ne se trouuoient deuāt luy, derechef ils sortirent du bois dix autre paiens, mout fiers & orgueilleux, lesquels se vindrent incontinct ieter de tous costez sur galien & sembloit proprement qu'ils le deussent confondre. mais quand il les veit il les cōmença à crier à haute voix. Mōt ioye S. Denis, & puis il dit, Or voy ie bien maintenant qu'auourd huy sera le deffinement de ma vie. Je voy bien que iamais ne verray Constantinople, ne ma mere qui tant à de douleuts Helas mon pere Oliuier, & vous mō oncle roland, ie cognois bien que iamais n'auray nouuelles de vous, car ie suis fieremēt assailly des payens. O nōble Empereur ie te requiers & prie qu'il te plaise de me dōner secours, car autrement ilest fait de ma vie. Et nonobstant quelques regrets qu'il fist, il se deffendoit si vaillammēt, que c'estoit merueilles, car le courage luy croissoit quand il pensoit à telles choses.

*Comme Roland, Oliuier, l'Archeuesque Turpin, Richard, Salomon, & Besangier se mirent derriere vne roche pour eux sauuer, & comment ils vindrent au secours de Galien,*

#### Chapitre. XXXIV.

**A** Pres que le roy marsille eut fait la desconfiture des Pairs, & que plūs ne demouroit que six, lesquels il pensoit estre morts, incontinent il fit sonner ses cors & bucines, & fit leuer tēte & paullōs, & se mit en voie pour s'en retourner. Le noble Roland, Oliuier, l'Archeuesque Turpin, Richard, Salomon, Besangier se reculerent derriere vne grosse roche pour estancher les playes





les playes de ceux qui auoient esté bleffez & n'aurez. Pêlez que maintes pleurs & lamentatiôs furēt alors faites. Eux estât la derriere vont entendre la voix de galié qui mout fort les regrettoit, & ainssi cōme ils regardoient d'un costé & d'autre, ils ont apperceu que galié estoit enuironé de tous quartiers des Turcs & paiens lesquels luy lançoient

darts & gros espieux point<sup>9</sup> Quand oliuier appercent le destourbier que l'ō faisoit à Galien, amour naturelle le contraignit de luy donner secours & dit ha roland mon compagnon n'étendez vous pas les regrets que fait cestuy ieune cheualier, lequel se combattoit contre les Turs ne voyez vous pas le noble courage qu'il à, car il s'en vouloit fuir, tous les payens du monde ne le scauroient prédre. Certes ce seroit à nous grand honte s'il mouroit ainsi sans auoir secours, & ie vous promets que ie suis delibéré de luy aller aider s'il vous plaist de maider à armer. Quād roland entendit le noble courage de son cōpagnon oliuier luy cognoissant qu'il estoit nauré en plusieurs parties de son corps il luy dit helas mon trescher & loyal compagnon, cōmēt seroit il possible à vous de porter armes, quād vostre noble corps est nauré de toutes parts. Oliuier, luy dit ie vous prie que me laissez, car ie promets à Dieu que si ie puis, de moy aura secours. Et pareillemēt dirēt tous les autres pairs Roland les adouba le mieux qu'il peust, puis leur ayda à mōter à cheual, chacun tint son espee. Le noble Roland monta sur Viellantin son bon cheual, puis empoigna durandal & le mit le premier en voye: & les autres vont apres Quand galien les apperceut, & qu'il veit les croix rouges flamboyer, en son cœur fut mout ioyeux. Et commença à dire, O iesus christ Redempteur de tout le monde, aujourd'huy ne comte rien de ma vie: mais que ie puisse voir le duc roland & mon pere le comte oliuier, que tant ay ouy priser. En disant ces parolles ou semblables frapport tousiours sur payens, roland & ses cinq compagnons se vindrent frapper entre les payens. Roland haussadurandal & tel coup donna au premier qu'il rencontra, qu'il le fendit iusques à la courroye puis tira son coup, & au secōd abbatit le bras dextre, & au tiers luy osta la teste de dessus les espaule. Le cōte oliuier estoit de l'autre part. qu'au premier qu'il rencontra, fendit la teste iusques aux dents, & le second abbatit mort par terre, des trente paiens qui la estoient firēt telle descōfiture, que

piteuse chose estoit à regarder. Incontinent vn païen vint crier à haute voix roland, croy de vray que ganelon vous a vendu au roy Marsille & a receu de grands tresors, puis quand le payen eut ce dit, vistemens de departit, & alla annoncer au roy Marsille comment roland & Oliuier estoient encores en vie, & que le roy Pinard estoit mort.

*Comment les nouvelles furent apportees au Roy Marsille que roland & oliuier estoient encores en vie, et comment le Roy Marsille y enuoya trente mille Turcs.*

Chapitre. 35.

**Q**Uand le Roy Marsille entendit les nouvelles que roland & Oliuier estoient encores vifs, il fut grandement esbahy. Et commença à dire en ceste maniere. Et comment ie pensoye qu'ils fussent morts depuis hier. Incontinent fit monter à cheual quinze mille payens lesquels vindrent legèrement en ronceaux ou estoient les six pairs de France, & se mirent en chāp de bataille, les vns contre les autres. Le noble roland & le Comte oliuier faisoient telle desconfiture que c'estoit merueilles, & aussi le noble galien faisoit de merueilleuse prouesses, tant que payens ne s'osoient trouuer deuant luy. A cestuy estour furent bien mis à mort deux mille Payens. Et incontinent voyant vn maudit Turc, qui la estoit: la desconfiture que faisoient les six Pairs: contre les païens, vint cognoistre le comte oliuier & luy ietta vn espieu fort & pointu, si roidement qu'il le fit entrer dedans vne partie de son noble corps. Et quand il se sentit ainsi nauré, il haussa son espee haute clere, & frappa sur le payen, mais il ne le peut dōmager en rien, & retourna son espee contremont. Et quand il vit qu'il n'auoit plus de puissance, commença à dire en ceste sorte, ô redempteur de tout le monde, maintenant ie voy clairement qu'aujourd'huy sera le definement de toute noblesse de chrestienté. O haute clere mon espee, i'ay veu que quand vous auiez mille païens, vous les mettiez en fuite, & maintenant ne pouuez pas auoir la fin d'ũ tout seul. Oliuier voyant qu'il estoit fort nauré, s'en alla appuyer cōtre vne roche qui estoit pres de luy. Et le maudit payé qui l'auoit nauré à mort, alla droit à luy, & tira son espee, luy cuidant couper la teste, pour porter au roy marsille, mais galien voyant ce maudit Turc, luy va escrier, O faux & desloyal païen laisse ce chrestien tu vois bien qu'il n'a puissance ne vertu, mais viens vers moy, & que nous esprouions nos corps, l'un contre l'autre, & quand le païen l'entendit fā faire nul delay se tira droit à galien. Et quand l'enfant vit le pouuoir du païen, il haussa floberge par telle fierté, & en dōna tel coup au païen, qu'il le fendit iufques à la couroie, & quand oliuier vit le beaucoup que galien auoit fait, il fut tout ioieux en son cœur, & cōmença à dire, ô roi des rois, qui a voulu pren-

dre ton hebergement au ventre virginal de Marie, ie te supplie auât que mō ame face departement de mon corps, qu'il te plaie de ta bonté me donner grace que ie puisse cognoistre cestuy chrestien : car il me semble que l'espée qu'il porte est du roy hugon, dont ie cuiday auoir la teste ttenchée, quand auec sa fille laqueline ie promis foy & loiauté de mariage.

En disant ces parolles vint arriuer vn payé qui venoit d'espier l'ost de charlemagne, qui s'approchoit de Roncevaux, & vint crier à haute voix aux païés tant qu'il fut ouy de tous. Seigneurs païés, croiez fermemēt que ie viēs d'espier l'ost de charlemagne, qui n'est pas à vne lieuë loing, il amaine avec lui plus de cent mille cōbatans, pourtant si me croiez retournez viftement en l'ost de Marseille : car vous croiez qu'ils ne sont ici plus que quatre, & incontinent qu'ils ouirēt les parolles de l'espie, eux craignant la fureur de charlemagne se mirent en fuitte. Roland & galien les poursuiuoient mout asprement, & tout ce qu'ils pouuoient attendre estoit fait de sa vie. Puis les deux barons firent leur retraitte, oliuier cognoissant la noblesse de galien, l'appella doucemēt en lui disant, cheualier, ie vous prie dites moi qui vous a donné ceste bonne espée : certes en vous elle est bien employée. Galien lui conta la facon & maniere comme le roi Hugon, la lui auoit donnée, & comment il estoit fils du comte oliuier, & qu'il l'auoit engēdré à constantinople, de la fille du roy hugon, nommée laqueline, & comment il auoit eu tant de peine à le chercher, & puis comment elle auoit esté deietée, & quel nō lui auoit esté imposé. Quand oliuier entendit ainsi parler galien, il cogneut biē qu'il l'auoit engēdré. Et incontinent lui sortirent les larmes des ieux, & lui estant nauré à mort, embrassa galien, & lui dit, ô mon enfant plein de noblesse, hardi & preux en tous tes faits, crois fermement que ie suis ton pere le comte oliuier. Je fus à constantinople avec le roi charlemagne au retour de Ierusalem, & là ie couchai avec ta mere laqueline, & lui promis foi & loiauté de mariage. Quand galien entendit qu'il estoit son pere, maints pleurs & regrets furēt alors faits. Le noble oliuier ne se pouoit plus soustenir, car il perdoit son sang de tous costez, galien le descendit de dessus son cheual tant doucement qu'il peut, & le coucha à terre, & dit, ô mort terrible, que te profite la mort de mon pere oliuier. Helas que dira ma mere, quand elle sçaura la mort de mon pere ? ô charlemagne fleur de cheualerie, tu auras le cœur marri quand tu verras vn si vaillant homme mort. Ce disant, regarda oliuier si piteusement, que les larmes lui sortoient des ieux comme fontaines, & n'est cœur qui ne s'esmeut à plorer de voir chose si piteuse.

*Comment le comte Oliuier apres qu'il eut cognoissance de Galien, il appella son compa-  
gnon roland, et luy conta comment Galien estoit son fils, puis rendit l'ame  
à nostre Seigneur Iesus-Christ.*

## Chap. XXXVI.

**V**ous pouuez croire qu'apres que le comte oliuier eut la cognoissance que galien estoit son fils, maints pleurs & gemissement furent iettez. Et cōme oliuier estoit couché au giron de galien, il appella roland son compa-  
gnon, & luy dit, Mon compaignon & amy tantost sera la fin & departement de nos amours : mais ie dois bien louer iesus christ des bōne nouuelles qu'il luy a pleu m'enuoyer. Croiez fermement mon loial amy que c'est enfāt que vous voyez qui me tient icy present est mō fils, & vostre neueu. le l'ay engē-  
dré de la belle laquelinē fille du roy hugon de constantinople; le lendemain que nous fismes les gabs dedās la grād sale du roy hugon : & pourtant ie le vous recommande, car en peu de temps partira l'esprit de mon corps. Quād roland entendit ainsi parler son cōpaignon oliuier, le cœur luy souspira mout tendrement, & en plorant il baïsa Galien amiablement, galien qui auoit les grosses larmes aux yeux cōmença à prendre vn anneau qu'il auoit au doigt, & le bailla a roland en disant en ceste maniere. le vous saluē de par bellande matante laquelle vous enuoye c'est anneau, & voici l'enseigne qu'elle m'a donné. Quand roland entendit les nouuelles de sa mie, le cœur luy cuida fortir du ventre, & se pasma dessus son compaignon oliuier, puis luy dist en ceste maniere. O mon compaignon, grand desconfort nous est auïourd'huy aduēu. Helas nous auons eu nouuelles de nos amours : mais i'apperçoy biē que peu durera nostre ioye, & tous trois se prindrent à plourer si tendremēt qu'ils eussēt esmeu toute nature humaine, & en plorāt. Oliuier ierra vn souf-  
pir, disant. Sire dieu tout puissant qui as voulu creer le ciel, la terre & mer, qui nous à mis en ce monde pour nous sauuer non pas pour nous damner : qui as voulu naistre au ventre de la sacree vierge marie, qui as voulu prédre mort en la croix, & qui as voulu descendre es enfers, pour nous racheter des pei-  
nes infernales. le te suplie qu'il te plaise d'auoir pitié & misericorde de moy & qu'il te plaise de mettre ma paureamē en ta sainte garde, quand elle partira de mon corps. Puis apres que le comte oliuier eut acheuē son oraison il renuer sa ses yeux vers le ciel & mit ses bras en croix, & rendit l'esprit à no-  
stre seigneur. Roland qui là estoit, voyant la mort de son compaignon, cō-  
mença à plorer & à gemir & faisoit maintes lamentations mout piteuses, disant en ceste maniere. Helas fortune que tu es outrageuse & cruelle, las que t'auoit fait mon loyal compaignon, qui estoit le champion des Chre-

siens, & ennemi mortel des infidèles, qui estoit le chef de sa beauté, la prouesse des preux. Las maudite fortune, que n'as tu eu pitié de luy. O mon souldas & ma ioye, or es tu mort. Et que dira charlemagne quand il sçaura ceste desfortune? ô maudits payens ie vous dois bien maudire, ô mon compagnon, quand ie vous tenois aupres de moy, i'estois plus seur que que si to<sup>t</sup> les chrestiens y eussent esté. Galien tenoit son pere embrassé & pleuroit mout piteusement, disant ainsi, ô cruelle mort pire que interdicte, pourquoy es-tu si oustrageuse, dis-moy la cause pourquoy tu m'as si tost tolū mon pere qui est le noble des nobles, le confort des chrestiens & l'aumosnier des pauvres. Las que dira ma loyalle mere, quand elle sçauravostre desfinement, certes elle transira de desplaisance. Las mort que ne me prenstu cōme luy. Et ainsi comme les cheualiers se lamentoiēt sur oliuier, l'Archeuesque turpin vint arriuer qui auoit la moitié de la teste emportée, & dit a Rolād Mon doux ami Roland venez moy aider s'il vous plaist. Incontinent qu'ils l'ouirent, roland & galien allerent vers luy & le descendirent de dessus son cheual, & le desarmerent le plus doucement qu'ils peurent. Et quand on lui osta le heaume de la teste, incontinent le sang & la ceruelle cheurent par terre du coup qu'il auoit receu. Ils le coucherent aupres d'oliuier. Quand il fut couché, il dit. Seigneurs prenez en patience ce mortel combrier : car ie suis seur & certain que le sauueur qui est là sus, nous prepare nos sieges. Et luy cognoissant qu'il estoit pres de sa fin, fit requeste à nostre seigneur, en disāt. O pere eternal qui estes là sus au haut trosne diuin, ie vo<sup>s</sup> supplie qu'ayez pitié des douze pairs de France, lesquels ont tousiours voulu exalter la sainte foy Catholique. Et en disant ces parolles il vint vne legion d'Ange qui emportoient en paradis les ames des chrestiens qui estoient trespassez. Puis le bon Archeuesque print trois poils d'herbe & les mit en sa bouche. Quand roland vit que le bon archeuesque Turbin estoit allé de vie a trespas, il se mit à plorer & en son cœur fut si courroucé que merueilles, & fit plusieurs gemissemēs & lamentations en eeste maniere. o faulxe mort despitueuse & fiere, qui suis ceux qui de viure sont las & ceux qui desirent viure tu les prens sans excepter vn eul. Que te profite la mort du bon archeuesque : certes rien, c'estoit le diament sacerdotal, le mirouer pastoral, & le soleil Ecclesiastique, & l'augmenteur de la sainte foy catholique.

*Comment Roland & Galien allerent mettre plusieurs Turcs à mort.*

**Chap. XXXV II.**

**G**Alien se tira à part vers vne roche, à laquelle il vit six payens qui les espioient, & il vint dire à Roland, Sire Roland, regardez six payēs qui



sont pres de ceste roche, ie vous prie que nous les alliõs mettre à mort. Et rolād luy dit que tres volontiers. Ils mōterent à cheual & coururēt sur les paiens, galien courroit deuant si fort qu'a merueilles. Le premier qu'il rencontra il lui donna tel coup de floberge, qu'il le fēdit iusques aux dents Il pourſuiuit si bien le secōd qu'il lui osta

la teste ius des espaules. Roland frapport de Durādal son espée par telle vertu, que tout ce qu'il ataignoit estre mis à mort, des six paiens, n'en eschappa qu'un qui se mit en fuitte, & galien le pourſuiuoit si roidement qu'il sēbloit la foudre, puis cria au paien ie te tueray en fuiāt Le payen ne se fust retourné pour tout l'or du monde. Quād galien vit qu'il fuiot touffours, il frappa sur luy en telle façon que floberge son espée rompit en deux parties. Quand galien veit que son espée estoit rōpue, il fut si desplaisant que merueilles, & dit A fortune, tu m'as esté auiourd'huy fort contraire, on dit en commun proverbe que iamais vne fortune ne vient seule, ainsi m'est il aduenu. Ainsi cōme l'enfant se complaignoit, il regarda coudre la terre, & vit vn espieu fort & pointu & tantost descend de dessus marcepin & le va empoigner, puis remōta vistement à cheual, & courut apres le payen par telle roideur que tātost il l'accōceut, & le frappa par derriere tel coup de l'espieu qu'il le tresperça d'outre en outre & cheut mort. Apres le coup fait, galien regarda derriere luy cuidant que roland le suiuit, mais point ne le vit, dont en son courage commença à blasmer roland, & dit ainsi. Sire, ce n'est pas la foy qu'avez promis à mon pere. Mais galien auoit tort de le blasmer, car deſſoubs luy fut tué Galatin. roland voiant que son cheual estoit mort, & aussi voyant que des douze pairs de France ny auoit plus que lui, print si grand desplaisance en son cœur qu'a peine se pouoit il soustenir, roland print durādal en sa main, & en la regardant lui sortoit grosse larmes des yeux, & commença à plaindre son espée en ceste maniere. ô durandal ma bonne espée, hélas, or il faut auiourd'huy que vous foyez separee d'auec moy, ô reparation de la sainte foy catholique, ô ennemie mortelle des infidelles, ie prie au redempteur Iesus que nul ne te puisse tenir s'il n'a intention d'exaucer la foy chrestienne comme i'ay fait, & de mettre payens à execution.

*Comme Roland estant ainsi desconforté vouloit rompre son espee contre vne roche,  
mais il fendit la roche, & comment Galien tua le payen.*

Chapitre. XXXVIII.



**A** Pres que le noble Roland eut fait plusieurs regrets a son espee, il vit vne roche aupres de luy, & cuidant rompre son espee il va frapper contre ladicte roche trois coups, mais du coup qu'il donna, il fendit la roche en deux parties. Quand roland vit qu'il n'auoit dommagé, s' espee & qu'il ne la pouuoit casser, il eut grand desplaisir en son cœur & luy ayant doutance qu'elle ne cheut entre les mains des mau-

ditz, il la ietta en la riuere, puis s'alla asseoir cōtre terre & fit plusieurs requestes à nostre seig. Galien pour suiuit le payen tant qu'il fut mort. Puis il retourna au lieu ou estoit roland & trouua que son cheual estoit mort sous luy. Et quand galien veit que roland estoit ainsi mal fortuné, il eut grand pitié en son cœur, & dit: Las sire roland, mal aduenrure nous a aujourd'huy courue quand vous auez perdu le meilleur cheual qui fut sur terre, & aussi esté rompuë foberge mon espee, mais il nous faut prendre en patience. Et ainsi comme galien parloit à roland, incontinent le noble duc va changer de couleur. Et quand galien vit que roland approchoit de sa fin, il luy pria qu'il luy donna durandal, & roland luy dit, trop tard auez parlé, car maintenant iel'ay ietee en ce ruisseau que vous voiez, & tantost galien descend de dessus s' espee & entra dedans ce ruisseau, cuidant trouuer l'espee, mais point ne la trouua, car le ruisseau estoit tant troublé du sang des morts qu'il estoit, que ce estoit pitié à voir, pource galien sortit hors du ruisseau, & s'en retourna vers roland, lequel estoit couché a terre roland voyant que pres estoit sa fin va faire vne priere à nostre seig. luy disant, iesus-christ fils de la vierge Marie, qui auez enduré la mort & passion en l'arbre de la croix pour nous racheter des peines infernales, ie vous supplie qu'aujourd'huy vous ayez pitié cōpassion de ma pauvre ame, & qu'il vous plaise de la mettre quand departira de mon corps en vostre sainte garde & prote&tiō, & qu'il vous plaise de donner grace à mon oncle charlemagne & a Galien qu'ils puissent venger la

mort des nobles Barons de France. Helas mon Dieu, vous sçavez que point ie ne meurs par coups que i'aye receu, mais ie meurs de la pitié que ie voy de tant de chrestiens qui ont esté mis à mort ainsi faussement & desloyallemēt pour tant mon Dieu ie vous requiers d'auoir pitié de leurs pauvres ames, et incontinent que le noble roland eut acheué son oraison, il fist le signe de la croix en joignant les mains vers le ciel : & puis esté dit ses bras en croix dessus son noble corps & renuerfases yeux en haut, & rendit l'esprit à nostr seigneur. Quand galien vit que roland estoit mort, il le print à plorer de la pitié qu'il auoit, puis il print le corps de Roland & le va mettre au milieu d'oliuier & de l'archeuesque Turpin, lesquels estoient estendus sur la terre contre vne roche. Et quan i galien veit qu'il estoit demeuré tout seul, & qu'il n'auoit point de baston pour se deffendre, il alla au costé de son pere oliuier, & print son espee Hauteclere, & en ladeceignant dit, ô hauteclere bonne espee ennemie mortelle des payens, ie te prie qu'auant que ie meure tu m'aides à venger la mort de mon pere ton feu maistre, & qu'il te plaise de faire telle descendance de ces maudits payens qu'il soit memoire de roy au temps aduenir. Puis la ceignit à son costé & print l'escu de son pere, & le mit deuant luy. Et quand il fut adoubé il regarda les morts, puis d'un costé, puis d'autre, il demeura toute la nuit à roncevaux disant en son courage qu'il garderoit les chrestiens morts, afin que les bestes sauuages ne les deuorassent, & quand il eut assez regardé, il aduisa les cheuaux destrespassez qui trainoient les resnes des brides, de laquelle chose il eut pitié en son cœur, & tantost les alla oster afin qu'ils peussent pasturer l'herbe pour leur nourriture.

*Comment Galien tua vn payen qui venoit chercher l'espee de Roland & comment il vainquit le Griffon. Chapitre. XXXIX,*



Environ la nuit print sommeil à Galien, à cause du travail de la pesanceur de la nuit, & se coucha auprès de son pere & la lendemain dormit. Et tantost qu'il fut endormy il vint vn païen au lieu ou estoit couché roland oliuier, l'archeuesque Turpin, & galien lequel queroit leur espees, & vint à roland & le tournoit & retournoit cuidant trouuer Durandal son espee, il n'auoit



garde de la trouuer, car il auoit iettée au ruisseau comme dit est deuât. Quand le païen vit qu'il ne la trouua point il guida perdre le sens. D'aduerture galien s'esueilla & vit le païen qui estoit pres de luy, & va crier à haute voix. Que fait tu la païen: & le païen entendit galien & luy dit, ie cherche Durandal l'espee de roland, pour la porter au roi marsille: car il m'a promis de me donner la terre d'oger le dannois si ie la luy porte, & la niece du roy Pinard. Et quand il entendit ainsi parler le païen, il commença à rire de la folie du païen & luy va dire, durandal est perduë, mais tu luy porteras celle d'oliuier qui vaut ton pesant don. Galien va viftement mettre la main à hauteclere & en donna tel coup au païen sur la teste iusques aux dents, & luy dit payen, par la foy que ie dois à nostre seigneur, au iourd'huy tu m'aideras à garder mes parens. Galien iura que toute la nuit il ne dormiroit du grand desplaisir qu'il auoit de ce que le païen queroit durandal. Il regarda de costé & vit vn arbre qui estoit pres de luy, il s'en alla appuyer contre, & regarda d'vn costé & d'autre, & tantost vit venir vn grand griffon qui s'en vint cõtre besangier, & luy déchira tout son harnois, cuidant emporter le corps du noble Baron à ses petits griffons, mais galien voiant ainsi deschirer le harnois du noble besangier fut bien mary en son cœur, & le commença à iniurier, & dir ô fauce beste de putaire pourquoy n'as tu prins ta refection au corps des maudits païens, non pas la venir prendre aux corps de ces nobles François qui sont chrestiens, & reprenoit le griffon comme s'il eust euentendement humain: il luy donna tel coup, qu'il luy abbatit la teste: puis retira son coup, & luy couppa vne des iambes. Quand il eut conqueste le griffon, il passa le temps iusques au iour à le regarder.

*Comment charlemagne entra en ronceanux cuidant venir au secours des  
doux pairs: et comment il les trouua tous morts, dont  
il fit maintes pleurs et lamentations.*

Chapitre. XL.

**D**Es lors que le roy charlemagne eut ouy les nouuelles de godefroy de Billon il fist mettre les gens par ordonnance, ainsi comme il est de coustume en effects de guerre charlemagne entra en ronceanux, cuidant trouuer son nepueu roland: mais quand il appercent tant de morts de costé & d'autre à peine qu'il ne cheut pasmé par terre & tantost commença à crier à haute voix. Las qui me pourra dire nouuelles de mon nepueu roland & des autres Pairs de France: Orcognois ie bien maintenãt qu'ils sont tous morts & desconfits. Et incontinent tous les nobles barons, gentils homes & autres gens cogneurent leurs parens qui estoient morts, dont furent faites les pleurs, pi-

teux regrets & lamentations, qu'il n'est l'âgue humaine, qui le peut raconter. Ainsi que charlemagne crioit a haute voix roland, Galien qui estoit en l'auant garde entendit le bruit qui se faisoit, il commença à penser en soy mesme que c'estoient les payens qui venoient, & cherchoient les Pairs de France, & qu'ils vouloient emmener les corps en leurs pays. Et incontinent monta dessus Marcepin, & pendit à son col l'escu de son pere, lequel estoit pesant puis il print vn elpieu gros & quaré, & incontinēt se tira droit la ou il ouyt le bruit, & quand il vit les croix d'or flamboier, il cogneut que c'estoient François. il tira droit à eux, & vint au milieu ou estoit charlemagne qui reçeut la salutation de galien, & luy estant affectionné de sçauoir des nouvelles de son nepueu roland, luy dit Cheualier ie vous prie que point ne me celez, si vous me sçauriez dire nouvelles de roland mon neueu. & d'oliuier, & aussi des autres pairs. A laquelle demande galien va repondre, Sire Empereur, pour dieu ayez patience, prenez en gré ceste mal aduenture: car roland est mort & mon pere Oliuier, & tous les François, il n'est demeuré que moy seul.

Quand charlemagne entendit que son neueu Roland & Oliuier & tous les Pairs de france estoient morts: il commença à faire tels cris, regrets & lamentations pitoyables qu'il n'est possible à corps humain de le pouuoir croire. Il desrompit son harnois, & se tiroit la barbe & les cheveux du grand despit qu'il auoit en son cœur. Nul ne le pouuoit appaiser. Et de la grâd douleur & detresse qu'il auoit en son cœur, il se passa par plusieurs fois. Apres que le noble charlemagne fut hors de pasmoison, il commença à appeller Galien: Cheualier, ie te supplie au nom du benoist Sauueur & redēpteur iesus Christ que si tu sçais le lieu ou la place ou est le corps de mon nepueu roland & d'oliuier & des autres Pairs, que me les monstre, afin que ie les face sepulterer leurs nobles corps, ainsi comme bien à eux appartient. Galien luy dit que tres volontiers le feroit, que bien sçauoit la ou ils estoient. incontinēt il le mena ou estoit l'auantgarde auprès d'une roche & l'a estoient les nobles corps couchés les vns pres des autres. Orpensez quels pleurs & lamentations furent faicts & principalement de charlemagne, quand il vit son nepueu estandu mort sur l'herbe, ayant ses nobles bras en croix. Pensez qu'elle douleur son cœur enduroit veu & considéré qu'il voit son propre sang ainsi piteusement accoustré: & aussi qu'il cognoissoit que toute la fleur de noblesse de France estoit perduë. Luy estant en ceste douleur & tristesse, cōmença à crier a haute voix & dire piteusement ô fleur de cheualerie, le plus noble des nobles, le plus beau des plus preux & hardy de tous les vians. Toy qui estois augmentation de toute chrestienté. Toy qui estois ennemy mortel des infidelles, toi qui estois hebergemēt des pauvres. Helas ores tu es mort ô trescruelle mort qu'el desplaisir t'auoit fait le noble corps, qui tant aimoit l'exaucement de

la foy Chrestienne : certe il te proceded vn faux & desloial courage. Et en disant ces parolles ou semblables, alla embrasser Roland, en le baisant mout piteusement.

*Comment apres que Charlemagne eut fait maints pleurs et lamentations de Roland son neveu, s'approcha le traistye Ganelon et se vint laisser cheoir dessus le noble Roland, faisant fiction d'estre desplaisant de sa mort, afin qu'il trouuast facon d'eschapper. Chap. XLII.*

**S**tost que Galien eut monstre à charlemagne roland & les autres pairs de France, le traistre Ganelon se laissa incontinent cheoir dessus le corps de roland, faisant fiction d'estre courroucé de sa mort mais il ne le faisoit qu'afin qu'on ne s'apperceust de sa trahison. Il fist plusieurs regrets en ceste maniere. O maudits mefcreas que vous auoit fait mon loyal amy roland, qui estoit le plus preux des preux. Helas si i'eusse sen ceste male fortune, ie me fusse fait mettre en mille pieces pour garantir vostre mort. Las i'ay perdu le meilleur amy que i'eusse en ce monde & en disant desrompoit son harnois deuant toy mais il disoit en son cœur. Or pleust à dieu que les payens t'eussent escorché tout vif, & puis apres pendu comme vn larron, charlemagne est bien fol de penser que ie face ce dueil à bon escient. Tous les princes & barons estoient esbahis des regrets que faisoit le traistre ganelon. Galien voyât la desloyauté de luy commença a dire a haute voix. Sire Empereur qu'attendez vous tant que ne faictes mourir ce traistre, ne cognoissez vous pas que tout ce qu'il faict ce n'est que par fiction. Croiez qu'il a vendu les douze Pairs au roy Marseille, & en a reçu de grand somme de deniers. Je vous iure que si vous n'en faictes autre chose que moy meisme luy osteray la teste de dessus les espaules. Quand charlemagne entendit ainsi parler galien, il fist prédre le traistre Ganelon, & ne le voulut pas faire mourir pour l'heure : mais dit qu'il en seroit faire iustice selon le cas qu'il auoit desferuy. Il fut baillé en garde, mais nonobstant il trouua facon d'eschapper, car il auoit fait fer rer son cheual le deuant derriere, & eschappa de ceste mort, mais apres ce il fut mis en piteuse fin, comme plus a plein sera parlé. Grands pleurs & cris furent faicts tant de charlemagne que des autres barons, & principalement c'estoit chose trespiteuse de voir plorer galien, regrettant & plorant la mort de son pere Oliuier, charlemagne luy dit. Tres cher cheualier ie vous prie laissez vostre dueil, car vos pleurs ne les miennes ne nous recourons nostre perte, mais s'il plaist à Dieu ie feray faire vn monastere de saint Marcel, auquel ie fonderay cent moines, lesquels prieront tous les iours pour leurs ames, & les feray tous sepulcrer, ainsi qu'il leur appartient. Il fit prendre les corps des Barons, & les

fit embausmer mout honorablement. Et fit faire leurs obseques, comme il est de coustume de faire en tel cas.

Incontinent que charlemagne eut faict ensepulturer le corps des douze pairs, il se mit en chemin pour retourner en france, & appella galien, & luy dit, cheualier, si vous voulez venir avec moy en france, ie vous doneray tât de terres, que iamais vous n'aurez que faire de conquerre, & vous seray mô principal gouuerneur de tout mon royaume. A laquelle demâde galien respondit honnestement, en disant. Sire empereur, dieu vous rende le bien que vous me presentez le vous prio qu'il vous plaise me pardonner, car i'ay faict vœu à Dieu que iamais ne cesseray que ie n'aye vengé la mort de mon pere, & qu'a Belligant ie n'aye traché la teste & le roy Marsille mis à piteuse fin. Et si c'est vostre plaisir faictes moy deliurer tant de gens que ie puisse passer par Espagnes. Et incontinent qu'il eut ces parolles prononcées, s'en vint Hernaud de bellande, & girard de vienne, qui lui vont presenter chacun trois milles hommes, en lui disant. Beau-neveu, nous faisons serment que iamais ne vous faudront tant que nous ayons les vies es corps, galien les remercia grandement. Charlemagne faisoit de grands pleurs & gemissement pour sô neveu roland: & pour les autres pairs. Galien le regardoit & luy va dire. Sire il me semble qu'hôme sage quand il cognost qu'il ne peut recouurer sa perte ne se doit ainsi descôforter, mais doit prendre courage, & remercier nostre seigneur de sa fortune, croiez sire, que nostre seigneur vous sçaura meilleur gré de venger la mort de ces nobles Barons. Et incontinent charlemagne fit preparer dix milles hommes, lesquels il bailla à Galien, & luy bailla vne grand somme de deniers, puis print congé de Galien.

*Comme Galien print congé de Charlemagne & alla en Espagne trouuer le roy Marsille accompagné de deux de ses oncles, Girard et Hernaud.*

Chap. XLII.

**G**Alien print congé de charlemagne, & le remercia grandement destre-fors qu'il luy auoit donné: mais auant le departement Girard de Viennois avec les deux fils, Beunes & Sauarry, & le hardy combatant Hernaud de bellande, luy promirent leur foy & loiauté que tant qu'ils viuroient ne luy feroient defaillans & meneront avec eux dix mille cheualiers bons combattans, lesquels luy promirent bonne fidelité. Galien fit preparer son bagage mout honorablement, puis monta dessus Marcepin son bon cheual il pendit à son col l'escu de son pere oliuier, puis a tiré son espée Hauteclere, & trois fois baïsa la croix, reuerant nostre seigneur qu'il luy pleust de lui donner grace de venger la mort de mon pere, de roland & des autres pairs, puis

, Haute clere bonne espee moy indigne de te porter, ie te prie qu'auant  
 e tu sois separée de moy que tu exauces la sainte foy chrestienne comme  
 as faict estant en la main de mon pere oliuier. Puis la baissa derechef, & la  
 x en son fourreau. Girard & Hernaud, voyant le vouloir de Galien estoit  
 s esmerueillez de sa prudence & hardiesse. Et sans faire seiour le viennēt  
 brasser, & baiser en plorant mout tendrement, en lui disant, beau neueu  
 as auons esperance à l'aide de Iesus-christ & de vous, que nous ferons tel-  
 e desconfiture que nous vengerons la mort de nos parens. Incontinēt on fit  
 ner trompettes & buclnes, & se mirent en chemin vers Espagne, & qui  
 eul l'enfant galien iamaïs homme ne l'eust hay. Alors grands pleurs &  
 de la cour de charlemagne furent faicts pour le departement de galien,  
 vns disoient qu'il estoit le plus bel enfant de tout le monde. Le noble &  
 dy galien & son bagage exploiterent tant qu'ils arriuerent en espagne de-  
 Mont-fuseau vne mout belle ville, laquelle estoit fermée de murailles  
 auoit trois toises d'espeueur. Dedans icelle estoit la belle guinarde fille  
 oi Marfille, & niece de Belligāt, elle estoit accōpagnée de plusieurs païs  
 & merueilleux, lesquels la gardoient iour & nuict. Apres que Galien  
 passē outre les Espagnes, qui fut vers Mont fuseau il haussa son heaume  
 onstra les forterefes à Girard de vienne & a hernaud de bellande & leur  
 seigneurs que vous semble de ceste ville, Certes dit Gerard, il semble  
 ce soit chose impossible à la prendre, or prenons courage dit Galien, ie  
 s assure si vo' me voulez croire qu'en peu d'heure nous la conquererōs  
 il faut premieremēt ordonner nos batailles en bonne ordonnance, car  
 s sommes peu de gens. Galien ordonna cinq batailles desquelles il fut le  
 nier gouverneur avec trois milles hommes. De la seconde bataille fut  
 arneur girard de vienne avec trois autres mille hommes. De la tierce  
 ouverneur Hernaud de Bellande, & mena avec luy deux mille hommes  
 a quarte & quintes, furent gouverneur Beuves & Sauari, avec chacun  
 e hommes, lesquels nous viendront costoir. Apres que galien eut or-  
 né ses batailles, & que chacun fut monté à cheual la lance au poing. Gā-  
 regarda vn petit bosquet & vit cinq mille Sarrazins que Belligāt en-  
 it au roy Marfille pour aller au deuant de charlemagne qui s'en retour-  
 Le conducteur de ces Sarrazins estoit appellé Mauprin. Galien les mon-  
 Girard & à Hernaud & leur dit Beaux oncles regardez que de gens pres  
 stui bosquet: ie veux aller scauoir quels gens ce sont. Incōtinēt il pic-  
 Marcepin, & mit la lance en arrest, & cheuaucha tout droict à eux & les  
 na qu'ils faisoient leurs repas. Incontinēt Galien appella ses gens & leur  
 seigneurs qui aura appetit de manger maintenant en peut auoir. Il nō  
 faire la desconfiture de ces Sarrazins. Quand Galien eut donné courage

à ses gens, il se mit en bataille par telle façon qu'il faisoit telle descōsiture que c'estoit merveille, Girard & Hernaud firent telles chapplaiſon qu'ils abbatoiēt Sarrazins par terre, tellement qu'ils les mirēt tous a mort, excepté Mauprin qui s'enfuoit parmy le bois, mais Galien le pourſuiuit ſi viſtemēt, qu'il l'apperceut & luy dit, payen, ce ſera honte à toy ſi tu te laiffes tuer en fuyant. Et quand Marcepin entendit ainſi parler Galien, & qu'il apperceuſt qu'il eſtoit tout ſeul, incontinent il ſe retourna vers Galien, & luy dit ainſi, chreſtien tu es bien hardy de me pourſuiure tout ſeul: car ie te iure mon dieu Mahō, que ie te preſenteray au roy Marſille. Et apres pluſieurs parolles diſtes, il cōmencerent à picquer leurs cheuaux, & mirent leur lances en l'arrest, & ſe donnētels coups que les deux champiōs chancelerent longuement ſur leurs cheuaux, & du coup que Mauprin frappa Galien, ſa lance rompit, & la fit voler en l'air par pieces. Mais galien le frappa par telle faſō qu'il le fiſt tresbucher de deſſus ſon cheual. Puis il tira ſon eſpée Hauteclere & luy voulut couper la teſte. Et quād le paien ſevit ainſi mal mené, il ſ'eſcria en telle maniere & dit, gentil cheualier, ie te prie ſauue moy la vie, & ie te promets de te mōſtrer choſes dont tu pourros grandement profiter. Galiē dit ie le feray volōtiers, car il penſa à ſoy meſme que l'homme doit aller à paupreté qui reſuſe ſon profit à ſon eſciant, & ce pendant que les deux champiōs eſtoiēt en bataille Girard & hernaud, Beuves & Sauary prindrēt leur reſectiō de la viande que les Sarrazins auoient pris pour eux.

*Comment Galien print Mauprin qui s'enfuoit & comment Mauprin luy promit de luy monſtrer choſes, dont il luy en viendroīt grand profit.*

Chap. XLVIII.



**P**Ayen ſi tu me diſ le profit que ie dois auoir ie ne te ferai nul mal. Et mauprin dit, regarde, voila vn chasteau le plus fort du mōde il y a des viures pour deux ans, Guinarde fille du roi marſille eſt dedās, ie vous en feray eſtre maître gouuerneur, & me feray baptiſer. Galiē lui dit qu'il le feroit gouuerneur de ſon oſt. mauprin lui promiſt la foy, puis galien le mena parmy le bois ou eſtoient ſes gēs, leſquels

trouua pernant leurs refection des viures des sarrazins qu'ils auoient occis  
 and Sauary vit galien qui amenoit Mauprin il commença à crier a haute  
 ix, chrestien ou menez vous cestuy sarrazin, il semble mieux diable qu'hô  
 e. Certes dit galien, il ma promis la foy qu'il me feroit entrer dedās ce cha-  
 au que vous voyez la dessus. il y a des viures pour deux ans, & est dedās la  
 e du roy Marsille niece de Belligant. Ma foy dit sauary, ce n'est que pour  
 uer sa vie, il est bien fol qui se fiera en luy. Sauary appella mauprin, & luy  
 ie te prie que tu ne me celle point ton nom, ne la cōtree dont tu es. Cer-  
 dit Mauprin ie suis né de Turquie, il y a plus dedix ans, que ie croy en vo-  
 e dieu, & si ne suis pas baptisé, mais'ay grand vouloir de l'estre. Et cepen-  
 nt que sauary parloit à Mauprin, galien tourna le visagedeuers Mont-fu-  
 u, & luy vint vne clarté sur la teste, qu'a peine pouuoit il voir la ville.


*Comment Mauprin monstra à Galien le chasteau de Mont-fuscau, & luy denisa de la  
 beauté de la belle Guinarde fille du Roy Marsille.*

*Chapitre. XLIII.*

**A** Pres que galien eut veu ceste clarté, il appella mauprin, & luy demanda  
 que c'estoit qui rédoit si grād clarte en la ville. Certes dit mauprin c'est  
 e scarboucle qui est posée dessus vn pillier d'or, & est assis ledit pillier au  
 haut du chasteau & vaut ladite e scarboucle plus qu'un royaume. Quād  
 en l'entendit, il fut mout ioyeux, & dit à ses oncles, Seigneurs, ie vous  
 que nous soyons allentis d'aller en ce chasteau, car si nous le pouuons  
 ndre, grand honneur en auront. Si nous le prenons ie ne le donnerois pas  
 tout l'or de paris, & aussi pour la fille du roy Marsille qu'on dit qui est si  
 e. Je vous iure ma foy que iamais n'en departiray que le chasteau ne soit  
 questé, à quoy luy accorderent toutes ses gens, & luy promirent que ia-  
 ne luy fandroient. Adonc dit Mauprin, Seigneurs, ne pensez pas que  
 ie le preniez par force ne par cautelle, car si tout l'ost de charlemagne e-  
 deuant, vous ne le prendrez pas en deux ans. Amy dit Galien, dy nous  
 ment nous le pourrions prendre, certes dit Mauprin, il y a vn petit bois  
 du chasteau, vous y lairrez vos gens embuchez. Et vo' & moy avec qua-  
 des autres iront secrettement à la porte du chasteau, & l'appelleray le  
 er en grec: car ie l'ay autre fois apprins, & diray que Belligād m'enuoye  
 guinarde luy faire vn message. Et quand ie seray dedās la porte sonnez  
 e cor, à fin que vos gens puissent entrer. Adonc Sauary commença à  
 r, & dit, Maudit soit il qui se fiera en toy. Alors galien dit, certes ie my  
 n, veu qu'il ma promis sa foy, car ie croy fermement que iamais ne par-  
 it ses dieux. Non ce dit Sauary non plus que si vn chieüenoit vne pic-

ce de mout on ne la daigneroit mager. Galien iura qu'il se fieroit en luy. il se mit en chemin pour aller droit au chasteau, & ordonna ses gens ainsi qu'il se auoit faire, & les mist en embusche dedans ledit bois & fist comme mau-  
 prin luy auoit dit. Amy dit galien, or allons faire nostre entreprinse. Volon-  
 tiers dit Mauprin, & s'en vint tout droit arriuer à la maistresse porte du cha-  
 steau, & tantost mauprin appella le portier en grec, & luy dit qu'il estoit mes-  
 sager de belligand & qu'il apportoit lettres secretes à la belle guinarde sa  
 niece, & qu'il amenoit quarante des meilleurs cheualiers du monde que Bel-  
 ligand luy enuoyoit pour la garder des françois. Le portier qui estoit appellé  
 Durgand, dit que tresvolontiers il entreroit: mais que les quarante cheualiers  
 n'entreroient pas iusques il auroit porté les lettres à Guinarde, par quoy demeu-  
 ra Mauprin avec les françois.

*Comment Galien entra dedans le chasteau de Mont fufean, et tous ses gens, et  
 comment il trouua la belle Guinarde. Chapitre. XLV.*



**D** Vrgand le portier annonça  
 à Guinarde comment bel-  
 ligand luy enuoyoit quarante des  
 plus forts cheualiers qu'il eut pour  
 le garder. Quand elle ouyt les nou-  
 uelles, commanda que les portes  
 fussent incontinent ouuertes, &  
 qu'on les fist entrer dedans. Le  
 portier fit diligēce que gui-  
 narde auoit commandé & tātost  
 les fist entrer. Galien entra tout  
 le premier & puis incōtinēt les au-  
 pres quarante, puis corna son cor,  
 & tantost ceux qui estoient em-  
 buschez dedans le bois arriuerēt  
 à point de cheual & entrerēt de-

dans. L'assaut fut incontinent crié parmy le chasteau, Galien faisoit la plus  
 grand desconfiture des payens, quenul ne s'osoit tourner deuant luy. Tout  
 droit monta en la chambre de la belle guinarde, ou il trouua des payens qui  
 iouoient aux eschets, lesquels estoient tous vestus de peaux de martres. Quand  
 galien les vit, il haussa haute clere, & le premier qu'il récontra le fedit iusq-  
 aux espaulles. Puis à vn autre couppa le bras, & frapport sur les payes, girard  
 & hermant n'en faisoient pas moins, Beunes & Sauarry estoient aux basses  
 cours



cours pour garder que nul n'eschapaſt. Pluſieurs des payens ſe iettoient des fenestres en bas, curant ſauuer leur vies. Les autres dedans les fossez estoient tous morts & meurtris deuant qu'ils fuſſent au fond. La belle guinarde voiant la deſconfiture de ſes gens, incontinent elle appella mauprin & tâtost luy dit Mauprin pour quoy m'auez vous ainſi trahie. Et il reſpondit, Dame prenez pitié de moy, ie vo' iure qu'il y a deux iours que ie menoye de par voſtre oncle Belligand cinq mille Turcs, leſquels il enuioit à voſtre père le roy marſille, mais ainſi que fuſmes embuſchez dedans vn bois pour prendre noſtre reſedion, ce ieune cheualier mit les cinq mille à mort. Et moy cuidant ſauuer ma vie m'enſuis: mais par telle façon me pourſuiuit que force me fuſt de me rendre à luy, car il me vouloit coupper la teſte, adonc ie luy promis que s'il me ſauuoit la vie, que ie le ferois entrer dedans ceſtuy chasteau, & que ie l'en feroye maistre & gouuerneur, & que ie me feray baptiſer, & croiray en ſon Dieu. Parquoy madame l'ayme beaucoup mieux que tous les payens ſoyent morts que moy. Quand guinarde entedit ainſi parler mauprin, elle ne ſceut plus que dire, ſinon qu'elle dit en ceſte maniere. Mauprin, or me dites donc ſans faillir le nom du cheualier, ie vous le diray puis qu'il vous plaist de le ſcavoir, ie l'ay pluſieurs fois ouy appeller galien l'un des preux & vaillans cheualiers du monde. Incontinent que guinarde entendit nommer galien elle changea de couleur, & dit à mauprin. Par la foy que ie doy à nos dieux c'eſt le cheualier que i'ay tant ouy louer. C'eſt celuy qui couppa la teſte à malatru, celuy qui ietta mon oncle le roy Pinard en la riuiere, leſquels on tenoit le plus fort de tout le monde. mais par la foy que ie doy à nos dieux, puis qu'il eſt ſi puissant, ſi beau & ſi honorable cheualier, ie luy veux dōner m'amour, & ſi te promets, mauprin, que ie me feray baptiſer, & ſi tiendray la foy de ieſus chriſt en laquelle il croit: car ie cognois maintenant que la noſtre ne vaut rien. Eme, qui eſtoit la preſent oyant les parolles de guinarde dit, certes dame bien al'heureux ſeroit l'homme qui reſuſoit ſi beau don, veu que telle Dame reine de beaulté & honneſteté offre ſon amour ſi amiablement.

*Comment la belle Guinarde eſtant à deux genoux ſalua Galien, & comment elle ſe voulut faire chreſtienne. Chapitre. XLVI.*

Oyant guinarde que tout le bruiſt eſtoit appaiſé, s'en vint mout honorablement ſaluer les barons, en leur diſant, Salut & honneur ſoit donné aux nobles cheualiers. Apres la ſalutation faicte, commença à dire, seigneurs, il eſt vray que maintenant ſuis en voſtre ſubiedion, parquoy je prie à tous que me veuillez garder de mal & d'encōbre. il eſt vray que vous euez yn ieune cheualier en voſtre cōpagnie, le quel ny eſt pas, mais volontiers.



le verroye : en disât ces paroles galien arriua : qui descêdit de la maistresse tour il saluagui narde le plus honnestement qu'il peut, luy disant, Dieu le createur qui le monde forma, sans & garde la belle guinarde elle se ietta à genoux deuant galien, en luy disant, Cheualier, bien soyez venu, nonobstant que point ne dois estre ioyeu de vous voir: car long

temps à que m'auez cher cousté, quand auez mis a mort mon propre frere Malatru, & mon oncle le roy Pinard, & plusieurs autres de mes parens & amis mais de tout ce ie vous pardonne. Galien humblemēt la remercia. Puis derechef dit Guinarde, cheualier, croyez fermement que long temps à que i'ay grand desir de croire en vostre dieu, & de me faire baptiser, pourtant si ainsi est que me vueillez promettefoy & loyauté de mariage, ie vous donneray m'amour & vous feray couronner roy d'un royaume. Le petit Emery oiant l'amia bilité de guinarde, dit: Cortes ma Dame, s'il refusoit ce presēt que vous luy offrez, ie luy conseilleroye qu'ils s'en allaist rendre moyne en quelque couuent. Et cependant qu'ils deuisoient, vn Turc s'estoit embusché en vn lieu secret, & alla annoncer aux payens ce qu'il leur estoit aduenue. Incōtinent trois milles payens vindrent au secours: mais durgant le portier s'estoit desia tourné a la foy de iesus christ, & luy, voiant les payens venir, va crier à hautes voix, seigneurs françois, maintenant est venuē l'heure qu'il se faut deffendre. Galie oiant les nouuelles mit ses gēs en ordre le mieux qu'il peut. Et laissa girard pour garder guinarde en la maistresse tour, & Beuues & Sauarry pour garder les basses cours & pont leuis. Lui Hernaud de Bellāde sortirent tous hors du chasteau, & semit galien le premier en voye, puis brocha Marcepin, & mist la lance en arrest, par grand fierté & courage s'en alla frapper au milieu des paiens, & vint rencōttr vn Turc appellé Truffier l'un des forts & merueilleux turcs qu'on eust sçeut trouuer en toute la Turquie & le frappa roidement que le fer & le fast de la lance lui transperça parmy le corps, & cheut mort par terre Et puis retira son coup, & en frappa vn autre si fierement qu'il fit tomber homme & cheual par terre, & du coup rompit sa lance. De rechef mit la main à haute clere, & en faisoit telle descōfiture qu'il n'y auoit païen qui l'osast attendre, Hernaud de bellāde le suiuoit de pres & pensez que dien si emploioit. Que vous diray- ie plus les deux cheualiers si-

ent telle deconfiture de ces maudits païs, que de trois milles n'en eschap-  
pas vn. Apres ceste deconfiture Galien fit sonner la retraite, & retourne-  
re au chasteau, auquel furent receus mout honorablement, & speciallemēt  
alien de la belle guinarde. Viādes furent preparées tables furēt mises, bons  
ns de toutes sortes, les cheuaux furent mis és estables & bien pensez. Apres  
refections faictes, bonnes couchés furent preparées & se reposerent no-  
es barons à leurs bonnes volonte & plassirs. Galien eut la belle Guinarde  
uchée apres de luy, dōt il en pouuoit faire à son plaisir.  
Nous vous laisserons à parler de galien, qui est dedans Monfuseau & par-  
ōs de Charlemagne qui estoit en Ronceuaux, lequel faisoit maintes  
urs & lamentations piroyables des douze pairs de Franc e.

*Comme le roy Marsille mena trente mille payens en Ronceuaux, cuidant de confire  
le roy Charlemagne & comment ils iousterent l'un contre l'autre.*

Chap. XLXII.



**A** Pres que galien eut pris  
congé de Charlemagne,  
le roy marsille ouit les nou-  
uelles que ledit charlemagne  
estoit venu au secours des  
douze pairs il fit sonner ses  
corps & buscines, pour aller  
en Ronceuaux, & mena avec  
luy trente mille combatans  
des meilleurs qu'il peut trou-  
uer en tout son pais, cuidant  
faire la deconfiture des Frā-  
Il mit les batailles en ordre puis se mit en chemin, & tant exploita qu'il  
a à ronceuaux Luy cognoissant que charlemagne y estoit, commença à  
à haute voix. Ou estu charlemagne, vieillard rassorté, laisse tes pleurs &  
ntations, & viens iouster contre moy, que maudite soit l'heure que ia-  
e rencontray le traistre Ganelon, lequel m'a fait couster tant d'argēt  
a trahison qu'il a faicte, car i'en ay la plus grād perte deuers moy: mais  
ant laisse les morts & viens parler aux vius: car i'ay volōté de te mettre  
stant le roy charlemagne en l'auant garde des douze pairs. Las neueu  
d, n'entens tu pas ce faux & desloyal traistre qui me menace ainsi. Si  
orté estoit charlemagne qu'il lui estoit aduis que roland le deuoit ve-  
ourir mais i'estoit bien loing de ce qu'il pensoit. Derechef marsille

l'appella, disant, Vieillard plein de folies, penſes tu que les morts te puiſſent aider : viens toſt mōſtrer ta puiſſance. Apres ces parolles dictes, Charlemagne entra dedans ſon pauillon & ſe fit armer. Puis veſtit vn aubert, l'un des plus acéré du monde, & mit ſon heaume viennois, & commença à froncer ſa face ſi merueilleuſemēt du deſplaiſir qu'il auoit, qu'il ny auoit hōme deuant lui qu'il n'eut peur de le regarder: puis il pendit à ſon col vn eſcu mout peſāt, & ceignit ſon eſpee loyeuſe, & print en ſa main vn eſpieu carré, puis monta deſſus le plus bon cheual qui fuſt en toute ſon armée, & picqua ſi roidement des eſperons que le cheual fiſt vn ſaut en l'air pres de trente pieds de lōg, de quoy les batons furent tous eſbahis. Ils'en alla tout droict ou eſtoit marſille, & lui donna tel coup ſur ſon haubert que ſon eſpieu ſe rōpit en pluſieurs pieces. Quād charlemagne vit que ſon eſpieu eſtoit rompu, & qu'il ne l'auoit nullement dōmagē, il fut bien courroucé en ſon cōeur. Il mit la main à ioieufe ſon eſpee, & la hauſſa par telle fierté & frappa marſille deſſus le heaume & lui donna tel coup que les pierres & les fleurs ſit voller par terre, & le coup deſcendit deſſus ſon eſcu, & le mit en deux pieces, & lui couppa la main ſe-neſtre du coup, mais elle eſtoit de fin acier, car roland lui auoit coupée. Quand charlemagne vit que nullemēt ne le pouuoit greuer, il hauſſa ioieuſe ſon eſpē, & lui en donna tel coup, qu'il lui couppa vne partie de l'eſpaule ſe-neſtre. Quand le roi marſille ſe ſentit nauré, du grand deſplaiſir qu'il eut ſe laiſſa cheoir de deſſus ſon cheual, & ſe paſm, cōme ſ'il fuſt mort. En cheāt il fit vn cry ſi terrible & eſpouuentable, qu'il fut ouy d'une lieuē loing. Et incontinent dix mille payens y arriuerent pour le ſecourir, & quand ils furent arriuez, il y eut ſi fiere bataille, qu'ils tuerent le cheual de charlemagne deſſoubz luy, mais charlemagne ſe deſſendoit ſi merueilleuſement, & ſi courageuſement, qu'il n'y auoit ſi fort, ne ſi puiſſant payen, qui oſaſt approcher de luy, mais nonobſtant ſa grande & merueilleuſe deſſèce, il ne fuſt iamais reſchappé, ſi ce n'eut eſté qu'il cria a haute voix, Mont ioie ſainct Denis. Il fut ſi eſpouuēté qu'il ne ſçauoit de quel coſté ſe iourner, c'eſtoit choſe moute merueilleuſe, le quel cry entēdit Naymes de Bauiere, & Oger le dannois, lequel le vindrent ſecourir & firent tant les deux barons que charlemagne fut remonté ſur vn autre cheual. Et luy remōté faiſoit telle deſcōſiture des paiēs que nul ne s'oſoit trouuer deuant luy. De ceſtui premieraſſaut moururēt biē mille paiēs. Quād le roi marſille ſe vit ainſi mené, il corna ſon cor & tant oſt arriuerent vers luy vingt mille cheualiers payens, auxquels marſille dit, Seigneurs payens, vous voyez comment ce faux vieillard nous va dommagēāt, à nous ſera honte ſi ne le mettrons a mort, car nous ſommes deux fois plus qu'ils ne ſont. Cela dit Marſille va ferir ſur vn françois de ſa main dextre ſur le heaume, tāt qu'il le fendit iuſques aux eſpaules, & cheut tout mort. Voiāc

Charlemagne le coup qu'auoit fait marfille, fut mout courroucé, il se tira  
 roït vers vn païen, lequel tenoit vn efpieu, & viftement des mains luy ar-  
 acha, & vint à marfille, & se donnerent de merueilleux coups, mais nulle-  
 ment ne se dômagèrent. L'efpieu de charles se rôpit en deux pieces, dont fut  
 ort courroucé, viftemēt hauffa ioyeufe, & tel coup dôna à Marfille, qu'il luy  
 bbatit l'oreille fenestre, & vne partiede la iouë. Duquel coup cheut marfille  
 ar terre. Et charle lui cuida couper la tefte, mais viftement fut fecouru &  
 emonté. Incontinent marfille fit sonner la retraite, & se mit en fuite.

*Comme Belligant alla en Roncevaux accompagné de plusieurs Rois, Turcs, cuidans  
 desconfire Charlemagne. Chap. XLIX.*



**B**elligant estant  
 asseuré du mal-  
 heur de son frere, le  
 roi marfille, il dit  
 qu'il mettroit Char-  
 lemagne à mort. A-  
 dôc il appella dix des  
 plus riches & grands  
 terriens, & leur dit.  
 Seigneurs, i'ay icy  
 môtrefor, dont i'ay  
 grâd pœur de perdre  
 parquoy ie vous prie  
 que le meniez a Môs  
 fuseau, ce fort cha-  
 steau que vo' voyez

ci deuant, car i'ay grandes richesses: & si d'aduenture ie les perdois, mal  
 en gré le prendroie. Vous direz à ma niece guinarde qu'elle me le face met-  
 tre dans la plus forte tour qui y soit, tant que ie soie retourné vers elle a-  
 pres que charlemagne aura mis à piteuse fin. Outre plus dictes à ma niece  
 que quand ie serai retourné, ie lui donnerai vn mari riche & puissant, & que  
 elle se garde bien le tresor que ie lui enuoie. Vous menerez avec vous dix mil  
 hommes pour vous deffendre, si besoin en auez. Sire dirent les païens tres  
 volontiers le feroys, & viftement se mirent en chemin portant le tresor de  
 Belligant Tant ont cheminé qu'ils ont passé le bois de bruffeile. Et quand  
 ils furent saillis du bois ils s'armerent tellemēt que le soleil fraploit sur leurs  
 armes, & flâbloient iusques au chasteau, & tenoit galien Guinarde en son

giron, & la baiſoit, & tenoit ſes tetins & deuiſoit des choſes amoureuſes, par maniere de paſſer temps, & guinarde entretenoit Galien, le plus doucemēt qu'elle pouuoit, comme elle ſçauoit bien faire: mais d'aduenture Galien vit flamboyer les armeures de ces maudits Payens, incontinent il ſe leua & regarda parmy les champs, ou il vit les payens, incontinent il ſe leua & regarda parmy les champs, ou il vit les payens, puis il dit, Guinarde m'amie, ſçachez qu'en peu de temps nous aurons des nouuelles. Tant ſe haſterēt les payens qu'ils arriuerent deuant la maiſtreſſe porte & viſtemēt ont appellé Durgād le portier Le roy Mathā parla la premier & dit, Durgan ouure viſtement les portes: tant que ſoyons entrez, car Belligant nous a icy enuoyez, il a en ſa compagnie cent mille combatant & iamais ne finera tāt qu'il aura mis Charlemagne à piteuſe fin Il mādē à ſa niece Guinarde ſalut & amitiē, & dit qu'auant qu'il ſoit vn an il la mariera à ſa volontē, nous amenons avec nous la plus grand partie de ſon treſor, à celle fin qu'elle luy garde Durgād luy dit, vous parlez follement, car ceans point n'entrerez ſi madame guinarde ne le commande, Mathan lui dit. Va viſtement annoncer les nouuelles & luy dit que le roy mathan & dix mille payens ſont à la porte, & luy dit bien ce que ie t'ay dit. Durgan dit, volontiers, puis que vous amenez le treſor de Belligād, vous ſerez bien receuz & feſtoiez. Je vois parler à madame, attendez vn peu que ie ſoie retourné, puis il dit tout bas que nul ne l'entendit. Dieu confonde Galien reſtauré, quand il auront le premier pont paſſés il ne les met tous à mort. Il alla tout droit au palais, ou il trouua galien qui tenoit guinarde entre ſes bras, comme ſont bons & loyaux amoureux. Durgand les ſalua, puis leur dit les nouuelles, comment ſes payens ſont venus à la porte, & leur raconta ce que mathan luy auoit dit. Quand galien l'entendit il treſſua de courroux, puis ceignit ſon eſpee Hauteclere. Et quand guinarde vit que galien ſe partit le ſang lui mua du grand courroux qu'elle print en ſon cœur & ſe leua diſant Qui diable a amenez ces gens à ceſte heure. Je promets à Ieſus-Chriſt que ſi ie puis ils ne s'en retournerōt. Lors elle diſt à ſon ami galien ie vois parler au roy mathan, & feray tāt que ie le feray entrer ceans, puis vous l'occirez ſans auoir mercy de luy. C'eſt tres bien dit, ma dame, dit Galien mais que none ſoit ſonnée il ny aura païen qui ne vouliſt bien eſtre en ſon pais Quand guinarde ſçeut la contenance des payens elle deſcendit du palais: & fit ouurir le guichet de la premiere porte, & regarda les payens. Quand mathan vit guinarde, il la ſalua humblemēt, diſant, dame, voſtre oncle belligād de par moy vous ſaluē, lequel nous a commandé que nous veniſſions ceans. Sçachez pour vray qu'il vous mariera au riche roy margot, lequel tina Valfondée Quand guinarde entendit ainſi parler mathan, elle lui dit. Ia Dieu ne plaiſe que margot ſoit mon mari. Certes, dit mathan, dame ie m'eſbahis

*Galien restauré.*

ie ne cognois point le dieu que vous auez nommé. Et guinarde luy dit  
sez vous que ie sois chrestienne, vous pouuez biẽ penser que ie n'ay dieu  
Mahon, ie ne suis pas delibéré de le renoncer, & ne veut pas estre chre-  
nne, mais veuxtou siours seruir les dieux que mon pere Marseille & mon  
de Belligant seruent. Adonc par maniere de couuerture elle appella le roi  
chan: & luy dit, Sire roy, ie ne vous veux pas celler mon cas, mais ie le vo  
y. le dois bien aimer mon oncle belligant, aussi suis ie à luy totalement:  
s ie crains fort vn cheualier françois nommé galie restauré, lequel est en  
des François: certes i'ay grand peur qu'il ne me vienne prendre car on  
n'il n'y à point de plus vaillât cheualiers iusques à la mer rouge. Il fut fils  
omte oliuier, lequel à mis à mort mais Turcs, il vint l'autre iour deuant  
e porte il m'espouferoit volontiers si ie voulois croire en son Dieu, mais  
neroye mieus mourir, parquoy ie ne sçay en qui me fier. Si vous voulez  
er ceans & passer le premier pont, il vous faudroit tous desarmer, car au-  
ment vous n'y entrerez point. ils estoient dix rois, mais incontinct qu'ils  
ent parler Guinarde ils posèrent leurs armes galien les regardoit par  
petite fenestre secrette, & quand il les vid desarmez, il se print à rire & dit,  
tes guinarde les a enchantez. Celuy est bien fol qui en femme se fie.

*Comment les Payens entrèrent au chasteau de Mont-fuseau, & comment  
les Francois les tuerent. Chapitre. L.*



**A**pres que Guinarde  
leur eut oïtroyé d'en-  
trer sãs armes, ils se desar-  
merent tous puisdurgand  
leur ouurit la porte, il ab-  
baissa le pont & passerent  
tât qu'ils furēt entre deux  
ponts. Quand galien veit  
les rois Payens desarmez  
& enfermez entre deux por-  
tes il descēdit du palais, &  
tira la bonne espee & frap-  
pa Mathã sur la teste tello-  
ment qu'il le fēdit iusques  
aux dents puis cheut mort.  
Les autres frãçois faisoieẽt  
leur deuoir c'est à sçauoir

Emery, Sauary & Hernaud, & autres s'employèrent tellement qu'ils occirēt tous les payens. Quand galien vit la desconfiture, il dit seigneurs, les paiens sont maintenant sans roy, (saillons hors du chasteau & les allons tous tuer sās en prendre vn seul à mercy, car ils ne valent rien sans seigneur. ils furēt tous contents, puis allerent prendre leur armes. Ils leuerent vne enseigne sēblable à celle d'oliuier, car galien les vouloit auoir. Quand les portes furent ouvertes ils faillirent hors du chasteau ; dont les payens furent mout esbahis quand ils ne virent point leurs seigneus retourner. Galien brochamarcepin & mir la lance en arrest, & frappa si fierement sur les paiens que nul ne l'osoit regarder. Il rencontra vn paien, lequel entre les autres auoit vn escu mout fort, mais il frappa si roidement qu'il le mist en pieces, & l'abbatit mort par terre il en frappa vn autre mout fierement. Les autres françois semblerent si auant en la baraille qu'ils rompirent tous les boucliers des paiens, & en mirent plusieurs à mort. Galien le plus courageux de tous, tant qu'hōme ne demouroit deuant luy qu'il ne renuersast par terre. Parquoy les paiens disoient qu'il estoit mieux diable qu'homme car nul n'eschappoit de ses mains, quand les payens virent que leurs rois ne les venoient point secourir, la force leur faillit, car depuis que le seigneur est mort, les champions n'ōt plus de courage. Les payens se mirent en fuitte. Girard sauary hernaud & les autres les chasserent si asprement qu'ils ne sçauoient qu'elle part tirer: mais galien sur tous les escarmouchoit en telle façon qu'il n'en eschappoit nul deuant luy que tantost ne le mist à mort. Et comme il les suiuoit il les trouua au pendār d'vn pré puis il leur dit, Attendez moi gloutons, car vous n'eschapperez pas d'icy le vous monstreray la puissance que dieu m'a donnée. Les paiens fuioient tousiours, & galien apres, tellement qu'il les print au pendant rocher. Le principal de la compagnie vint le premier contre galien le cuidāt tuer: mais galien luy donna si grand coup de son espee hauteclere qu'il luy fendit la teste iusques aux dents, puis cheut mort de dessus son cheual. Les françois se porterent si vaillamment, que de dix milles il n'en eschappa qu'vn seul. Cestuy estoit vn meschant garçon qui se mit en vn sētier & se print à courir deuers belligand, & incontinent qu'il le vit il se print à crier à haute voix. Las noble roy belligand, il vous est adueni vn grand & merueilleux incōuenient. croiez certainement que tous les payens que vous auez enuoyé à Mont-fuseau sont tous morts & mis par pieces, excepté moy, & si ay esté terriblement nauré. Croiez que dedans le chasteau sont logez ie ne sçay quelles gens entre lesquels y a vn ieune homme, iamais ie ne vis le pareil, car il ne frappe paien qu'il ne mit à mort incontinent. Les autres n'en font guerres moins: il semble estre mieux diable qu'hommes. Quand belligand entendit les nouuelles, il cuida perdre le sens & se mit à crier à hautes voix a ses gens

Armez.



Armés vous vistement ie vous prie, car vn grád mal m'est aduenu. ie prie a Mahom qu'il nous vueille a tous aider. Belligant fit soudainemét armer cinquantemille paiens, & puis ils se mirent en chemin, & allerét vers mont fusteau. Girard qui faisoit le guet les vit venir, & dit à galien, mō neuueu regardez icy, voicy venir l'ost des payens, ils sont tresbien ordonnez selon gens de guerre, ie vous prie mon cher neuueu retournós au chasteau: car nous ne pouuons pas resister contre si grande armee. Galien dit: vous dictes verite, on doit croire bon conseil, car i'ay ouy dire souuent qu'ó doit tenir pour fol ce luy qui ne se veut conseiller par autruy. Adonc emery dit à galien, cousin c'est tres-mal entédu quand au besoin voulez laisser la guerre, certes il neme semble pas que vous soyez fils d'oliuier, lequel iamais ne fust las de ferir sur paiens, ie vous promets la foy que ie ne cuide pas que vous le soyez, si vous auez le courage de retourner au chasteau, Pour dieu vueillez moy pardonner car ie ne disoye sinon pour vous essayer. Beau neuueu dit girard, ie vous prie allons au chasteau, car certes c'est le plus seur. Oncle dit galié n'en parlez pl<sup>us</sup> car par le dieu de paradis pour chose qu'on me die ie n'y retourneray, car no<sup>s</sup> les battons mieux icy en plainchamps qu'au chasteau, aussi afin qu'il ne soit pas reproché que ie soye fuy deuant les payens cousin dit Emery, ne vous courroucés pas de ce que vous dis. Car ie sçay bien que nul ne doit blasmer vostre puissance, galien dit, ie vous promets qu'auant qu'il soit nuit ie ne me mocqueray pas Cousin dit ameri, ie ne l'ay pas dit pour reproche, ie voy l'ost des paiens qui est pres de nous: mais ie conseille que nous allions au chasteau. Adonc galien luy dit, Le mot qu'avez dit m'est au cœur desplaisât, iamais ne retournera en vostre bouche.

*Comment Galien s'en alla frapper entre les Turcs, & comment luy & Belligand se rencontrerent en bataille et se donnerent de merueilleux coups.*

Chapitre. 51.

**G**Alien courroucé en son courage print vne lance & s'en alla sur la riuere de Pinelle, & quand il cogneut belligant entre les paiens, il mit la lance en arrest, & brocha marcepin, & vint contre belligand, & du coup qu'ils se baillerent ils cheurent par terre: mais galien se releua soudain sans que nul luy aidast. Belligand fut bien marry quand il se vit par terre & que son escu estoit rompu, adonc galien luy dit, Paien, par la Vierge marie iamais ne trouuy homme que toy, qui me mist hors de ma selle, mais ie te promets qu'auant que tu meschappes, ie te monstrey ce que iamais hommes ne remonstra. Belligand tira son espee, & frappa galien si fierement qu'il abbatit par terre ses fleurs & les pierres precieuses de son heaume le cercle ne valut pas vn



denier, mais la coiffe du hautbert fut forte qu'il le garda de mal auoir. De ce coup fut galien engreué, tellement que le sang luy sortoit par labouche dont fut belligand ioyeux, & cria à galien, vassal vous auez senty vn coup, mais par mesdieux auant que meschappiez vous n'aurez amy qui vous fist estre en vostre lieu. Quand galien l'entendit, tout le sang lui

changea, & se print à dire tout bas, celuy qui ne se veut venger n'est pas digne de viure. il s'approcha de belligand & luy donna tel coup qu'il trenchale maistre cercle de son heaume, & la coiffe qui estoit de fin acier. il estoit mis à fin si n'eust esté le coup qui coula, du coup cheut belligand à genoux. Quand il se sentit ainsi mal mené, il fut mout esbahy, galië le print par la gorge & lui voulut trencher la teste, mais dix mille payës vindrēt à son secours, & enuironnerent galien de tous costez. Quand galien se vit enuironné de payens, il appella emery & luy dit, cousin si vous eussiez esté aussi auant que ie suis iamaïs belligand ne fust eschappé que ie ne luy eust trenché la teste. Quand belligand vit ainsi les paiens il appella Maradan & Sorribran de Thir, le roy Malatru, & le roy malaisir & leur dit, seigneurs faictes sonner cors bucines laquelle choses fut faicte. Paiens assailloient galië de tous costez mais si vaillamment se deffendoit que nul ne l'osoit attendre Beuues & Sauary, s'approcherent de galien, & faisoient telle desconfiture de paiens que nul n'osoient arrester deuant eux. Quand belligand vit ce il cuida enrager, Galien estoit à pied qui estoit si remply de courage, que tout tāt qu'il ataignoit estoit mis à mort, il vit deux payens lesquels tenoient marcepin & se combattoient à qu'il seroit dont il eut le cœur si triste qu'il cuida perdre le sens, & commença à dire. Helas vrai dieu, si ie pouuois approcher de ces mauidiës paiens, certainement auant que de moy puissent eschapper, ie leur montrerois, comment on doit ainsi tel cheual retenir. Grande fut la bataille, tellement que galien ne scauoit de quel costé frapper qu'il ne trouuaist paiës, Secours luy vint soudainement car beuues sauary, hernaud, emery & dix mille Francois monterent à cheual & se mirent en chemin pour venir à la bataille, mais hernaud vit les larrons qui tenoient marcepin lesquels falsoient grāds cris pour l'auoir il alla vers eux & leur dit iamaïs pour departir cheuaux ne vous combatrez. Puis vint sur eux frapper si fierement que tout tant qu'il ataignoit estoit mis

à mort, & fit tant par sa prouesse qu'il recoutra Marcepin & vint iusques à galien & le luy bailla. Quand galien le tint, hastiement monta dessus, & se mit au milieu de la bataille, frappant sur les payens si asprement qu'à grand peine le pouuoit-on voir, puis se print à dire. Vray Dieu souverain roy des Cieux, vn homme môté à cheual vaut mieux que ne fôr dix à pied. Hernaud mon cousin m'a fait vn grand plaisir quand il m'a ramené Marcepin mon bon cheual. On dit communement qu'au besoing on cognoist l'amy, dont le proverbe est vray, puis se print à frapper comme vn homme enragé, beuues, & sauarry le suiuoient tousiours coste à coste, mais ils estoient courroucez de ce que tant se mettoit à l'auanture: mais galien n'en faisoit sinon à sa volonté. Nonobstant il se retira vn peu hors de la presse & empoigna vn espieu qu'il trouua sur le pré, & derechef se remit en bataille, & fit tant qu'il rencontra Belligand, lequel auoit vn espieu, & tels coups se sont donnez à la rencontre l'vn del'autre, qu'ils ont rompus leurs escus dessoubz les boucles d'or. Leurs hauberts estoient fors parquoy ne se peurent dommager, mais les espieux vollèrent par pieces, & passerent les deux champions l'vn contre l'autre, mais au retour galien haussa Hauteclere & en donna tel coup sur le heaume de belligand, que si la coiffe n'eust esté forte, il l'eust fédu iusques aux dents, nonobstant si fut il nauré sur l'espaule senestre. Quand belligand vit qu'il estoit ainsi mal mené il cuida enrager, & tira son espee, par grand felonnie vint frapper galien si rudemēt sur le heaume qu'il coupa le cercle, & vint le coup iusqu'à la coiffe: mais Iesus christ le preserua de mal auoir. Incontinent s'armerent plus de mille paiens, & d'autre part grand quantité de chrestiens, adonc recommança la bataille plus forte que deuant.

Galien retourna contre belligand & se prirent à donner de grands coups: François & payens estoient si animez les vns contre les autres, que c'estoit pitié de les regarder, beuues & Sauari frapportoient sur payens à grād courage, & tant firent que les payens reculerent, puis leur vint secours, tellemēt que ils poursuiuoient nos gens si rudement que Girard de vienne fut grandemēt dommagé, & aussi les François: car apres furent pris beuues, Sauary, Hernaud Gautier & plusieurs autres barōs iusques au nombre de quatre vingts & les lièrent estroictement, puis les alloient battant de gros bastons si outrageusement que c'estoit pitié à voir. Quand les nobles barons se sentirent ainsi nauréz ils commencerent à crier à haute voix. Galien le vaillant, venez-nous donner secours ou autrement iamais ne nous verrez.

*Comment Girard, Beuues, Hernaud, Sauary, Emory, & Gaultier furent  
pris des Payens. Chap. LII.*

**Q**Uand Galien les ouit, il cuida perdre le sens, il picqua son cheual Marcepin cuidant rauoir les prisonniers, mais tout ne valut rien, car il vint sur lui tant de paiens que ce fut merueilles, Guinarde estoit en la plus haute tour du chasteau qui veit venir la force des paiens, tellement qu'elle se print à pleurer, disât. Helas gëtil cheualier. retournez au chasteau, car si vous perdez Mont-fuseau, ie suis femme perdue. Galien l'entendit, qui fut si marri que les larmes luy cheoient des ieux, car il sçauoit bien qu'elle le conseilloit bien, il se print à dire. O Dieu de Paradis, iamais ne me trouuai en si grand danger, ne pour crainte de mort ne partis de tel assaut, mais encores vaut-il mieux que ie retourne que moi & mes cheualiers meurent, car ie vois bien que ma force ni peut remedier Incontinēt il s'en retourna au chasteau & quand Durgand le portier le vit venir il ouurit la porte du chasteau.

Quand ils furent dedans, Guinarde vint au deuant, & osta le heaume, & l'espee de Galien son ami. Elle lui tendit les bras pour le baiser, mais Galien lui dit, Dame ie n'ay pas necessité d'estre maintenant festoïé. I'ai aujourd'hui perdu vne des choses que plus aimoie au monde, c'estoit la fleur de France & les meilleurs cheualiers qui soient sur terre. Helas bien dois auoir le cœur Marri. Adonc la belle Guinarde se print à dire Tres-cher & parfait ami Galien, ne vous desconfortez point, car apres grād due il vient souuent grād ioie. Et pareillement apres grand perte, on voit venir gain & profit. Galien & ses gens monterent au chasteau, lesquels se sont mis à manger: mais galien iura qu'il ne beutoit ne mangeroit iusques à ce que les prisonniers fussent deliurez, & deust il mourir de faim, car il estoit cause de leur prinse, en tant qu'ils estoient avec lui pour lui faire secours. Quand les barons l'entendirent ainsi parler ils furent mout esbahis & dirēt les vns aux autres. C'est homme ci nous fera tous mourir, nostre cas se porte mal si Dieu ne nous aide.

*Comme Belligant enuoya deux cens payens pour aller pendre les François,  
& comment Galien les garda de mourir.*

*Chap. LIII.*

**S**I tost que Galien sçeut que l'on deuoit faire mourir les François, il fist armer ses gens, & puis se mirent en chemin, & tāt cheminerent qu'ils arriuerent à Pinelle, puis passerēt outre, & entrerēt à bruffeille le plus secretement qu'ils peurent, & se sont embuschez iusques au matin. Quand le iour



fut venu, Belligand appella le roi métrible & le roi Malepart, & leur dist, seigneurs il vous faut aller au bois de bruffeille avec 2. cés parens & menerent les François pédre & estrang'er. Les deux rois respōdirent à belligand que volōtiers le feroiēt. Incontinent les François furent deschainez, & les menerēt au bois de bruffeille tou-

sours battant de gros bastōs. Le roi métrible se mit le premier en chemin, & tous les autres apres luy deliberē de les faire mourir. Quād galien, qui estoit embusché audit bois les vit, eut grand ioie en son cœur, & dit tout bas par le dieu de paradis. ie ne suis point fîs d'ouïer, si auant qu'il soit nuict ne mets à mort tous ces payens, les payens entierent au bois, battant les François de gros bastons, mais quand galien vit qu'on les battoit ainsi rigoureusement, il fut mout courroucé, puis print la course, & alla vers le roi métrible, si fierement qu'il ne peut fuir, & Galien luy donna tel coup, qu'il l'abbatit mort par terre. Les autres François se mirēt en bataille qui desliērēt les prisonniers. Adonc Girard le print à dire, Mō dieu ie te rends grace, car tu nous as tousiours secourus à nos necessitez & affaires. quand Girard, Emery & les autres prisonniers se sentirent desliēz, ils se mirent en bataille comme Lions raiuissans. Hernaud picqua son cheual si alprement que merueille, & alla frapper vn sarrazin nommé Truffier qui l'auoit tant battu en l'amenant au bois & lui fendit la teste iusques au menton, & cheut mort par terre, beues abbatit Cornicas, Sauari mit par terre Corbon, & mauprin tua butor & rubion. Quand le roi Malepart vit la descōfiture, il sōna vn cor de leitō, mais audit cor se ralierēt sept vingt payens, qui viendrēt au tour de lui, il brocha sō cheual & vint ferir le comte Tierri, tellemēt qu'il le perça au trauets du corps & cheut mort par terre. Quād galien le vit, il fut si courroucé que merueille & tira son espee Hauteclere, & en donna vn tel coup au roy malepart, qu'il cheut tout mort. Quand les payens virent la grād confusion, ils se mirēt en fuite. Apres la mort de malepart, les François se ralierent ensemble, & frapperent tant qu'ils tuerent le demeurāt des payens, reserué vn lequel alla dire les nouvelles à belligand. Cestuy belligand cuida perdre le sens quand il le sceut, il fit incontinent sonner ses corps & assemblea vn grand nombre de

Sarrazins. Galien ouit le bruit, puis dit à ses gens, Seigneurs entēdez a moi car nous aurons tantost nouuelles des paiens, i'ay ouy sonner leurs cors, parquoy ie vous prie que soyez ordonnez à ma guise. l'ay aduisé qu hier au matin vous fustes pris pour cause que nous n'estions pas ferrez. l'ay encores les hommes que charlemagne me bailla, ie croy qu'il ne s'en faut pas cent. Des dix mille payens i'en attendray trois mille autour de moy, & vous mon oncle Girard en attendrez trois mille, Hernaud en combatra deux mille, Beuues & sauary combattront les deux autres milles. Chacun soit courageux; car si i'eusse hier tué Belligant, quand ie le iettay à bas de son cheual, il nous en eust mieux vallu : mais qu'vn chacun prenne bon courage & face ce que i'ay ordonné, & ainsi faisans, avec l'aide de Dieu, nous mettrons ces payens à mort.

*Comment trente mille Payens vindrent contre Galien, qui n'auoit que dix mille Francois, & comment Galien fut enclos au milieu de l'armée des payens lesquels furent desconfits par les Francois.*

Chap. LV.



**A**insi que galien mettoit les gens en ordre, les payens s'armoient à grād diligence, ils estoient en nombre trente mille lesquels par le commandement de Belligand, ils vindrēt contre les frācois. Quād galien les vit, il les monstra à ses gens, & leur dit, seigneurs, regardez quelle cōpagnie de paiens, il nous faudra commencer le

tournoy. Non, dit Girard, si me voulez croire. Ma foy, dit galien, ie le conseille, allons au chasteau, & faisons treues aux payens, car ie vois biē que vous avez peur, & s'il n'y a dequoy. Chacuns'en voise au chasteau, & ie promets à Dieu que iamais ie ny retournerai que ie n'aye assailli tous les payés qui sōt cy deuant nous. Quād girard l'entendit, il fut fort courroucé, & dit, beau neveu, ie dy ses parolles afin que nous allions voir la belle Guinarde, laquelle nous a mis hors du danger ou nous auons esté, c'est pourquoy ie vous dis telles parolles, ne le prenez point en mal. Et en disant cela tous les payens sont venus de grand furies sur les François, le roy Labanis vint tout le pré-

mier en bataille, & frappa vn chrestien lequel estoit appellé Hué, & le fist choir contre les pieds degalien. Quand l'enfant le vit il tira hauteclere, & luy en donna tel coup, qu'il luy perca la targe, & luy fedit la teste iusques aux dents, & cheut mort par terre. Incontinent toute l'armee des payens s'assembla & vint enuironner galien de tous costez, tellement qu'il fut enclos. Galien voyât les payens autour de luy, & qu'il ne pouuoit estre secouru, se recommanda de bon cœur à dieu. Les payens desirâs la mort de gallien l'assaillirent moutrigoureusement, en telle façon qu'un païen luy bailla tel coup, qu'il le mit ius de son cheual. Quand le noble galiën vit qu'il estoit par terre, il se leua incontinent: & de sa bonne espee hauteclere se deffendoit si vaillamment contre les payens que c'estoit chose merueilleuse à regarder, tant que les payens reculoient de tous costez. Les autres françois vindrent à son secours.

Girard vit marcepin parmy la bataille, dont il fut mout esbahy, parquoy il approcha, & fit si vaillamment qu'il le print. Tous les françois vindrent iusques à Galien faisant grande occasion de toutes pars girard luy bailla son cheual, & luy dit, tenez galien, voicy vostre cheual marcepin que ie vous rends. montez dessus, afin que vous puissiez mieux combattre contre ces payens, car vn homme à cheual en vaut tousiours dix à pied. Adonc galien luy dit Mon oncle ie vous remercie, ie suis bien tenu à vous, de tant de biens que me faites, tant plus m'en ferez, & tant plus seray tenu à vous. Quand galien fut remonté sur marcepin, les françois firent telle desconfiture qu'ils mirèrent mort plus de dix mille payens, girard qui auoit esté deux iours sans boire ne manger, appella galien & luy dit, Beau neveu entendez icy ne moy ne les quatre vingts cheualiers qui ont esté prisonniers, ne mangéalmes aujourd'huy ne hier, ie vous prie que nous allions au chasteau pour repaistre car nul homme tant soit il fort ne peut resister contre la faim. Galien luy dit, Oncle faites à vostre plaisir. Adonc galien conseilla quel'on retournast au chasteau, parquoy ils se mirent en chemin vers mont-fuseau. Ils trouuerent la porte ouuerte, & la belle guinarde qui vint au deuant d'eux. Quand ils furent dedans le chasteau, elle osta le heaume de galien, & luy tendit les bras, disant Bel amy, maintenant vous pouuez manger à vostre volonté, car vous auez les François que vous desiriez. Voire dit galien la vostre mercy. Quand ils furent montez au palais, les quatre vingts cheualiers qui auoient esté prisonniers remercierent mout honorablement la belle guinarde, laquelle les auoit gardez de mort. Guinarde leur dit. Seigneurs, faites bonnes chere, & vous reposez tout à vostre aise. Apres soupper rendirent graces à nostre seigneur, qu'ils auoient esté secourus. Chascun se coucha, & se reposerent iusques au matin. Belligand estoit en la tente lequel faisoit piteuse chere pour les païens qui estoient morts. Quand ils furent assemblez pour prendre leur

refection, Belligant dit à haute voix deuant tous les assistans, seigneurs par Mahom ie sçay bien que ma nièce guinarde a fait ceste trahisõ, ie croy qu'elle s'est conuertie à leur loy, i'en ay le cœur tant triste, que ie ne puis manger : car si ce ne fust elle, nous eussions mis à mort grand nombre de Chrestiens. Le matin belligant vint avec son ost, & assiega le chasteau. Dedãsl'ost auoit vn païen nommé Truffier de Grenade, que Belligand fit appeller, & luy demanda son opinion & luy dit. Sire, le chasteau est si fort, que toute chrestienté ne païennie ne les sçauroit prendre que par famine, il ne peut estre prins, car il y a assez de viure dedans, mais si me voulez croire, ie vous diray comment y entrerez. Allons en ronceaux contre charlemagne qui faict grand guerre au roy Marsille vostre frere, & quand nous aurons bien lassé les François vous irez en France, & conquerrez le pais, & puis vous ferez couronner roy à paris, & irez a mont-matre pour mieux voir la ville à vostre plaisir. Vous mettrez mahom à s. Denis en france, & la le ferez adorer, & qui n'y voudra croire sera decapité incontinent. Et par ainsi le chasteau de Mont-fuscau se rendra incontinent. Belligand luy respondit. Certes vous dictes verité, incontinent fut crié par l'ost que chacun fust préparé le matin, puis se partirent & tant cheminerent qu'ils arriuerent en l'ost du roy marsille, lequel auoit quatre rois avec luy. Quand les deux freres se trouuerēt l'un avec l'autre, il se sōt festoyez mout amoulement ensemble; & leurs gens d'autre costé. Quand lo roy Marsille vit que Belligand auoit amené si grand nōbre de gens avec luy, il en fut mout orgueilleux, & iura mahon & Tauargâr que s'il trouuoit charlemagne, qu'il le mettoit à mort cruelle. Frere, dit Belligant ce seroit mal fait, mais enuoyez luy vn messager & luy mandez qu'il vous vienne seruir en bonne loiauté, & vous aurez pitié & mercy de lui, & s'il ne le veut faire vous le ferez mourir cruellement. Adôc le roy marsille luy dit qu'il en estoit content, & qu'il seroit fait comme il l'auoit deuisé. Incontinent marsille appella faussard & iustamont, & leur dist messagers, il vous faut aller vers charlemagne & luy direz qu'il me vienne faire hommage, & qu'il tienne tous ses pais de moy. Outre plus qu'il renonce à iesus-christ. qu'il adore nos dieux & qu'il ameine avec luy Naymes & Oger le dannois : & Thierry, Etain si est qu'il ne vueille consentir à mon commandement, que ie le feray escorcher tout viif, & tous les plus grands de son pais Auquel mandement ont respondu que volontiers accompliroient son commandement.

*Comment Faussard & Iustamont, messagers du roy Marsille se mirent en chemin pour faire son commandement vers Charlemagne.*

*Chapitre. LVI.*



**F**aussard & Iustamont firent grande diligence de faire leur entreprinse d'aller accomplir le commandement du roy Marsille, & tant exploiterent par leurs iournee, qu'ils arriuerent en l'ost de charlemagne, auquel il ont veu les estandars & pennonneaux flamboyer, ils virent aigles estenduës en l'air, & plusieurs seigneurs: princes Barons & cheualiers, lesquels s'esbaroiēt parmy le dict ost, dont furent mout esbahis. Adonc Fauissard commença à dire à son compagnon Iustamont. Par la foy que doy a nos dieux, le roy Marsille est bien fol de cuider mettre charlemagne en sa subiectiō, ie croy qu'il espuiserait plustost toute l'eau de la mer goutte à goutte auant qu'il luy obeist. Je conseille que nous retournions sans faire nostre message, ie cognois bien que nous perdrons nostre peine. Par nos dieux il est verité, mais puis qu'ainsi est nous irons parler à luy ce nous seroit grand honte & deshonneur si nous n'accomplissons nostre commandement. Adonc il entrerēt en l'ost & trouuerent charlemagne assisen vne chaire deuant son paillō. En la tête estoiet Salomon le duc Naymes, girard, & oger le Dannois, & quand ils virent les messagers, ils penserent bien que le roy Marsille les auoit enuoyez. parquoy ils s'approcherent de charlemagne le plus secretement qu'il peurent pour escouter les nouvelles Fauissard & Iustamont mirēt le pied à terre, & s'approcherent de charlemagne, & commença Fauissard à dire en ceste maniere charles, sçachez que l'admiral belligand vous mande par nous, que vous veniez tout en chemise, vn petit baston blanc en la main aussi que vous renonciez vostre dieu Iesus christ & preniez la loy de nos Dieux, & que vous luy rendiez en ses mains le duc Naimmes, oger le Dannois, & Thierry. ar s'il est ainsi que vous ne vœillez consentir à son mandement, il vous fera arracher les dents l'vne apes l'autre, & puis apres vous fera escorchétout vis. Et il vous mande qu'il fera poser nostre dieu Mahom dedans saint Denis en France, & fera mettre vostre dieu Iesus-christ en exil, & destruire sa loy du tout, & la mettra à neant, & exaucera nostre loy en tout le pais de France, tant que chacun y croira. Et ceux qui n'y voudront croire, il les fera mourir de mort tres-cruelle. Quand charlemagne entendit ainsi vituperablement parler Fauissard il commença à froncer le visage, & tourna les yeux vers luy par grand courroux, & se voulut leuer de son siege, cuidant frapper ledit Fauissard: mais vn peu de souuenance le print, & considera en soy mesmes qu'il estoit messager, & qu'il ne deuoit auoir nul mal, & leur dit par grand courroux, Vuidez chiës matins de deuant moy, & dites à vostre roy que ie ne crains pas vn bouton la puissance de luy ny de ses dieux, mais i'ay esperance que deuant qu'il soit vn mois il n'aura volenté de menacer homme. Et sçachez que si vous ne fussiez messagers que ie vous teroy pèdre & estrangler. Quand les messagers entē-

dirent ainsi parler charlemagne, ils furent espouventez qu'ils eussent voulu estre au ventre de leurs mere. Faussard changea de couleur, & print les fieures quartres de la grâd peur qu'il eut du regard de charlemagne, & iustamont en cuida perdre le sens, tellement qu'eux deux s'enfuirent tant que leurs cheuaux les peurent porter, car il leur estoit aduis que charlemagne les suiuiroit tousiours, tant auoient grand peur, & cheuauchioient à trauers champs, sans tenir chemin ne sentier: car depuis l'heure qu'ils furent nés, ils n'eurent telle peur, que quand charlemagne les regarda. ils cheminerent si viftement, qu'e peu de temps ils arriuerent en l'ost de belligand. Plusieurs payés de l'ost vindrent au deuant des messagers pour ouyr les nouvelles qu'ils apportoint. Quand ils virent lesdits messagers ainsi descoulourez, ils furent tant espouuantez que merueille faussard & iustamont vindrent incontinent vers belligand & ne le saluerent point de la grand peur qu'ils auoient eu du regard de charlemagne. Quand ils furent vn peu asseurez. Faussard se print à dire à belligand. Sire admiral, si vous mectoyez, demain des l'aube du iour vous ferez charger vos tentes & pauillons, & tout vostre bagage, & vous en retournerez en vostre terre: car charlemagne est le plus felon & merueilleux homme que ie vis oncques depuis l'heure que ie fus né, croyez fermement, sire admiral, qu'il a deliberé de iouster cōtre vous corps à corps. Il dit aussi qu'il vous fera rabaisser vostre menace, si vous ne m'en voulez croire demãdez le à iustamont qui y estoit present lequel vous en pourra dire la verité. Belligand fit appeller incontinent iustamont & luy demãda si estoit vray ce que Faussard luy auoit dit, & il respondit ainsi: sire admiral, il est verité que charlemagne est le plus merueilleux homme que iamais ie vy. Il à le regard si espouuantable, que toute les fois qu'ils me souuient de luy, tout le corps me tremble le cœur me fremille. Croyez fermement que deuant qu'il soit long temps il à deliberé de vous assaillir. Je vous prie que me donniez congé de m'aller reposer, car vo<sup>9</sup> voyez bien que ie n'ay pas besoing d'estre icy longuement: car i'ay eu grand peur du regard de charlemagne, il semble estre mieux diable qu'homme, & demain ie me feray porter en ma maison, & me feray penter. Quand belligand entendit ainsi parler iustamont, il fut mout courroucé & luy dit. Vous ne retournerez pas en vostre maison, mais vous viendrez demain avec moy: car ie suis deliberé d'aller assaillir charlemagne dedans son ost, & vous serez en ma tente. Et quand i'auray à faire de quelque message, vous le ferez & si vous ferai du bien au temps aduenir. Adonc iustamont luy respondit, Sire ie feray volontiers ce qui me sera possible ie irai par tout ou il vous plaira pour faire vostre commandement: mais si vous me vouliez enuoyer vers charlemagne, j'aimeroie mieux que me fissent mourir desquel-

les parolles fut belligant mout courroucé en son cœur, & iura par mahom qu'il iroit visiter charlemagne iulques dedans son pavillon, & qu'avec luy vouloit iouster corps à corps.

Nous vous laisserons à parler de belligand, & parlerons de Charlemagne lequel estoit mout courroucé des parolles que belligand luy auoit mandé par Faustart & Iustamont.

*Comment Charlemagne apres les nouvelles qu'il eut eue de Belligand, il fit appareiller ses gens pour aller combattre contre belligant.*

Chap. LVII.

**A** Pres que charlemagne eût ouy les nouvelles que le roy belligand luy mandoit, il fut si courroucé en son cœur, qu'il ne pouuoit boire ne manger: plusieurs de ses Barons se sont assis à table pour prendre leur refection, & commencerent à dire les vns aux autres. Croiez certainement qu'acât qu'il soit peu de temps nous aurons nouvelles de nous armer vistement, car l'Empereur Charlemagne est mout courroucé, & non sans cause, voyant qu'il a perdu la noblesse du royaume de franco, & les plus preux qui furent iamais neez de mere. Charlemagne ouit ses parolles, dont il se print à plorer disant à haute voix devant tous, Seigneurs barons, vous voyez bien la honte & diffame que me fait belligand, qui veut que ie renonce la foy de Iesus christ pour prendre la loy de mahom, & que ie luy face hommage comme à mon seigneur, tout en chemise, & vn baston blanc en ma main. Outre plus que ie luy rende Oger le dannois, le duc Naimés, & Thierry desquelles parolles i'ai le cœur si triste, qu'à peine puis ie parler. Et pourtant ie vous prie que chacun se mette en armes, car si ie ne puis vaincre ces maudits mescreans, ie mourray de desplaisances, puis il dit. Helas roland si tu estois icy, tu m'eusses vengé de ceste outrage. Le duc naimés voyant ainsi charlemagne en courroux & tristesse lui dit. Trescher seigneur, ie vous prie que ne me parliez plus des morts, mais pèlez de donner courage à vos gens, afin que vous puissiez estre vengé. Outre plus ie vous conseille qu'énuoiez lettres à Galien, afin qu'il vienne a vostre secours. Adonc il fut dict que girard de Viennois iroit faire message, car il estoit homme prudent, sage & eloquent. Girard fut mandé par Charlemagne, lequel luy dit. Girard, nous vous auons mandé pour accomplir vn message que nous auons a faire, Sire dit Girard, ie suis prest & appareiller de faire vostre vouloir, distes ce qu'il vous plaira.

Vous irez, dit charlemagne, a Mont-fuseau, deuers galien, & lui direz que ie me recömmande à luy & qu'il vienne & amene girard, beuues, Sauarri, & Emery nous secourir contre le roy Marsille, & belligand son frere, lesquels

ont delibéré de nous mettre a mort, & faire finer la chrestienté. Pour ce faire le messager se prepara, Girard incontinent print congé de charlemagne, & se mit en chemin pour accomplir son message.

*Comme Girard alla dire à Galien qu'il vint donner secours à Charlemagne, contre Belligand, et comment il fut assaillý d'un Turc, lequel se tenoit près d'un chasteau. Chap. LVIII.*



Girard exploita tant par ses iournées, qu'il arriua pres d'un chasteau, lequel estoit assis dessus vne grand roche, & au pied d'icelle roche auoit vne petite riuiera, laquelle estoit gardée d'un Turc le plus fort qui fust en tout le pais de Turquie, il estoit au roi de Perse, il estoit embusché derriere vne forte roche, & gardoit le pont de

ladite riuiera, qu'homme ny passast. Quand Galien vit cestui chasteau, viste-ment s'en approcha: mais incontinent que le païe le vit venir il cogneut bié que c'estoit vn François. Parquoy luy dit à haute voix, cheualier nul ne passé cestuy pont qu'il ne doit truage, & pourtant il te conuient paier, ou autrement finer ta vie. Girard lui demanda quel truage il deuoit. Le païen lui dit, qu'il conuenoit qu'il passast tout desarmé sans cheual, vn bastón en sa main, ou s'il ne le vouloit faire qu'il renôcast à la loy de Iesus christ. Et que s'il la vouloit renoncer & prendre la loy Paienne, qu'il lui donneroit or argent à grád foison, & qu'il lui donneroit sa sœur en mariage, laquelle estoit la plus belle de tout le pais. Girard oïat les parolles de cestui païen fut courroucé en son cœur, & dit, païen, ne te mocques tu point de moi, laisse moy faire mon message. Et en ce disant, Girard se cuida auancer pour passer le pont, mais incontinent le païen vint contre lui. Ils mirent les lances en arrest, & coururent l'un cōtre l'autre par telle fierté que c'estoit piteuse chose à regarder, & se rencontrèrent par telle & si merueilleuse roideur, que tous deux leur conuint chanceler de dessus leurs cheuaux, & rompirent leurs lances, puis mirēt leurs mains aux espees, & se dōnerent de merueilleux coups sans leur en rien dommager. Quand le païen vit que nullement ne pouuoit greuer Girard, il lui dit, François ie ne sçay pas qui tu es, mais tu te peux bié venter que tu as


iousté contre le plus fort païen qui soit en toute la turquie, & pourtant que ie voy que toy ne moy ne pouuons vaincre l'un ne l'autre ie te ferai vn conuenant, par tel si, que si Belligant peut vaincre ton roy charlemagne tu renonceras à ton Dieu Iesus christ, & te viendras rendre à moy, & de toy feray à mon plaisir. Et si ainsi est que Charlemagne puisse eschapper, ie renonceray à Mahom & Taruagant, & me feray baptiser & croiray en ton Dieu Iesus-christ. Lequel conuenant luy accorda Girard, & lui dit. Païen, ie suis contant de tenir les conuenances comme tu as dict, non pas pour peur que j'aye de toy, mais plustost pour parfaire mon message. Ils promirēt la foy l'un l'autre & prindrent congé, Girard demanda au païen le droit chemin pour aller à montfuseau, & tant exploita qu'il arriua à la premiere porte du chasteau, il appella le portier & lui dit. Ouurez la porte : car ie suis messager de Charlemagne, j'apporte des nouuelles à Galien. Quand Durgand le portier ouit parler girard, il entendit bien qu'il estoit François, dont il fut mout ioyeux en son cœur il ouurit la porte sans nul delay. Girard monta au chasteau en la chambre ou estoit galien, lequel passoit le temps avec ses barons, & escuiers. Quand girard fut au palais il regarda galien, qui estoit assis dessus vn marbre blanc, il chemina vers luy, & le salua fort honnestement. Amy dit galien, vous soiez le bien venu. Je vous prie dites moy qu'elle nouuelles m'apportez. Sire dit Girard, ie vous saluē de par charlemagne, lequel vous prie que lui donniez secours contre le roy marsille & belligant son frere, lesquels le veulent mettre à destruction.

Quand galien entendit ainsi parler girard, il fut mout courroucé, & iura qu'il iroit à son secours, incontinent fit preparer tout son bagage, & ordonna ses besongnes touchant la garde du chasteau de Mont-fuseau. Voiāt guinarde le departement de son ami Galien, vint vers lui & lui dit. Tres-cher seigneur ayez souuenance de moy car vous m'avez promis foy & loyauté de mariage. Sçachez pour certain que ie crain que si estes dominateur de mon oncle Belligant que ne mettiez vostre amour à sa femme, car c'est la plus belle qui soit en turquie. Quand galiē entendit ainsi parler Guinarde de rechef lui iura que iamais n'auroit femme qu'elle, & luy retourné accompliroit le mariage, & luy bailla cent des meilleurs cheualiers de sa compagnie pour la garder, dont elle le remercia & le baisa doucement, puis print congé l'un de l'autre.

Je vous laisseray à parler de galien, & retourneray à charlemagne qui estoit en sa tente fort melancholiqueux.

Comment apres que charlemagne eut enuoyé Girard vers Galien pour auoir secours, as-  
sembla tout son ost pour aller contrel' Admiral Belligand, & comment Galien se  
mit en chemin pour aller au secours du Roy Charlemagne.

Chap. LIX.



**Q** Vand charlemagne eut en-  
uoyé girard vers Galien, il  
fit preparer son ost & crier que le  
lendemain au matin chacun se  
trouuaſt à la meſſe vne torche en  
la main, priant Dieu noſtre crea-  
teur qu'il leur vouliſt eſtre en  
aide contre les payens, laquelle  
choſe fut faiſte. Ils eſtoient à la  
dicte meſſe bien cent mille, car  
ieunes & vieux y furent, priant à  
Dieu qu'il leur donnaſt victoire  
contre leurs ennemis. Apres la  
meſſe chantée, le roy charlema-  
gne s'en alla aſſeoir deſſous vn  
arbre ver, car c'eſtoit au mois de

May, & autour de luy eſtoient ſes barons deuſant enſemble. Cependant ar-  
riua Guion de Mirabel, lequel eſtoit nauré d vn eſpieu à trauers le corps. Il  
ſe mit à pied, & ſalua Charlemagne, diſant ainſi. Sire Empereur, faiſtes ar-  
mer vos gens, car voici belligant qui ameine avec luy bien cent mille com-  
batans. Adonc quand charlemagne entendit ainſi parler Guion de mirabel,  
incontinent, il fit crier à tous les gens que chacun ſe preparaſt ſans nul delai,  
leſquels furent preſtement montez à cheval. Charlemagne voiant ſes gens  
tous en armes voulut ordonner ſes batailles ainſi qu'il ſçauoit bien faire. &  
dit, Seigneurs, au nom de Ieſus chriſt, ie veux faire cinq batailles de mes  
hommes d'honneur. La premiere avec vingt mille barons, leſquels ſeront  
touſiours a mon ſecours. Le duc naimmes menera la ſeconde à tout trente  
mille. Oger menera la tierce à tout vingt mille pour auoir ſecours au beſoin.  
Thierry menera la quarte à tout autre vingt mille pour aller coſtoiant. Et  
geoffroy menera la cinquieme & derniere bataille a tout vingt mille. Apres  
les batailles ordonnez charlemagne dit. Meſſeigneurs & mes amis, vous co-  
groiſſez qu'il ne ſe faut pas tant vanter aux champs comme on faiſt à la mai-  
ſon, il eſt temps de monſtrer ſa force, vous ſçauiez que ces mauidits meſcreas

ne pretende sinon à nous exiller & mettre toute la chrestienté à perdicion parquoy ie vous prie que chacun face son deuoir, car i'ay esperâce qu'au plaisir de nostre seigneur auiourd'huy les mettrons à desfinement, & pourtāt nobles seigneurs prenez tous courage. Apres que charlemagne eut donné courage à tous les gens, il luy souuint de roland & commença à le regretter, & pareillement oliuier, & se print à plorer mout tendrement. Quand les barōs le virent ainsi plorer, ils en eurent grand pitié, & to' luy criērēt a haute voix Laissez vos pleurs & lamentations: car s'il plaist à dieu auiourd'huy sera vengē la mort de ses nobles barons & pairs de france Charlemagne oiant le bon vouloir d'eces gens les remercia grandement, & en accolla & bailla plus d'vn cent par bonne amour.

Quand charlemagne eut préparé les batailles, ils se mirent en chemin, & tant cheuaucherent qu'ils vindrent à s'approcher de l'ost de belligand. Les deux osts commencerent à faire grands cris espouuantables, les françois vindrent frapper sur les paiens par si grande fierté, que c'estoit chose merueilleuse à regarder car du premier assaut mourut des paiens bien deux milles. Lors vn Turc nommé Esclamard, l'vn des forts turcs que l'on peut trouuer, luy voiant la desconfiture des paiens, print vn faussard en la main & se mit en la bataille, & va ferir anthoine du plaisir par telle façō qu'il l'abbatit mort par terre, Oger le dannois voiant la mort d'Anthoine en sō cœur fut iré, & tira droit vers Esclamard, & tel coup luy donna, que cercle ne coiffe ne le garantir de la mort, & cheut à terre, puis luydit en cheāt, Maudit infidelle tu as tué le fils de Geofroy qui tant estoit noble & courtois & à cause de ce ie t'en ay rendu le guerdon. Apres qu'oger eut mis à mort esclamard, Sobron & malathan, & aussi le roy archanas vindrent arriuer avec trente mille paiens faisaēt grands cris & noises en l'ost des chrestiens, & vint le roy Sobron si fierement frapper guyon, de Montagu, qu'il luy transperça vn espieu parmy le corps, dont cheut ledict Guyon mort. Le roi Malathan frappa rosan par telle fierté qu'il cheut mort. A cestuy assaut mourut des François bien cinq cens. Les paiens voiant la mort des françois, commencerent à faire vncry, disant ainsi Desflus seigneurs, car auiourd'huy est le desfinement de chrestienté. Charlemagne oiant le cry des meſcreans futen son cœur fort courroucé, aussi fut ledit thierry d'ardaine, & oger le dannois, Videlon de bauiere Jean le roy de frise, & le duc Naimés, & tous les autres barons entrerent en bataille par telle fierté, que c'estoit piteuse chose à regarder, & pensez que meintes escus furent rōpuēs, maints haubers mis en pieces, & maintes lances & espees despees. Oger le dannois alla ferir sur le roy archanas par telle vertu, qu'il lui transperça le fer & le fust de la lance tout au trauers du corps. Le duc naimé

oiant le cry de charlemagne y accourt viftement, auffi fit Oger le dannois & Thierry, & la fut faicte merueilleufe desconfiture tât d'vne part que d'autres. Quand les paiens virent que les françois reculoient, ils commencerent tous enſemble à faire vn cry ſi eſpouventable, dont les François furent tous eſbahis. Eux eſtant en ceſtuy eſbahiffement vont regarder vn peu à coſté & virer venir galien lequel faiſoit grand bruit. Et quand ils cogneurent que c'eſtoit galien qui les venoit ſecourir, incontinent ils reprindrent courage & furent tous ioyeux.

*Comment Galien arriua en Ronceuaux pour donner ſecours au noble Roy charlemagne, & comment il tua mauprin le filz de Beligand*  
Chapitre. LX.



**T**Ant cheuaucha Galien qu'il arriua en Ronceuaux, & mit ſes gens en belle ordonnāces paiens arriuoiēt de tous coſtez pour auoir la desconfiture des chreſtiens. Charlemagne en ſon courage regarda vn peu à quartier, & vit venir galien, dont fut ioyeux. Incontinent il appella ſes Barons & leur dit ſeigneur ie voygalie qui vient à noſtre ſecours, ie vous prie que chacun prenne courage, Naimés dit, Sire vous diſtes verité. Adonc partit viftement charlemagne ſon eſpieu en ſa main, & picquades eſperons ſon cheual ſiroidement, qu'il alla iuſques au roy allemāt & ſon eſpieu luy trauerſa parmy le corps, dont cheut mort par terre, dont les paiens furent fort eſbahys. Le cheual qui eſtoit puiſſant porta charlemagne ſi auant dedans l'armee des paiens qu'il paſſa ſix rans de leurs ordonnances : mais incontinent il fut enclos de tous coſtez, parquoy ſon cheual fut tué deſſous luy.

Viftement ſe mit à pied & tellement ſe deffendoit de ioyeuſe ſon eſpee que nul ne l'oſoit approcher. Et voyant que de nul n'eſtoit ſecouru ſe print à dire Vray dieu pere tout puiſſant, ſi ie crioye maintenāt mon enſeigne galien, il viendroit incontinent & laiſſeroit toute ſon armée: mais ie crains que ceſgēs ne viſſent de coſté departant de l'armee: car ie croy qu'ils frapperoient auffi toſt ſur les françois, que ſur paiens: car il ne les cognoiſſoit payens. Ce conſi-

derant



derant, charlemagne n'osa mot sonner, dont mal luy enprint, mais Oger le dannois l'apperceut, lequel vint incontinent desrompant la presse, & fendât l'armée si vaillamment que merueilles. Le roy Frugant se trouua deuant lui lequel venoit empescher le chemin, mais oger le tua, & print son cheual & le mena à charlemagne & luy dit, Sire, vous auez sens d'enfant de combattre à pied, ne sçauéz vous appeller vos barons & cheualiers à vostre secours, quâd les francois virent galien venir, ils se retirèrent deuers l'oriflant, & les paiens d'autre part, lesquels auoient grand peur. incontinent galien brocha son cheual si vistement, qu'il sembloit que ce fust arondelle pour mettre les paiens à fin, pour venger la mort des pairs de france, & aussi pour augmenter la foi chrestienne, tellement que le premier qu'il rencontra luy perça l'escu & le corps tout au trauers, dont cheut mort par terre, & quand Maupriué vit que galien auoit mis à mort cestuy paien, il vint contre luy de grand despit & se donnerent de grands coups l'un sur l'autre. Galien haussa Hauteclere, & tel coup donna à maupriué, qu'il abbatit homme & cheual par terre, duquel coup ledit Maupriué fina sa vie, dont les payens furent mout courroucez. Quand galien vit qu'il estoit mort, il se print à dire à haute voix deuât to<sup>9</sup>, seigneurs voicy le roy, lequel auoit iuré qu'il vengeroit la mort de foure, mais il faut maintenant que l'on venge la sienne. Et quand les paiens l'entendirent ainsi parler, ils furent si espouuantez que merueilles, & dirent entre eux, voicy celui qui tua le roy au chasteau de Mont-fuseau, & le print au recours du bois de bruffeille ou furent reprint les prisonniers frâçois que belligand vouloit faire pendre dedans le bois, & ces mots se font les françois boutez en bataille. Sauarry rencontra Turben, & tellement le frappa qu'une l'aceluy trauersa au trauers du corps, dont cheut mort. Charlemagne cria mont ioyes. Denis. Girard cria Vienne Hernand cria bellande. Salomon criâs. Malo, & Oger cria Dannemarche. Naimes cria Bauieres, Thierry cria billon. Geoffroy cria Angers. Et le noble galien cria Mont fuseau, car vaillammêt auoit conquesté le chasteau. Et quand les paiens entendirent les cris des francois, ils furent tous espouuantez, & s'enfuirent vers leur estendart, mais en fuyant plusieurs furent tuez. Quand ils furent à l'estendart, incontinent dirent a belligand, sire, sçachez que le cheualier qui aime vostre niece la belle guinarde a mis à mort vostre fils Maupriué. Quand belligand entendit les nouuelles du grand desplaisir qu'il eut le sang luy mua & cheut palmé par terre.

*Comment Charlemagne tua Belligant & comment il arresta le Soleil.*

Chapitre. LXI.

**A** Pres que Belligant sceut la mort de son fils fut mout courroucé en son cœur, orestant en si grande facherie, il aduisa galien, Et quand il le vit

il dit à ses paiens, Prenez ce chrestien. Incontinent tous les paiens vindrent de tous costez sur galien lequel se deffendit si vaillamment, par telle fierté qu'il tua maints paiens de sa hache tréchant. il eust eu bié à faire de vaincre tant de paiens mais girard, hernaud, beuues & sauary y arriuerent, lesquels tuerent bien dix mille paiens. D'autre part vint charlemagne & ses gens, tellement que la bataille fut toute renouellée. Et quand belligand vit que les françois estoient si grand nombre il se print à dire charlemagne ouuez vous eité que ne vous estes monstré à moy: certes ie croy que vous n'estes pas assez hardy, car vous estes trop vieux & radoté. Quand charlemagne l'entendit ainsi parler, il brocha son cheual des esperons, & s'en vint contre belligand & frappa si vaillamment: que du coup il le bouta quasi par terre, & se battirent si bien qu'ils rompirent escus & lances charlemagne tira ioyeuse son espee, mais en la tirant belligand luy bailla tel coup sur le heaume, qu'il luy tracha la coiffe, & vint iusques au test, et cheut costé l'estrie sur l'escu, de si grand force, que quand il tira son espee charlemagne chancela, & luy dit, belligand ie vous feray finer la vie en espagne, grison radoté, tellement que iamais n'y mettez le pied. Quand charlemagne l'entendit, il fut mout courroucé, & vint contre Belligand qui l'auoit tant iniurié, & le frappa de ioyeuse son espee si rudement que du coup il luy couppa son escu, Puis il luy bailla si grand coup sur son heaume, qu'il luy fendit la teste, iusques au menton, & cheut de dessus son cheual mort par terre. Puis charlemagne dit belligand, tu as dit verité, quand tu dis que tu serois roi de france couronné. Ie te couronne au champ de bataille, de ioyeuse mon espee, & si sont tousiours a moy mes Royaumes & ie t'ay donné deuant tous tes parens & amis le pays d'Espagne ie t'en ay couronné du tranchant de mon espee.

A donc les chrestiens se mocquerent des payens, & leur disoient, combien que charlemagne aye la barbe grise, si fait il bien encor vn tour d'espee, il a bien monstré à belligand vn tour de maistre, car à l'ouirage l'on cognoist l'ouurier. Quand les paiens virent leur roy mort, ils furent si dolens qu'eurent ueilles, & demenerent grand deuil. Quand le roi Marsille sceut que son frere belligand estoit mort, il s'enfuit secretement, & aussi fit Faussard & iustamont. Galien estoit en la bataille, en laquelle il fit grāde occision de sarrazins, charlemagne chassoit ses ennemis par telle façon que nul ne s'osoit trouuer deuant luy, puis il fit son oraison à iesus-christ disant Dieu de lassus, qui en trinité Pere, fils & s. Esprit, ie te supplie qu'il te plaise de me donner espace de véger mes Barons, lesquels sont morts pour augmenter la sainte foy chrestienne, & ont esté villainement trahys & en ce disant il plouroit tendrement, iesus christ ouit sa priere, tellement que le soleil s'arresta, sans aller çà ne là. Quand charlemagne vit que le soleil estoit si haut, il s'escria à haute voix sur les sarra

zins, disant ainsi, je vous promets qu'il n'y aura homme de vous qui ne perde la vie. Cependant galien passa contre la pree, & vint contre les tentes des paiens, ou il trouua diuerses loges, que le roy Marsille auoit fait faire. Il y auoit deux milles payens qui gardoient la femme dudit marsille, mais quād ils virent galien, ils s'ēfuirent tous. Quād marsille qui estoit de l'autre costé vit que charlemagne le poursuinoit de si pres, il iura son dieu mahom que iamais n'entreroit en villene chasteau qu'il netint pinelle à son plaisir, & puis qu'il ne douteroit charlemagne ne sapuissance. Le roy marsille en mena grād finance avec luy nonobstant charlemagne le suinoit tousiours de pres galien estoit demeuré pres d'vne riuere, ou il les attendoit. Quand ils virent galiē venir, ils entrerent dedās la riuere à pied & à cheual, & tāt y en eut de noiez que les vifs passioient par dessus les morts, tous ceux qui demourerent furent occis. Le roy Marsille voiant le danger ou il estoit, par subtil moyen eschappa, & s'en alla à Pinelle & comme il fuioit le iour fina, parquoy charlemagne & galien retournerent en l'ost Charlemagne remercia galiē du grād secours qu'il luy auoit fait. Ils logerent celle nuit dedans les tentes des paiens, lesquelles estoient bien garnies de viures. Chacun print sa refection des biens qu'ils trouuerent. Et apres souper chacun se coucha. Oliuier & Videlon firēt le guet toute la nuit. Le matin charlemagne se leua, & s'en alla ouir la messe d'un saint Abbé. Apres la messe diste chacun, se prepara pour retourner en bataille, & à la rencontre des chrestiens & paiens eut de merueilleux coups donnez tant d'un costé que d'autre. Et fut la bataille si impetueuse qu'a grand peine on pouuoit cognoistre les chrestiens ne les paiens les vns d'avecques les autres, dont charlemagne plora tendrement. Galien les reconforta le mieux qu'il peust.

*Comment charlemagne s'en alla avec Galien a Mont fuscau & comment le noble galien espousa la belle Guinarde.*

*Chapitre. LVI.*

**G**Alien voyant la tristesse de charlemagne, & que la bataille estoit finie il luy dit, sire il est vray que i'ay promis foy & loyauté de mariage à vne ieune dame, pleine de grand beauté, laquelle est fille de marsille, qui est vostre ennemi mortel. Je l'ay trouué loialle, car elle ma fait plusieurs secours parquoy ie vous prie qu'il vous plaise de venir aux noces vous resiouyr, & que me la donniez par la main, Adonc charlemagne luy dit, Trescher amy volontiers le feray: car ie doy bien faire vostre volonté, & avec ce ie vous donneray l'estendart que vous avez conquesté. Adonc charlemagne commanda que les tentes & pauillons fussent chargez, & apportez, & manda

aux seigneurs & Barons qu'ils vinssent vers luy, parquoy Guidelon, & Her-  
naud demeuroient audit lieu, avec deux cens cheualiers richemēt habillez,  
lesquels auoient gardé à ronceaux les douze pairs, il demurerent iusques à  
ce que charlemagne fust retourné, & fust le traistré ganelon bien enfermé,  
pour laquelle trahison thierry fut prins lequel estoit à mont fuseau, accom-  
pagné de plusieurs Princes & nobles cheualiers, lesquels cheuaucherent par  
telle diligence qu'ils arriuerent à mont-fuseau la veille d'une bōne feste. La  
ville estoit fermée de muraille & des palais somptueux, dōt charles fut mout  
esbahy quand il vit l'edifice, puis demanda à galien à qui estoit le chasteau, si-  
re il est à vous & i'en suis le seigneur. Quand charlemagne entendit galiē, il  
dit, cher amy, vous auez conquis honneur, certes vous estes sage preux & har-  
dy comme estoit vostre pere. Ladite guinarde estoit au palais ou elle passoit  
son temps: mais quand elle vit les françois elle eut peur, car elle pensoit que  
ce fussent les sarrazins qui vinssent de l'ost de belligād, galien enuoia vn mes-  
sager à la belle guinarde, lequel la salua, & luy dit. Dame guinarde, ie vous sa-  
luē de par vostre amy galien, lequel vous ameine charlemagne & plusieurs  
Barons & cheualiers de france. Guinarde eut grand ioye des nouuelles. Elle  
fit faire grand appareil parmy la ville pour receuoir les cheualiers françois.  
Quand charlemagne & les Barons furent arriuez Guinarde descendit du pa-  
lais, & vint au deuant de charlemagne fort honorablement, & quand il la vit  
il descendit de dessus son cheual, & vint vers guinarde, & la baisa mout dou-  
cement, & elle luy dit. Bien soyez venus, charles noble roy des françois, &  
tous les nobles cheualiers. Et charlemagne respondit guinarde, ieus-  
christ vous vueille garder de mal. Quand les françois furent tous au chasteau, char-  
lemagne, fut richement seruy & tous les barons. Apres le soupper chacun se  
coucha & reposèrent seurement. Le matin vindrent plus de cent cheualiers  
au leuer de charlemagne, entre lesquels estoient galien & guinarde, qui le sa-  
luerent humblement, guinarde dit à galien deuant tous, galien cher amy, vo-  
us plaist d'accomplir vostre promesse cependant que toute la noblesse est icy,  
vous sçavez que vous m'auez promis foy & loyauté de mariage, c'est pour-  
quoy, ie desire si s'estoit vostre plaisir d'accomplir ceste belle promesse.  
Chere amie dit galien, i'en suis bien contēt, s'il plaist à charlemagne mon sei-  
gneur. Amy dit charlemagne ie m'y accorde tres volontiers, puis que cha cū  
en est content. Charle fit baptiser guinarde, apres le baptisme ils furent es-  
pousez, dont grand ioye fut faicte par toute la contrée. Charlemagne donna  
à galien & à guinarde pour accroissement de la terre & pais. Et galien le print  
de luy, mais il ne tint pas longuement, car il eut en brefs temps, plus grand  
seigneurie. Apres que charlemagne eut esté huiet iours à mont-fuseau il se  
partit de galien, & mena avec luy l'escuier & Thurion qui sçauoient toute

la verité de la trahison de ganelon, & s'en alla à roncevaux, il print congé de galien & de guinarde, & laissa avec luy Girard, Hernaud, Beuues, Sauary & Emery, & cheuaucha droict en roncevaux.

*Comment vn messager apporta nouvelles à Galien qu'il allaist secourir sa mere  
qu'on accusoit d'un cas. Chapitre. LXV.*



**G**Alien se tint à môt fuseau  
Jusques au temps d'esté,  
s'estiouys sans avec guinarde &  
ses cheualiers. Un messager  
vint vers lui & lui apportanou  
uelles de sa mere. Quand il fut  
deuant galien, il le fallua disar  
Le Dieu de gloire vueille gar  
der le fils d'oliuier, & Galien  
lui respondit, iesus-christ vous  
maintienne & accroisse vostre  
bonheur. Or me dictes donc  
beau sire vostre volonté, & la cause pourquoy vous venez vers moy. Le mes  
sager dit, Tres-cher seigneur, il est verité que les enfans du roy Hugon ont  
grandement offensé: car ils ont empoisonné leur pere, pour auoir son roiaume,  
& disent que vostre mere l'a faict, mais iamais elle ne cōmit si vilain cas  
elle a donné son age en champ de bataille contre eux ils ont trouué vn des  
fors cheualiers de la chrestienté pour eux: mais vostre dolente mere n'a nul  
trouué qui vueille combattre pour elle. Elle eust esté bruslee l'autre iour, si  
n'eust esté l'euesque de Naples qui lui sauua la vie, & les barons du royaume  
qui en ont pitié. l'alloye querre oliuier pour la deffédre, mais on m'a dit que  
les paiens l'auoient occis, & certes si vous ne luy aidez elle sera bruslee. Quād  
galien entendit le messager, il se print à pleurer, & ietta vn soupir en disant.  
He dieu doux Roy de maiesté, hélas iie ne vis oncques mon pere sinon à la  
mort, & si ie perds ma mere ie seray bien dolent. Girard & hernaud le recon  
fortoient tousiours. Galien disoit mes oncles ont ils ainsi fait de leur pere &  
vilainement en accusent ma mère: Puis dit qu'il iroit secourir sa mere viste  
ment galien qui auoit le cœur marry, se fit armer pour aller secourir sa mere,  
Il laissa à mont fuseau girard & Hernaud pour garder sa femme, il mena avec  
luy beuues, Sauarry, Goffroy de paris, Emery & dix mille cheualiers bien en  
point.  
Il print congé de guinarde & des cheualiers, & chemina en si grande diligēce

qu'il arriua aux lices vers le soleil couchant Le prince de Tarente nommé, Richier, Richard de damas, & gauthier son frere estoient venus pour loger aux dictes lices mais ils allerent à constantinoble à la cour pour iuger la droiture de la Dame que l'on vouloit cōdamner à tort. Quand galien fut arriué les nobles luy firent grand chere au souper, & se repoterent la nuit. Le matin ils cheminerent parmy Romanie tant qu'ils vindrent à constantinoble, & donc galien dit, quand ie partis de ceste cité mes deux oncles me vindrēt espier pour me tuer en ce bois, mais si ie puis ie leur rendray. Tant cheminerēt qu'ils arriuerent en la cité, & se logerent deuant sainte Sophie, en laquelle ouirent Messe, galien estant au fenestres du logis ouit le peuple qui crioit. La meilleur damoiselle de ce pais sera auourd'huy exillée à grand tort, les pauvres estoient soustenus pabelle, maudit soit il qui est cause que nous la perdons. Quand galien les entendit, il se print à l'armer Henry & Tibers firent tant par leurs flateries, & douces parolles que ils tirerent les Barons du royaume de leur partie, & les menerent à la cour.

*Comment laqueline fut menee à la cour pour estre condamnée à mort par fausses allegations, & comment Galien la deffendit au champ de bataille contre Burgaland.*

#### Chap. LXIV.



**V**istement galie & tous ses gens allerēt à la cour aussi fit le seig. d'esture, & l'Euesque de napes. Quand ils furent arriuez, ils crierēt à haute voix que l'on vouloit iuger la dame par tricherie, qu'ils seroient de la partie. Galien les remercia leur disant, seigneurs ie vous promets la foy qu'une fois ie vous rendray le plaisir que vous faictes à la dame. Quand ils furent arriuez à la cour, ils virent qu'on mettoit la dame hors de prison, laquelle estoit mout desconfortee. Adonc luy dirent ses deux freres, Vous serez punie pour ce que par herbes tuez fait mourir vostre pere. Tibers dit, Vous m'avez aussi voulu enforcener, afin que ie perdisse ma seigneurie burgaland de rhodes dit deuant tous. La dame m'a requis que ie soye son amy par amours pour faire la folle, & qu'elle seroit mourir ses freres par sors, aussi elle a fait mourir son pere. s'il y a homme qui vueille dire le contraire ie suis tout pres de le combattre

alors les barons dirent, si nul ne la deffend, elle est iugée à mort. Adonc dit l'Euesque de naples. Elle n'est pas encore iugée: il pourra venir quelqu'un qu'il la mettra hors de danger. Quand la dame l'entendit, elle requit un de ses parens qui la secourust mais il dist. ie n'entreprendray pas telle folie, de combattre contre burgaland. Quand galien vit sa mere deuant ses deux freres & que nul ne la vouloit deffendre il la print par la main, & luy dit, dame faites bone chere, car iusques à la mort ie vous ayderai encōtre tous, pour garder vostre droit. L'euesque de naples deffendit qu'on ne luy fit nul mal. Adonc dit burgaland. s'ils estoient quatre tels, ie n'en demarcheroie un pas. Seigneur: dit galien, baïez vostre espee & vous allez armer car mon corps vous deffie. La dame plouroit son fils & ne le cognoissoit point.

*Comment Galien voulut deffendre sa mere en champ de bataille contre Burgaland, pour fausses accusations sur elle imposee, & comment il tua Burgaland.*

Chapitre. LXV



**T**Ybers, & Henry & plus de cinquante seigneurs & barons qui estoient contre la dame, monterent au palais & leur iurerent que point ne leur faudroit iusques à la mort. Lors fut armé burgaland, & vestit un haubergeon de menu treillis, lequel comme dit l'escriure, fut fait en Faerie, & tout homme qui le portoit ne pouuoit estre conquis en armes, s'il n'estoit faux, traistre ne par iure. C'estuy haubergeon fut enuoyé au roy hugon. Burgaland ceignit une espee laquelle auoit demy pied de large. Et dit l'histoire que celle espee trenchoit le fer. Le plumbeau & la croissée estoit de fin or massif, elle estoit appellée trenche fer. Les boucles du heaume estoient de fin or bruny avec un cercle de dessus auoit plusieurs pierreries qui rendoient grande clarté. il fut bien accoustré, on luy bailla un cheual fort bon. Burgaland monta dessus & mit l'escu à son col, il print en sa main un gros espieu, lequel estoit enuenuimé d'un sang d'un Tigre. Quand Burgaland fut sur un cheual monté, oncques ne se seigna. il piqua des esperons sans arrester son cheual. Quand burgaland fut au champ, les autres disoient que mieux sembloit diable qu'homme, & que pour vray l'autre champion seroit inuerti-

ment desconfit. Burgaland attendoit galien au champ, desirant l'avenue pour le vouloir mettre à mort, mais Galien estoit en son logis qui s'armoit des armes que regnier luy auoit donnée quand il partit pour aller en ronceaux. Beuues Sauary luy donnerent la lance & le heaume, apres on luy amenamarcépin, & monta dessus comme noble cheualeureux puis il print son escu & partit de son logis, il appella sauarry & luy dit, faicte amener vos gens : car si Tibers & Henry nous vouloient faire greuance, que plustost fussions secourus. Galien vint au champ, le duc guyon d'athenes & plus de cent l'accompagnerent. Quand il fut arriué au champ, tibers & henry tindrent leur parlement, disant que si burgaland estoit vaincu qu'il le secouroient. Les barons amenerent la dame liée bien estroitement puis Burgaland dit deuant tous. Dieu me vueille aider elle à fait mourir son pere par herbes, & cuides faire mourir ses freres afin qu'elle ait la seigneurie. Elle se vint cōseiller à moy me disant, que si ie luy vouloie aider à ce faire, qu'elle s'abandonneroit à moy à faire à ma volonté, La Dame l'entendit donc fermement se print à plorer, disant que iamais n'auoit eu volonté de ce faire, Adonc galien dit à burgaland. Vous mentez fauslement, burgaland iura & voulut baisser les saints: mais il ne le peut approcher galien iura que fauslement on accusoit la dame, Burgaland dit vous mentez pautonnier, mais auant qu'il soit nuit vous en serez pendu & la dame bruslée galien luy respondit, dieu & le bon droit nous aidera, chascun ferma son heaume, puis on fit crier que nul n'entra au champ sur peine de la vie. Trois cheualiers gardoient la dame, laquelle regrettoit son enfant car elle ne le cognoissoit point, si elle l'eust cogneu, elle eust aimé mieux estre bruslée que le laisser combattre contre burgaland.

Quand les deux champions furent prests de combattre, Galien appella les gardes, & leur dit qu'ils gardassent le champ sans noise ne débats. Et ils dirent que si aucun le brisoit qu'incontinent seroit pendu & estranglé. A quoi galié les remercia grandemēt, puis leua la main & se signa le visage du signe de la croix l'euesque de Naples luy dit, dieu vous gard de mal & vous doient grace de vaincre vostre ennemi burgaland. Et galien luy dit certes selon mon auidis i'ay esperance qu'au plaisir du createur du monde, que deuant qu'il soit nuit s'il n'a la peau plus dure que fin acier, vous la verrez trancher en plus de trente pieces. Les princes seigneurs & barons furent tous esbahis du courage de cestuy enfant. A l'entour des deux cheualiers auoit grand nombre de gēs lesquels estoient allez voir & regarder la bataille des deux champions burgaland cria à haute voix Vassal ie vous deffie, iamais ne vous prendray à rançon, & ne sera pas la dame par vous deffiedue, car deuant qu'il soit nuit ie vous monstreray que vous n'estes pas fage de vous mettre en champ de bataille contre moi. Adonc galien reclama le nom de iesus-christ en luy priant qu'il



luy vouloit estre en aide, aussi vrayement que la dame estoit innocēte ducas que ses freres luy auoient imposé. Burgaland brocha arragon son cheual, & galien picqua son cheual marcepin. puis se rencontrerent de leur lances si roidement qu'ils firent voler les esclats en l'air. galien frappa burgaland partelle fierté que si burgaland n'eust haussé son escu il eust eu la tēte reduē iusques aux dents, mais l'escu en fut du coup fendu en deux parties. D'un autre costé luy osta vne piece du heaume, & s'il n'eust destourné le coup, de luy estoit fait ne iamais n'en fust elchappé, car il trencha la coiffe du heaume, & couppades cheueux iusques à la chair, & cheut l'espee au costé senestre & trencha le pan de son hauberton, & fut la hucque & la chair entamez. Quand burgaland se sentit frappé de galien, il cuida frapper sur luy, mais il haussa son escu, du coup il couppa ce qu'il ataignit. il eust tué galien sinon qu'il saillit de trauers, car l'espee emporta plus de deux cen tmailes du hauberton, & luy fendit vne grā de partie la coiffe, tellement que le sang sortoit par la bouche abondamment du coup galien chancela & à peu qu'il ne cheut par terre, dont les barons furent fort desplaisans, & disoient toutbas les vns aux autres, ie cōroy qu'il est affollé, & que la dame sera bruslee. Quand la dame vit le coup, elle se coucha à terre en croix, & se print à plorer & lamēter en disāt, Vray Dieu, aussi, vrayemēt que ie suis accusee à tort & que ie ne suis pas cause de la mort de mon pere vueillez garder le cheualier qui combat pour moy. Et comme galien se preparoit pour combattre burgaland luy dit vassal, ie vous ay biē ataint, mais si attendez l'autre coup, il n'est rien de vostre vie. Et galien lay dit, s'il plaist à dieu vous mentirez: mais ce que vo<sup>r</sup> dictes vous aduiendra dieu & le bon droit que l'ay m'aidera, à tant commencerēt à frapper l'un sur l'autre partelle fierté, tellement que le sang auoit tout rougy le champ.

Tant se combatièrent les deux champions que pres de midy estoit & furent si h<sup>z</sup>, & mattez qu'il ne voyoit goutte. Eux estās vn peu reposez se font de rechef mis en bataille, & dit burgaland à galien. En peu de temps te feray mourir & feray mettre la damoiselle en vn grand feu. Galien luy respondit, ie ne doute res menaces. Burgaland cuida enrager des parolles de galien & dit, tu seras pendu & estranglé & la dame sera arse dedans vn grand feu. Nostre seigneur t'en gardera. dit galien, car le bon droit que la dame à, nous aidera aujour d'huy: car tes faux sermens te pourront bien nuire & porter domnage. Burgaland escumoit cōme vn porc & s'embloit qu'il fust hors du sens & vint contre galien, & galien contre lay auquel il souuint de son pere Oliuier qui ne recula iamais deuant homme. D'autre costé il voioit sa mere qui pleuroit priant dieu qu'il voulist garder galien de mal & d'encombrier, & si ne le cognoissoit pas. Le peuple d'entour en auoient grand pitié, & disoient les vns aux autres, Certes se fera grand domnage si cestuy cheualier est mis à mort.

de la main de ce diable. Helas il est trop ieune, si n'estoit le courage qu'il à, il fust pieça mort, ie croy que iamais dieu ne crea homme si vaillant qu'il est, galien pria Dieu & nostre Dame qu'il luy voussissent aider, puis il nomma entre les dets les hauts noms de nostre seigneur: car celui qui les nommera ne perira du iour qu'il les aura nommez, s'il n'est faux ou pariure, ou s'il n'a grand tort. Quand le noble galien les eut nommez, il fut plus ferme & plus asseuré que deuant, burgaland vint contre luy, & tel coup luy donna qu'il emportauve grande partie de la coiffe & du heaume, & l'eut tout fendu: mais l'espee tourna par la volonté de dieu qui le garda, nonobstant luy treucha vne partie du costé fenestre, & coula le sang iufques à terre de celui coup chancela vn petit le noble galien. Quand la dame apperceut le coup, incontinent elle ietta vn merueilleux cry, & cheut à terre toute pasmée. Tibers & henry estoient mont ioyeux du coup que burgaland auoit faict. Incontinent vint burgaland deuant galien & luy dit plusieurs iniures dont le noble galien fut mal content.

Quand galien entendit les parolles de burgaland, il print courage & le saint esprit luy doubla la force & haussa son espee, & frappa burgaland si bien qu'il luy fendit escu, heaume, coiffe par le milieu, & luy osta vne grand partie du tais & luy treucha l'oreille & la ioue & cheut l'espee au maistre os de l'espaule, & treucha le bras. Quand il sentitle coup, il fit vn cry, & dit Pilate & iupiter, vueillez moy aider Dieu n'a nul pouuoir, sa puissance est faillie, i'ay en ma vie conquesté trente champs de bataille, & les plus forts de romanie, & vn enfant ma auourd'huy vaincu, gueres nes'è faut que ie renie dieu & les saints. Galien luy dit tu le peux bien renier quand tu l'as renié deuant la compagnie. Burgaland qui n'auoit qu'un bras, cuida faire tóber galien par terre car il embrassa & fit tourner deux tours, mais Galien luy bailla du plomb beau de l'espee, & cheut par terre. Galien print l'espee de burgaland & luy en fedit la teste iufques aux dents, & mourut du coup.

*Comment apres que Galien eut tué Burgaland, Tibers & Henry, le voulurent mettre à mort, et comment ils baillerent laqueline à Anthoine de Thir, et à trois cheualiers pour la faire mourir, et comment ils assaillirent les Francois en leur logis.*

Chap. LIX.

**G**alien ayant mis à mort burgaland, il monta sur marcepin son cheual, & ainsi qu'il montoit dessus, henry vint avec plusieurs soldats pour mettre à mort galien, mais il se deffendoit fort bien. Tibers fit admener par force raqueline la mere de galien & la bailla à Anthoine de Thir, & à trois cheualiers, pour la faire mourir. ils prindrent la dame & la menoient bruler, dont elle dit, Helas faut il mourir à tort si vilainement. Olivier mon amy, vous

m'avez trahie: car vous deuez reuenir pour m'espouser, pour l'amour de vous j'ay nourry vostre fils qui m'a habandonnee pour vous aller querir, Mes freres me veulent faire mourir. Souuerain dieu que n'est icy charlemagne & les cheualiers françois. Quand galien ouyt ainsi sa mere le cœur luy fremit, car elle regrettoit son pere Oliuer. Adonc galien promit à dieu que s'il deuoit mourir qu'il secoureroit sa mere il alla avec les François lesquels strappoient dessus si vaillamment que tous fuirent en leur maisons. Galie se partit & alla vers ceux qui menoient sa mere sans que nul le suivist, & quand ils le virēt, ils se mirent en fuitte. Les françois qui estoient en la bataille retournerēt en leur logis estoit clos de bons murs, il y auoit tours & bonne deffence. Ils fermerēt les portes. & l'hoste dit, Seigneurs ne dōtez rien car la maison est forte mais que vous deffendiez bien, j'ay pour viure vn an. Beuues le remercia grandement & luy dit, sire nous auons perdu vn de nos parens qui estoit nostre secours dont grandement nous desplaist.

Ceux de la ville vindrent au logis criant rendez nous cestuy qui a tué Burgaland ou nous vous ferons tous mourir. L'hoste respondit. Seigneurs parlez paisiblement, vous deuriez aimer le cheualier qui a mis vostre sœur hors de danger, & vous l'accusez, à tort & maintenant vous luy voulez rendre paiement tres-cruel, & certes ie croy qu'à la fin vous en prendra mal ? Allez vous en gloutons, & pendez burgaland, car il a bien desseruy, & cōbien que ietienne mes terres de vous, ie ne vous daigneroye flatter, pendu soit qui vous flattera, car vous estes traistres, vous l'avez bien monstré aujourd'huy. Quand tiberns l'entendit, il cuida sortir hors du sens, puis il commanda que l'hoste fust assailly. Les grecs habitans de la ville & autres, l'assaillirent incontinent, l'assaut fut grand, mais il ne dura gueres.

Ils firent tant qu'ils rompirent les murs en aucuns lieux, & monterent dessus. Ceux de dedans se deffendoient mout vaillamment, mais quand ils virēt que les meurs se rompoient, ils crièrent vn cry haut. Adonc tiberns dit à ses gens, il sont maintenant pris. Quand l'euesque de Naples, Richard de la moree, Gautier de damas, Guichard prince d'esture, & le duc d'athenes entendirent les cris de ceux qui estoient en la maison, chascun d'eux alla en son logis, & firent armer leurs gens. Ils estoient quinze mille qu'à pied qu'à cheual, ils auoient promis à galien qu'ils luy aideroient selon la verité. Chascun partit de son logis richement accoustrez, & vindrent tous ensemble, les grecs estoient tous passez les murs, quand les Barons leur escrioient, disans, Faux traistres, vous faites tort à ce ieune cheualier qui a gaigné le champ. Vous le voulez vilainement meurdrir, la trahison que vous'avez commise appert bien maintenāt. Quand les traistres les virent ils firent bien esbahis, puis laisserent l'assaut & s'assemblerent. L'Euesques de Naples & les autres seigneurs commen-

cerent à frapper rigoureusement sur les grecs, chascun d'iceux croioit son enseigne. Puis ils se sont mis en la bataille tant d'un party que d'autre. Beuves, & sauarry escoutoient les cris & regardoient les champions qui se cōbatoient entre lesquels ils virent l'Euesque de Naples qui combattoit pour eux. ils monterent à cheual & sortirent du logis beuves vint le premier, & frappa Henry dessus l'escu, & luy rompit la bouche d'or dedessous, & l'abbatit ius de son cheual. Sauary vint deuant tibers & luy bailla si grand coup d'un espieu qu'il le mist par terre si rudement qu'on cuidoit qu'il fust mort. Les grecs vindrent avec eux, & ont remonté henry & tibers, adonc tibers dit à son frere certes si nous demeurons longuement icy nous serons mis à mort, alors henry respondit: certes vous dites vray mon frere, car le plus ieune de tous à vaincu Burgaland, il nous vaut mieux fuir & partir secrettement vous & moy. nous donnerons aux barons qui sont autour de nous grand somme de deniers à fin qu'il iugent nostre seur à estre bruslée, & les tiendrons pour nos amis. Adonc Henry dit, frere, vous dites bien. Jaqueline fut baillée à quatre cheualiers qui la menoiert mourir Tibers & henry avec aucuns de leurs amis s'enfuirent, dont furent esbahis ceux de constantinople, l'Euesque de Naples & Guyon de moree parlent à eux, & leur dirent qu'ils se rendissent, & qu'ils baillassent leurs armes. Laquelle chose ils firent tres-volontiers. & crierent mercy, & beuves & Sauarry leur pardonnerent. Tous les autres barons furent bien marris de ce que Henry & Tibers estoient eschappez.

*Comment apres que Galien eut gaigné le champ de bataille il poursuist les quatre cheualiers qui menoiert mourir sa mere, dont il en tua trois.*

Chapitre. LXVIII.



Galien s'en va brochardes  
 Gesperons pour attaindre  
 plustost sa mere, & rât cheua-  
 cha apres les quatre vilains qui  
 menoiert sa mere qu'il entra au  
 bois, mais les traistres batirent  
 tant la Dame tellement que le  
 sang luy sortoit de tous costez  
 dōc la damoiselle se print à crier  
 à haute voix disant. Helas de  
 malheur vous vis oncques o-  
 liuier la grand amour que ie  
 mis en vo' me couste cher, à mon fils galié vous me seriez maintenāt mestier

Car à grand tort on me veut faire mourir, vray Dieu qui te laissas crucifier, & clouer de gros clous, & qui mourus au mont de caluaire pendu en croix entre deux larrons pour le peché de nostre premier pere Adam, ainsi comme il est vray resus. christ pere droicturier, que mes freres me veulent faire mourir vueillez moy, iesus donnez briefue allegeance, & que ie voye encores vne fois mon fils galien Helas chascun me dit qu'il est bon cheualier, & qu'il a tué plus de dix mille paiens, las s'il estoit icy il me viendroit aider. Helas vray redempteur du monde, donnez moy maintenant secours à ma necessité, & me donnez grace qu'auant que ie meure, ie voye mon fils galien. Si tost que galien entendit crier sa mere, il brocha marcepin son cheual tât qu'il trouua les quatre cheualiers qui menoient sa mere, ils estoient en vne lade dessoubs vne roche. La damoiselle estoit si lassée des coups qu'elle auoit receus, qu'elle tombait par terre, puis les vilains gloutons la battoient pour la faire leuer. Quand galien les vit il se print à crier, & leur dit, ie vous iure mon ame que vous le paierez, laissez aller la dame, car vous la battez à grand tort. Quand les cheualiers virēt galien, ils dirēt l'vna l'autre. Voisi le cheualier qui a mis à mort burgaland, il faut bien dire qu'ils cherchent sa mort, quand il nous virēt epier. Les quatre cheualiers brocherēt leur cheuaux, & vindrent vers galien le quel print son espée & brocha Marcepin vers eux, dont trois cheualiers le blessèrent, & luy entamerent & percerent l'escu, & le firent ploier sur le costé senestre. L'autre blessa son cheual marcepin. Adonc galien frappa le premier de son espée & luy fendit le heaume, & la teste iusques au menton. Puis il cheut mort par terre. Quand les autres le virent, ils cuiderēt enrager & vindrēt vers galien le quel se deffendoit vaillamment: mais nonobstant si fust il fort blessé. Quand la dame les vit, elle fut fort esbahie, & se mit en fuitte, Galien donna tel coup à ferrant sur le heaume qu'il le fendit iusques aux dents, puis vint à Lorry, & le mit à piteuse fin galien fust bien marry quand il ne trouua point sa mere, car il auoit grand peur que les bestes sauuages ne la deuorassent. Il lia ses playes le mieux qu'il peut, puis alla cherchant la mere parmy le bois: mais elle fuit de buisson en buisson, de peur qu'on ne la trouuast. Il âc chemina la noble dame, qu'elle se trouua dessouz vn arbre d'ou sortoit vne mout belle fontaine prest laquelle s'assist la noble dame. elle estât mout trauaillée, tant de la bature qu'on luy auoit faite, comme de la peur qu'elle auoit eue. commença à reclamer nostre dame, luy priant qu'elle la voulsist garder de villain tourment, & qu'elle peut deuant son definemēt voir son fils galien & le coteoliuier son mary. Apres la reclamation faicte, elle s'endormit aupres de la fontaine, car la nuit estoit venue.

*Comment Henry et Tibers pendirent leurs sœur Iaqueline par les cheueux a vn arbre  
et comment Galien couppa la branche et la garda de la mort. Et comment  
il les mena prisonniers a Constantinoble.*  
Chap. LXIX.



**Q**Vád le matin fut venū, ti  
bers & héry vindrēt vers  
le bois pour sçauoir que leur  
sœur estoit deuenue, & com-  
mēt ils cheminerēt vers la fō-  
taine, ils la trouuerēt dormāe  
dōt ils furent fort ioyeux & in-  
continent descendirēt de des-  
seur cheuaux, & l'esueillerēt  
en la battāt de grāds coups de  
poing Quád elle fut esueillée  
elle se trouua si esbahie que  
merueilles quád elle vit ses deux freres, Helas or suis ie bien mal' arriuee. Et  
tibern, dit, vous serez pendus par les cheueux, & puis vous occiray. Or me di-  
tes cōment vous estes eschappée des mains des quatre cheualiers à qui ie vous  
auoie baillée pour vous mettre à mort, Helas plaïse vous me laisser viures en  
ce bois, & ie vous promets que iamais n'iray en vostre royaume, & ne me  
monstreray à nul tibers qui n'auoit point pitié d'elle, s'elcria disant ainsi, fol-  
le ie vous occiray, ou ie vous osteray les membres du corps. A ceste parolle ar-  
riua le cheualier, lequel estoit eschappé quand le noble galien tua les trois  
autres. Cestuy cheualier estoit nommé Amaury, lequel raconta à Henry &  
Tibers comment ses trois compagnons auoient esté occis par le cheualier qui  
auoit mis à mort burgaland, & comment la dame s'en estoit fuie par le bois  
de peur qu'elle auoit de voir telle occision. Et apres que cestuy cheualier eut  
raconté la façon & maniere à henry & Tibers, ils luy respondirent couart  
vous auez faussement menty, mais vous mesmes auez occis & tué vos trois  
compagnons, dont vous le comparerez. Tibers & héry courrouce en leurs  
cœurs, le pñdrent incontinent & le pendirent & estranglerēt à vn arbre qui  
estoit pres dela. Apres que les gloutons eurent fait mourir amaury, henry  
print la dame, & la pendit par les cheueux à vn arbre branchu. Quand elle se  
sentit ainsi pendue, elle cria vn cry si haut & si piteux que merueillestellemēt  
que galien l'entendit, car il la cherchoit par le bois. Incontinent il picqua son  
cheual Marcepin, tant qu'il vint au lieu où sa mer estoit pendue. Quand il la

vit, il fut tant marry quemerueilles, & luy saillirent grosses larmes des yeux car il cuidoit qu'elle fust morte. Il tira son espee Hauteclere, & du grand courage qu'il auoit, couppa la branche ou sa mere estoit pëdue, & cheut la dame à terre, dont elle fut bien ioyeuse quad elle vit galien, aussi futil pareillemēt quand il cogneut qu'elle n'estoit point morte. Tiber & henry cuiderent venir vers la dame, mais Galien les regarda bien d'approcher, & les deffia. Les traistres coururent incontinent sur Galien l'espee au poing, mais il se deffendoit fort vaillamment. Il estoit mout foible car il auoit esté fort nauré, & auoit beaucoup perdu de son sang, & faillloit qu'il combatir cōtre deux hōmes courageux & hardis. Quand la dame vit galien qui pour l'amour d'elle cōbatoit, elle se mit derechef en fuitte, & comme elle courtoit parmy le bois, elle rencontra beuues & sauary, lesquels queroient galien. Il y eut vn homme de constantinople qui leur auoit dit qu'il auoit veu galiē qui suiuoit la dame, & les quatre cheualiers, & les auoit suivis iusques au bois, & que Tiber & henry alloient apres. Quand beuues & sauary virēt la dame, ils ont prinse par la main, & luy demanderent d'ou elle estoit, & elle respondit. Seigneurs ie suis celle qui pour le champ fut faict hier au matin. Et ils respondirent, certes dame, le cheualier qui vo' deffendit est bien vostre amy, nous auōs eu grād peine pour luy, quand nous vo' auons garantie de mort. Beuues vit la dame qui auoit la robbe & la chair deschiree, dont il fut fort esbahy, & luy demanda cōment elle estoit arriuee au bois, & elle luy racomta comment galiē l'auoit garantie de mort. & dit. Il tua trois cheualiers en ce bois. mes freres m'auoient pendues par les cheueux, & m'eussent fait mourir si n'eust esté le cheualier qui m'auoit deffendue, lequel estoit arriuē, & auoit coupee la branche de son espee. Il est maintenant avec mes freres ou ils combatēt de l'espee & craignent la grand fureur de mes freres, ie me suis mise secrettement en fuite. Quand beuues l'entendit ainsi parler, la couleur luy changea. Il regardoient la dame mout piteusement adōc sauary luy dit, dame par la foy de cheualerie, il sera secouru au trenchant de l'espee. Puis la dame luy monstra le lieu ou elles les auoit laissez: mais ils ne marcherent pas long temps qu'ils ouirent le bruiēt.

Tant fut la bataille fiere entre les champions que le noble galien fut mis par terre, mais incontinent il saillit sur ses pieds l'espee au poing, & se deffendoit fort vaillamment le cheual de galien vint à Tiber, & se leua debout, & le frappa si grand coup des pieds de deuāt, qu'il le cuida confondre, puis l'empoigna aux dents, si fort qu'il luy froissa le harnois. Puis vint à henry, & luy bailla si grāds coup des pieds de derriere contre le costé, qu'il luy rompit vne coste, & le coucha par terre. Quand il fut leuē sur les pieds, il vint à galien d'ū costé, & tiber de l'autre, & frapportoient sur galien si fierement que merueilles

& aussi galien sur eux de si grande & merueilleuse force que la bataille ne pouuoit finer. Quand beuues & sauary les virent, ils crièrent a haute voix, vienne & vindrent viftement au secours de galien. Sauary frappa henry si fierement, qu'il l'abbatit par terre. Quand galien les vit, sa force luy redoubla & frappa Tibers de si grand puissance qu'il luy trencha le heaume, & luy tourna la coiffe, & luy trencha l'oreille, dont il cheut par terre, & beuues luy print l'espée, qui estoit belle & puissante. puis lui desarma la teste, & luy vouloit couper, mais galien luy donna respit iusques à ce qu'ils fussent à constantinople, afin qu'on en fust iustice, telle qu'il appartenoit en tel eas. Beuues en fut fort ioyeux. & prindrent les deux traistres, & leur mirent à chascun vn licol au col & les menerent en la vile de constantinople. Galien monta sus son cheual Marcepin, bien en grand peine, car il estoit fort nauré: & tant auoit perdu de son sang, qu'il auoit le visage tout blanc. Quand la dame les vit, elle eut grand peur: car elle les fuioit de tous costez. Quand galien la vit, il en eut grand pitié Et luy dit ainsi, deme pour l'amour de vous i'ay souffert tres grande peine, adonc la dame luy respondit certes noble cheualier, i'ay enuoyé mon fils au noble roy de france, pour aller querir son pere oliuier, le plus noble du palais ie suis demeuré seule sans auoir nuls amis. On m'a faussement accusé du cas que vous sçaez, dont à grand tort vous & moy auons souffert & enduré grand mal. ie requiers & prie nostre seigneur iesus-christ, & à sa glorieuse mere qu'il leur plaise de vous rendre le merite. car vous auez iecté mon corps hors de grand tourment. Quand tibers & hery ouirent ainsi parler leur sœur ils furent si marris que l'eussent volentiers meurtrie. Alors galien print sa mere par la main, & la mit deuant luy, & cheminerent tant qu'ils furent hors du bois, ou ils trouuerent leurs gens lesquels, faisoient grand dueil, Guion le duc d'athenes menoit grand dueil, aussi faisoit le seigneur d'esture, & Richard de damas, mais quand ils virent galien & sa mere, ils furent mout ioyeux, & les François encores plus, & generally les grands & les petits, se resiouysoient, parce que les traistres estoient prins. Adonc le commun retourna en la ville, quand galien fut à constantinople, il fit interroger tibers & Henry deuant tous les barons, & ils cogneurent qu'ils auoient fait mourir le roy hugon leurs pere. Les barons dirent tous qu'on les deuoit traier. incontinent ils furent attellez à cheuaux, & traiez par la ville, & puis furent pendus au pied d'une muraille. Et galien commença a dire deuant tous. Seigneurs vous auez leu la trahison, laquelle on disoit auoir esté faicte par la dame, & vous voyez bien le contraire.



**A** Pres que Tibers & henry furent pendus, pour la trahyson qu'il auoient commis, en faisant mourir leur pere par poison, galien dit deuant tous les assistans, Seigneurs, or sont par leur trahyson morts ceux qui deuoient succeder au roy hugon. La dame qui est icy present doit comme vraye heritiere, tenir la succession de la couronne. Parquoy ie vous prie que luy vueillez donner mary qui soit noble & vaillant, pour maintenir la terre en paix, & le peuple en amour. Sire dit la dame. ie prie au nom de iesus que neme parliez iamais de mariage, iamais ie n'espouseray autre que le comte oliuier, car nous auons promis foy & loiauté l'un à l'autre. i'ay vn beau fils de luy, lequel l'est allé querir, & quand il sera venu il m'espousera. Quand galien l'entendit il ietta vn grand soupir, & luy dit, dame sçachez de vray que i'ay le cœur triste, quand me souuient du comte oliuier. Les paiens l'ont occis en ronceuaux, ie l'ay veu mort & vif, & ay parlé à luy. Sçachez aussi dame de vray, que ie suis galien vostre fils, qui partit pour l'aller querir, quand mon oncle Tibers me frappa de l'eschiquier.

Quand la dame l'entendit ainsi parler, elle cria vn piteux cry, puis cheut parmee à terre. Quand elle fut reuenue, elle commença à plorer, & vint vers galien & le baïsa & accolla doucement que merueilles, & dit Loué soit le fils de dieu, quand il m'a donné grace que ie trouuē mon fils, & que ie le voy en santé deuant moy. De tout mal que i'ay souffert, & enduré, il ne m'en chaut puis que i'ay recouru mon enfant. Quand les Barons la virent, il en eurent pitié, tant que la pluspart plouroient, & disoient les vns aux autres, ie pésoie bien que c'estoit il, mais ie n'en osoie nullement parler, de peur que ses oncles ne l'eusse occis. tous les nobles barons se sont assemblez en cōseil, & conclurent qu'ils le feroient seigneur du pays. Incontinent ils monterent au palais, & desarmerent galien, beques & sauarry, on fit venir medecins & cirugiens pour guarir galien. La dame qui auoit tousiours le cœur à oliuier plouroit sans cesser, mais galien la reconfortoit: disant ainsi, cest grād folie de tant plorer mō pere qui est mort, puis qu'il n'apeu eschapper, priez dieu qu'il luy vueille faire pardon. il faut que vous espousiez vn noble baron, pour maintenir ceste terre. Elle luy dit, mon enfant ie vous prie que n'en parliez plus car iamais ie n'espouseray homme viuant, pour chose qu'on me die. mais de present ie promets & voues chasteré à iesus christ, & veux estre Nonnain, & vous aurez la terre s'il vous plaist. Vous serez roy, & maintiendrez le pais. Et tous les barons dirent qu'elle auoit bien delibéré, car il appattenoit mieux qu'a nul qui

l'auoit vaillamment conqueſté qu'à vvn autre qui toute la nuit à dormi en ſon lit. Tous les barons & cheualiers du pays, & de toute la contrée ſe trouuerent & monterent tous enſemble au palais & couronnerent Galien ſomptueuſement, & en firent grand feſte & ſolemnité.

*Comment quinze Roys payens vindrent aſſaillir le chasteau de Mont-fuſeau ou eſtoit la belle Guinarde, et comme les francois gaignerent l'eſtendard des payens.*

Chapitre LXXI.



**Q** V and les payens ſceurēt que Galien eſtoit ſi long-temps hors du pays, ils penſerent qu'il eſtoit allé a Paris afin d'eſtre empereur, & ne retourneroit plus à Mōtfuſeau. Si aſſaillirent le chasteau, & Galien eſtoit à Conſtantinople avec pluſieurs nobles barons auxquels faiſoit vn ſumptueux diſner, & ainſi comme ils faiſoient bonne chere, vn meſſager arriva le quel entra en la grand ſalle, & ſalua Galien en diſant, noble roy, Guinarde vous ſalue & vous prie au nom de Jeſus-chriſt qui ſouffrit mort & paſſion que vous la ſecouriez, car les ſarrazins ont aſſaillie le chasteau de mont-fuſeau. Ety eſt l'amatour des cordes, le Roy Fauſſeron, le Roy Clarion, d'Alibrant de Cecile, le roy Rubion, Aquilant de lucerne, le Roy Amalegeres, le roy Amadon, d'amible de Superne, Carbin d'airable, le roi Conimbres, le roy Norion, Turfier de luzebonne & le roi Lucion. Ils ſont quinze rois qui ont iuré Mahon & taruagant, que iamais ne retourneront qu'ils n'ayent aſſe & brulé voſtre femme Guinarde, par laquelle les frāçois furent deliurez de priſon, & qu'ils vous feront pendre, & Girard, Hernaud Emery, Sauary & Beues. Girard voſtre oncle eſt prins & le tiennent en priſon, & croyez de vrai qu'ils le feront mourir ſi de bref ne le ſecourez, & Galien l'entendant fut ſi dolent & marry que merueilles, & print vn couſteau & en frappa ſur la table, & puis ſe leua & ſe pourmenoit parmy le palais fort triſte & dolent. Et puis il dit à ces gens, ſeigneurs ie vous prie qu'il vous plaiſe de venir avec moy car il eſt de neceſſité. Adonc il fiſt ouvrir tous les threſors du chasteau qui appartenōient au roi Hugon, & les departir à tous tant que chacun en eut ſuffiſamment, & puis apres ils crierent tous à haute

**Sire** quand il vous plaira vous partirez: car nous sommes tous delibere vous suiure, & ne vous laisseront iusques a la mort. Galien fut resioieux d'il ouit le confort de ses gens, il fit incontinent crier son ban, que tous sont prests & armez. Les barons firent charger, les nerfs de bled & de vin, de pois & de chevaux. Les preparations furent faictes, & le tiers iours entre-les nefes. Galien fit son hoste chastelain, car il l'auoit bie gardé en sa mai- il print honnorablement congé de sa mere, laquelle pleuroit tendremēt pasma tant auoit le cœur triste & marry. Apres qu'elle fut reconfortee en entra dedans la nef, avec beues & sauary & tous ses gens, puis il descendirent les mats des nauires, & tant nauigerent par mer, qu'ils arriuerent à uement au soir à ferme terre y auoit vn admiral puissant nommé lorbaine en print la cité, & fust ledit admiral lié estroitement, & puis il fut mis en e prison. Puis apres ils marcherent par terre iusques à mont fuseau. Le flager Mauprin qui sçauoit les adresses, le conduisit, & logerent six lieue l'ost de lamathour. Le marin galien commanda l'auât garde à beues sa- ry & emery, & leur fit donner de bons gens d'armes, tant qu'ils estoient en- on dix millé. ils firent mauprin maistre comphanonnier. incontinēt l'ost mmença à marcher les meilleurs & les plus grands deuant. ils auoient de- nt eux troismille qu'archers qu'arbalastiers, ils passerēt vne plaine, & mō- rent vn grand rocher, & virent deux sarrazins qui espioient, & avec eux e- oient deux mille autres sarrazins, qui menoient girard & hernaude en prisō lesquels ils auoient prins deux ou trois iours deuant, quand ils saillirent pour uoir des viures pour le chasteau. ils les menoie attachés de cordes, & avec eux trente prisonniers attachés si estroitement, que le sang leur sortoit par les ongles, ils prioient iesus christ qu'il leur voulsist aider, & disoyent à galien, amais ne nous verrez non fera pas la belle guinarde, beues & sauary les ou- rent crier, il mērent la lance en arrest, & brocherent leurs chevaux, tāt que la rencontte fut grande, beues frappa brandimur parmy l'escu, et luy trauerfa la lance parmy le corps. Sauary abbatit vn autre payen. Si tres vaillamment firent les François, que les payens semirent en fuitte. et les gens de galiē cou- rurent apres. Mauprin desliagira et les autres prisonniers, et leur bailla à chascun cheuaux et armes. Puis ils cheuaucherent apres les sarrazins au tra- uers d'vne imperueuse riuiere. S'ils n'eussent esté bien montez, ils eussent esté noyez. ils estoient bien trente mille sarrazins dōr les françois en tuerēt bien dix mille, en contant ceux qui furent noyez. Le demourant se tourna en fuite. Parquoy beues & sauary sont retournez ioyeux de ce qu'ils auoiēt re- conuert girard et hernaude, et les trente prisonniers, lesquels il baïsoïēt et ac- coloient souuent. Galien vint apres, et les gēs, lequel fut tres- ioyeux. Quād

il vit ses oncles, ausquels il demanda comment se portoit sa femme guinarde girard luy respondit tout bas. Elle a beaucoup de necessitez, car les viures n'ont faillis il y a huit iours, nous sortismes hors, mais les sarrazins nous prirent, & nous menoiert liez bien estroitement, beunes & sauary nous ont ont recouuers & gardez de mort. Puis que vousestes sain & sauf, secourez la dame, car elle vous a bien aimé. Elle dit en grand melancolie de ce que vous auez tant demouré. Cependant qu'ils discouroient ensemble, vn payen vint à l'admiral, & luy dit: Sire nous sommes eschappez des mains de galien, lequel ameine si grand nombre de gens qu'a peine les scauroit on nombrer, ils nous ont desconfits, & quasi tous tuez, mais nous nous sommes mis en fuite pour nostre vie sauuer, sçachez que si vous les attendez vous serez tous morts & desconfits, car se ne sont pas hommes mais diables, quand l'admiral entendit ces parolles il cuida enrager de despit il fist crier que incontinent chascun fust prest, les principaux coururent à l'estendar, chascun se prepara, ceux qui assailloient le chasteau furent si espouuentez qu'ils se laissoient choir dedans les fossez à grand troupeaux. L'admiral & ses gens se rengèrent pour mieux faire bataille, & dresserent leur estendart. Aquiland de corlade eut la charge de le garder, galien fit ses approches des payens sans nul delay, Puis dit à ses gens, seigneurs l'ay pitié de vous, car si l'audra que soyez maintenant trauaillez de frapper sur les mauidits mescreans je vous prie tous que chascun soit bon & loyal, & pensez chascun de prendre bon courage: car le grand dieu qui est lassus vous remunerera. A ceste parolle se sôt tous embrassez, requerât nostre seigneur qu'il luy voulsist estre adiuteur. Puis se mirēt en bon ordre & s'en allerent par grand courage sur les paiens, & l'assemblément des lances furent faicts grand noises & debats. Le noble galien honnestement s'emploit, girard & Emery frapportoient à vn costé, & beunes, & sauary estoient dedans les cours. Et telle desconfiture fut alors faite, que des payens en mourut bien dix mille & se reculerent vers l'estendart. Quand l'admiral les vit il cuida enrager de despit, & fit rallier ses gens, & les fit venir sur les françois. Guerin de neufmarge estoit la, qui rencontra le roy corbion, & le mit à mort. rofian du plaissis occis le roy gracion. Les paiens occirent le duc d'Esture, Richard de la Moree estoit en grand danger, mais galien le vint secourir, & fierement frapportoit sur payens. Quand il vit le duc d'esture, il dit Ha faux paiens si mon espee ne rompt en deux, que de c'est an vous nefistes pire folie. D'autre part galien vit le Viscomte de Naples en grand danger, dont Guichard de la Moree s'escria, disant. Ha sire galien nous auons maintenant mestier de vous, & si vous ne nous securrez iamaïs n'eschapperons d'icy sans mort. Quand galien l'entendit, il appella beunes, Emery girard hernaude & huon, & leur dita haute voix. Barons suyuez moy maintenant, & vous tenez serrez, car les payens

*Galien restauré.*

sont forts & ont si grand nombre de gens, que c'est grād pitié & si dieune bataille avec nous, nous ne les desconfirons point. ie vous prie que nul ne se faigne & i'espere que dieu nous aidera. ils respondirent, nous ferōs ce que vo<sup>9</sup> commanderez. Galien brocha son cheual, & passa au trauers du destour de compharion, & frappa le roy machabre, si vaillamment, & de telle puissance qu'il perça à trauers l'escu, & le corps, puis cheut tout mort par terre, puis il tira son espee hauteclere, & vint à vnautre, & luy donna si merueilleux coup qu'il tomba de dessus son cheual mort par terre. Hernaud occist le roy Fausse ron, & girard vint à salepren, & le mistius de dessus son cheual & tomba mort par terre.

Emery occit le roy corbon, & beuues frappa de si grand puissance qu'il sembloit que ce fust vn lyon, tant auoit merueilleux courage. Eebref plus de dix mille paiens moururēt, Salomon fut recourts par les chrestiens, & estoiet en grand doute par le duc desture. Galien fit sonner vn cor & i'alias gens & chasserent les paiens iusques à l'estendart, & en firent grande occision. Galie print couraige, & vint à Aquillant de corsande, & à vn autre roy. Les payens se mirent en fuite, & les françois couroient apres, les payēs alloient disāt les vns aux autres. nous sommes bien mal'heureux quand ainsi nous laissons desconfire à ces chrestiens. L'admiral est bien fol de penser auoir les françois, galien donna tel coup sur l'estendart des paiens que leur dieu iupiter & Tauantgiant cheurent par terre, & se rompirent par pieces, dont les payens furent fort desplaisans. L'admiral cuida enrager quand il vit que l'estendart estoit perdu & qu'il voioit ses gēs fuir de toute parts, il les cuida rassēbler mais il ne peut car ils fuyoient d'vn costē & d'autre. Galien vint frapper vn Turc, l'vn des merueilleux qui fut en toute turquie: car il estoit grand & robuste, le visage auoit si furieux que nul ne l'osoit regarder, & tel coup luy donna galien sur le heaume, qu'il le fendit iusques aux dents. Beuues & lauary frapportoient sur payens mout fierement. L'admiral cuida perdre le sens, quand il vit les françois si victorieux. Incontinent il s'enfuit & n'emmena avec luy que le quart de ses gens, & en s'enfuiant disoit qu'il feroit pendre ceux qui auoient laissé perdre son estendart.

*Comment l'Admiral s'enfuit au chasteau de Montiardin. et comment Galien le suivist apres qu'il eut baillé des viures a la belle Guinarde.*

Chapitre. LXXII.

**V**Oyant l'Admiral la desconfiture de ses gens, il fust desplaisant en son cœur, & se mit en fuite. Galien, & les autres françois mettoiet tout au trenchant de l'espee. Plusieurs payens furent occis sur le bord de la mer, & les

autres noiez, & tant y'en eut de morts qu'on n'en sçauoit le nôbre, ceux qui eschapperent fuyrent avec l'admiral en vn chasteau nommé montiardin. Quand galien vit que les paiens auoient tout abandonné, il vint en leur tentes, ou il trouua de moult grâdes richesses, lesquelles il fit porter au chasteau de Mont fuscay. Quand galien entra au chasteau, il fut moult desplaisant en son cœur, car il vit les murs abatus, les fosses réplis, les palais rûpus, les salles gastes, les tours demolies, & la porte par terre, les cheualiers, bourgeois, bourgeois, & tous les habitans estoient si affamez, qu'ils estoient tous desconfoulez. La belle guinarde auoit ia esté deux iours sans manger, mais quand elle sceut de vray que galien estoit venu & qu'il auoit deliuré ses deux oncles, & que les Payés estoient desconfits, elle mena grand ioye, & alla au deuant de galien, & le baisa & accolla doucement, & quand il la vit si maigre il luy dit, dame vous auez eu famine, dont il me desplaist, & elle luy respondit. Sire il ne m'en souuient plus, mais si vous eussiez plus longuement demeuré ie fusse morte de douleur & tourment. Lors ils monterent au palais pour prendre leur refection, incōtinent le soupper fust prest, les nappes mises, puis galien s'assit & la belle guinarde aupres de luy, galien dit seigneurs & dames faites bonnes cheres, car nous auons viures assez, vous auez esté vn petit affamez: mais dieu vous a aidé. Quand chacun eut prins son repas les tables furent ostées, puis galien fit appeler tous les habitans de la ville pour sçauoir qu'il auoit perdu tât de biens meubles qu'en vnaison bruslees, & quand chacun eut dit son dommage il les restitua de leur pertes. il departit à ses gens d'armes tât grâds que petits tout le thresor qu'il auoit conquis, tant qu'ils disoient les vns aux autres dieu vueille maintenir galien, car il nous a donné tout ce qu'il a conquis sur les Sarrazins. Chacun se coucha & reposa ceste nuit. Le matin galien commâda aux cheualiers qu'ils fussent tous prests, ils les suivirent iusques au chasteau de moniardin. Mauprin qui la preiēte estoit dit à galien. seigneur galien, ie vous prie amenez vistement vos cheualiers, & j'iray deuant cōrefaire l'espie, & si ie puis j'entreray au chasteau, car ie sçay bien parler leur lāgage, ie suis sarrazin & si ay tenu la loy de mahon. mais dieu mercy ie suis baptisé & si veut viure & mourir bon chrestien en vostre foy. Si ie puis estre dedans, ie vous y mettray maugré toute leur puissance. Allez dit galien. Je prie à dieu le createur tout puissant qu'il vous vueille bien cōduire. j'iray apres vous avecques mes gens, & logeray mon ost deuant le chasteau, & s'il sortent nous combattrons contre eux, mais montrez nous enseignes. mauprin respondit. De cela n'ayez doute: car ie ne faudray pas. il print cōgé des françois, & s'en alla vers les paiens sur vn rousin, & quand il vit le chasteau, il descendit de dessus son cheual en la pree, il print vn baston qu'il trouua sur la terre, & le tenoit en sa

main, il cheminoit pas à pas & s'appuioit sur ledit baston & feignoit d'estre boiteux. Quand les payens qui estoient au chasteau le virent ils dirent, voicy vn satrazin qui vient fort se complaignant, il est durement nauré car il ne peut marcher, ouurez luy tost la porte & le faictes boire & manger, car il en a bon mestier. Mauprin alla iusques au maistre donion contrefaisant le boiteux, on lui ouurit la porte & quand il veit les payens il se mit à genoux & les salua de par mahom & Taruagant. Les paiens luy demanderent d'où il estoit, & il leur respondit, seigneurs i'ay grand despit que vous me demandez qui ie suis, ne me cognoissez vous pas bien. Non ce dirent les paiens si tu ne nous diston nom, puis il dit : ie suis le baron mauprin, les François me prendrent il y a long temps, & m'ont tenu en prison à mont fuseau, le mary de la fille a esté long temps hors du pays, mais il est reueu avec grand nombre de gens, & pour la grande ioye de la venue Guinarde ma mis hors de sa prison, & m'ont donné à boire & a manger, & si sçai autant de leur affaire qu'homme du monde. Les paiens le menerent au chasteau, quād mauprin fut entré on ferma la porte & le mena on en la salle, ou on lui demanda comment les françois auoient ordonné leur armée. Il y auoit vn admiral & vn roi paien si fort qui estoit venu au secours de l'admiral. Cestui admiral dit a mauprin, ie te promets que les françois sont mauuaises gens en bataille, ils ont deffait nos gens depuis trois iours, nul ne les peut vaincre au trenchant de l'espée, sire dit mauprin vous dites verité, ils ont mis à mort beaucoup de vos gens & feront encores deuant qu'il soit nuit, si vostre armee n'est bien ordonnée par bon moien & bon conseil, car galien vient qui amene plus de trente mil combatans. Adonc l'admiral dit, hélas nous ne demeurerons gueres deuant eux. Adonc mauprin luy respondit, si ferez sire admiral & n'en faictes pire chere, car tant que i'ay esté en leur prison i'ay entendu dire par les gens de leans la maniere comment ils prennent les chasteaux en france, & pareillement la maniere de les deffendre, car si i'estois en ce chasteau & cent hommes avec moy i'a deffierois toute l'armee des françois, & ne craindrois chose qu'ils sceussent faire, & fussent ils deux fois autant. Adonc l'admiral lui dit, si me voulez dire la maniere ie vous donnerai tant de richesses que iamais n'en aurez fautes, car i'ay grād desir de mettre a fia les chrestiens, sire admiral dit mauprin ie suis en ce lieu pour vous aider, car iamais ne les vaincrez sinon par moy ie sçay leur maniere de faire. L'admiral pria de rechef mauprin qui le voulust loiaument conseiller, & mauprin lui dit, quand vous verrez venir les françois deuant le chasteau & à l'entour, vous attendrez iusques au soir, puis ferez appareiller le roy Brisemur, lequel menera avec lui dix mil hommes & irons coucher dedans le bois ci pres & ne sonneront mot iusques au matin qui sera grand iour, puis me baille-

rez vn bon cheual & iray aux françois comme messager, & leur diray que n'avez que manger & qu'ils viennent hardiment en ce chasteau & que vous luy rendrez sans danger, & quand ils viendront au chasteau ie seray sur la porte pour mieux les tromper, & en laisseray entrer dedans deux ou trois cés & quand ils seront vers le palais vous les ferez tous occire, & le roy brisemur viendra par derriere & occira ceux qui seront dehors. Quand l'admiral l'entendit, il dit mauprin cher amy vous avez bien deuisé ie vous prie mettez la chose en effect, mauprin luy accorda, mais garde n'auoit de ce faire car il ne desiroit que la mort des payens, & ses gens cheuaucherent tant qu'ils arriuerent deuant Montiardin auquel lieu posterent leurs pauillons, & y logerent iusques le matin. Le roy Brisemur & dix mille payens s'en allerent au bois pour faire l'embusche, l'Admiral prioit souuent mauprin de mettre la chose à fin & que plusieurs biens luy feroit.

*Comment Galien tua Brisemur, et comme il print le chasteau de Montiardin.*  
Chapitre LXXIII.



**D**Es le point du iour, l'admiral vint à mauprin, & luy pria qu'il accomplist le conseil qui luy auoit donné afin que les chrestiens fussent tous occis. mauprin luy respondit. si il vous plaist de me donner congé volôtiers iray, & leurs diray comme nous l'auons conclud. et l'admiral luy octroia mauprin print vn cheual & monta dessus, puis sortit de hors du chasteau, & cheuaucha s iusques à l'ost de galien, quand galien le vit il luy dit, Mauprin comment vous va vo' avez vn autre cheual que n'auiez hier, il est vray dit Mauprin & si ay tant fait que ceste nuict logerez au chasteau de Montiardin. Galien le remercia luy demandant par quel moyen. Mauprin luy dit, sire i'ay dit à l'admiral que ie vous ferois entrer au chasteau pour vous faire mourir, & en bref luy conta toute la maniere, & comment brisemur estoit au bois embusché, quand Galien l'entedit il fut mourioyeux & se mirent chacun en armes, vistemment allerent assaillir les dix mil payens qui estoient embuschez dedans le bois, Mauprin s'en retourna au chasteau, dont l'admiral fut tresioyeux, mais il ouyr les coups que les fraçois donnoierent sur les



sur les payens, qui estoient au bois dont il auoit grand doute, nonobstant il enquist mauprin, & il luy dit que les françois venoient au chasteau. Adonc l'admiral dit par mahon ie suis en fantasie, il me semble que i'oy les especes frapper sur les heaumes, & mauprin respondit, sire sçachez pour vray que ce sont les françois que i'ay veus & cudent maintenât entrer au chasteau, mais nous les ferons mourir de mort cruelle, adonc on laissa choir le pont du chasteau & ouurit on les portes. L'assaut fut dedans le bois tellement que plusieurs payens moururent, mauprin alla vers l'admiral & luy dit, sire ne faillez pas qu'incontinent qu'ils seront passez la porte qu'ils ne soient tous occis car ie fermeray incontinent la porte, quand le roy brisemur qui estoit au bois vit Galien il s'escria, & les payens sortirent sur les françois, Galien mit la lance en l'arrest & brocha son cheval vers brisemur, & se donnerent sur leurs escus de si merueilleux coups qu'ils les fendirent par dessus les boucles, & furent les lances si fortes qu'ils cheurent tous deux par terre, si saillirent sur les pieds, & brisemur tira son espee & frappa galien sur le heaume si fierement qu'il abbatit les fleurs & les pierres, le cercle fut si fort que l'espee ne le peut entamer mais coula sur l'espaule & luy desmailla bien cēt mailles de son haubertion & luy coupa l'esperon de derriere, tāt que l'espee entra bien vn pied en terre. Quand galien sentit le coup la couleur luy changea & dit, paien tu es à priser car tu manies bien vn espee, & te prie de me dire ton nom, certes tu ne me le dois pas celer. Le payen luy dit, françois ie ne te le nieray pas, sçache que i'ay nom brisemur, ie suis frere de turcier, & ny à si fort mur au monde que ie ne mette par terre, & galien luy dit, sçaches payen que i'ay nom brise teste, c'est bien dit ce dit le payen à tel pot telle cuillier. Lors galien haussa son espee & frappa de si grand force sur brisemur qu'il luy fendit la teste & cheut mort par terre, & les françois eurent tantost vaincus les dix mil payens qu'il auoit mené dans le bois, puis apres ils vindrent au chasteau & leur ouurit on les portes, Mauprin estoit à la porte coulisse, & l'Admiral cuidoit qu'il deust vistement auer la porte quād il verroit entrer galien & trois ou quatre cens des barons, mais il n'auoit garde, car il laissa entrer tous les françois dedans le chasteau, galien auoit son espee en sa main & commença à frapper, aussi fit girard, hernaude, beuues, Savari & les autres françois en telle façon qu'ils tuoient hommes & femmes, sinon qu'ils voulussent croire en iesus-christ. Quand l'admiral vit telle desconfiture de paiens, il escria à mauprin disant, mauprin laisse choir la porte coulisse, non feray dit mauprin si Dieu me peut sauuer. Quand l'admiral entendit que mauprin parloit de Dieu, il cogneut bien qu'il estoit trahi & le coniura, disant Mahom mon dieu te puisse confondre, & du courage qu'il eut se mit en la bataille des plus auant, tellement qu'il rencontra galien deuant luy, mais incontinent qu'ils

s'entreurent ils prindrent courage tellement que Galien vint vers l'admiral & tel coup luy donna qu'il luy trencha la teste de dessus les espaules, puis rompit les prisons & deliura les prisonniers & les fist monter sur bons cheuaux, & oncques payen n'y demeura qui ne fust mis à mort. Il fit abbarre le chasteau de Mont iardin & fit porter toutes les bonnes pierres à montfufseau pour refaire le chasteau & la ville. Galien & ses gens s'en retournerent louans Dieu toyousement de la victoire qu'ils auoient eüe. Guinarde vint au deuant de Galien en mout grand ioye, & les nobles cheualiers entrerent à montfufseau en grande liesse.

Incontinent galien manda querir ses massons de toutes parts & fit refaire la ville & le palais à ses propres frais, il restaura à chacune ce qu'il auoit perdu & demeura en bonne paix avec ses gens, & souuent remercioit nostre seigneur de la victoire qu'il auoit eüe contre les payens, girard & hernaudeux cognoissant que galien estoit en bonne paix, & aussi que long temps auoit qu'ils n'auoient esté en leur pays, vindrent à galien & luy dirent, beau neueu dit hernaude, ie m'en veux aller visiter mon pais vous scauez que long temps y a que ie ny fus, & moy aussi dit girard, & meneray avec moy beuues & sauary, & mon neueu emery. Quand galien entendit qu'ils s'en vouloient retourner, il fut si dolent qu'il n'est possible de le croire & se prindrent tous à plorer. Tous les nobles barons se prindrent à ietter grosses larmes des yeux tant estoient desplaisans. Girard appella galien & luy dit, mon neueu ie vous prie que tousiours soyez loyal & doux, & n'entretenez point flatteurs ne menfongers, soyez large & chacun vous aymera, honorez Dieu & l'eglise & de chacun serez honoré, laquelle chose Galien promist d'ainsi faire.

*Comment apres que les oncles de galien furent departis, il donna son royaume de Montfufseau à Mauprin, puis s'en alla à constantinople, et mena sa femme la belle guinarde.*

*Et comment il mourut en ranceaux aupres de la sepulture de son pere Olinier.*

Chap. LXXIII.

**S**I tost que galien vit que son oncle girard se vouloit departir de luy, il luy donna trois sommiers chargez de fin or pour faire ses despens. Il print congé de la belle Guinarde qui fut tres marrie de son departement & le remercia humblement de la bonne compagnie qu'il luy auoit tenuë & de la peine qu'il auoit pris d'aider a conquerir le pays, il emmena avec luy beuues & sauary, hernaude se departit aussi & mena avec luy son fils, Galien les conuoya assez loing & print congé d'eux si piteusement que les larmes luy toboient des yeux, & ny eut cœur si dur qui n'eust pitié de les voir. Il les baisa tous l'un apres l'autre & aussi fit guinarde & les barons. apres le con-

gé prins galien guinarde & les autres barons s'en retournerent à mont-fuscau & reconforterent ceux qui estoient orphelins, & les sēmes veufues, & maria richement les pauvres pucelles. Vn iour galiē estoit en son hostel, il souuint de son pere oliuier, dont le cœur luy soupira. Adonc il dit à la belle guinarde qu'il vouloit aller à constantinople, laquelle chose il fit, & bailla tout le pais en garde à mauprin, & aussi donna à durgand le portier grandterre, il prepara son fait, les nauires furent prest, puis entrerent dedans, & tant nauigerēt par la mer, qu'il arriuerent par vn samedy au port de s. George, & quand ils furent arriuez & que ceux de constantinople sceurent la venuē, ils allerent audeuāt en procession & triumphe. Apres les solennitez faites, il couronna guinarde royne de constantinople apres la messe ouie, presens tous les barons du pais, & dara la feste vn mois entier. La noble dame mourut sans auoir nuls enfans dont galien eut tel courroux en son cœur, qu'il print vn pauvre habit & se partit de constantinoble secrettement & s'en alla querant sa vie mout pauurement par le pais, & tant chemina qu'il arriua en ronceaux ou oliuier son pere estoit enterré. Quand le noble galien fut pres de la sepulture de son pere, il commença à faire les plus merueilleux regrets, pleurs & l'amérations qu'il eust esmeu toute nature humaine à plorer. Apres qu'il eut fait plusieurs pleurs & regrets son noble cœur se ferra si fort qu'il cheut à terre tout pasmé, & la demoura longue espace de temps, puis quand il fut reuenu, il se declara à ceux qui pres de luy estoient qu'il estoit galien fils d'oliuier le Marquis, & de laqueline fille du roy hugon. Apres qu'il se fust déclaré il ioignit les mains, puis fit vne mout belle oraison à nostre Seigneur, disant ainsi o dieu eternal, gubernateur de tout le monde, ie te supplie qu'il te plaise au nō de ta benoistie passion laquelle tu souffris pour nous racheter des peine d'enfer, que tu aies pitié de ma pauvre ame, puis renuersa les yeux enuers le ciel & rendit l'esprit à nostre seigneur. Ceux de ronceaux manderent incontinent à ceux de constantinoble comment il estoit mort, lesquels le vindrēt querir, & noblement l'ont enterré dedans constantinoble. Vous pouuez proposer que son ame est au royaume des cieux, en laquelle nous vucille conduire le pere, le Fils & le saint Esprit.

Ainsi soit il.

Comment charlemagne fit venir deuant luy le traistre Ganelon en son palais de Laon, ou  
il le voulut faire mourir, mais il demanda chmap de bataille contre le duc d'Anjou,  
lequel luy accorda, & comment le traistre fit ferrer son cheual a rebours  
et s'enfuit. Chapitre. LXXV.



Pourcequ'il a esté cy deuant  
fait mention de la mort de  
roland, d'oliuier & des autres  
pairs que ganelon vendit aux  
païes l'esquelles choses n'auoient  
point dit cy-deuant, cōment le  
traistre ganelon fut puny, mais  
à esté par auant dit cōment il  
fit la trahyson. Pour cestecause  
c'est à sauoir qu'apres que char  
lemagne eut vaincu le roi mar  
sille & belligāt, & qu'il eut fait  
enterrer les morts & eut fait chanter pour leur ames, il retourna en france,  
& ne cessa oncques de cheuaucher tant qu'il vint à laon Laonnois. Quand  
il fut arriué en son palais, il enuoya querir le traistre ganelon pour en faire le  
iugement. Et quand il fut deuant l'empereur, il luy dit. Traistre vous m'avez  
bien faussement trahy moy & mes gens dont en ferez puny griefuement. Ha  
dit ganelon. Sire vous m'accusez à tort iamais ie ne pensay à commettre tel  
cas. Par dieu ce dit le duc d'anjou vous mentez faussement ie le veux prou  
uer au trenchant de l'espee, & voyez la mon grand de bataille que ie iette. Et  
ganelon le leua & le duc demanda pleige. Adonc les parens de Ganelon le  
pleigerent & promirent sur leur vies de le ramener le matin. Le champ fut  
esleu, & charlemagne donna ganelon à ses parens sur le conuenant qu'ils a  
uoient dit. Ainsi fut il fait: mais les traistres luy donnerēt vn cheual qui cou  
roit comme vn cerf, & luy firent ferrer les quatre pieds au rebours. Et quand  
ce vint le lendemain, ils le presenterent au champ, mais quand il fut dedās  
il picqua son cheual si roidement des esperons, qu'il s'enfuit deuant tous. A  
donc charlemagne dit, courez apres, & qu'il me soit ramené, celui qui me le  
liurera ie luy dōneray grand loyer, Adonc coururent de tous costez. Il fut sui  
uy, mais ce fut pour neant, car les fers du cheual venoient contre eux. Quand  
les françois eurent long temps couru apres, par l'espace de sept ou huit lieux  
& ils virēt qu'ils ne le trouuoient point, & n'auoient ouy nulles nouvelles, ils  
s'en reuindrent deuers charlemagne, lequel cuida forcener, quand il vit qu'il

ne l'auoit point admené. Et quand le duc d'anjou vit qu'ils ne l'auoient pas trouué, il cuida perdre le sens du courroux qu'il auoit & vint à charlemagne & luy promit que iamais n'arrestoit en ville ne cité tant qu'il auroit trouué. Et dit qu'il ameneroit au maistre d'onjon du palais. Quand charlemagne l'entendit il fut moult ioyeux, & luy promit de luy faire plusieurs biës, s'il luy admenoit. Alors luy donna charlemagne dix mille hommes pour garder tous les enuiron du pais, & leur dit que s'il le pouuoient prendre qu'ils les feroiēt tous riches. Adonc le duc thierry d'anjou print congé de charlemagne, & s'en partit avec douze mille hommes, lesquels estoient bië armez & montez sur bons cheuaux arragonnois, & s'en vont trauerfer & chercher par toutes les terres de Laon.

Or dit l'histoire que ganelon s'en vint tousiours brochāt son cheual iusques à vn bois ou il se cacha au plus espais buisson qui peut trouuer. Et quand il fust prest de la nuit, il descendit, & lia son cheual à vn arbre, puis il monta dessus vn rocher & monta sur vn haut arbre, pour voir s'il verroit quelque maison pour se loger. Quand le traistre fut au haut dudit arbre, il vit pl<sup>9</sup> de dix lieue, à la ronde les gens d'armes de charlemagne, qui auoiēt enuironné tout le pais, dont il fut bien esbahy. Lors descendit, & pensoit que s'il pouoit eschapper, que point ne les redouteroit il vint à vn arbre ou il auoit lié son cheual, mais il ne le trouua point dont il fut fort courroucé. Le cheual s'enfuiot par le bois, & sentit les autres qui hannissoient sur les champs, & les cherchoit les françois venoient courant à brides auallée deuers le bois, & rencentrent le cheual de ganelon. Quand le duc d'anjou le vit, il le fist prendre, & luy fist hausser les pieds, & fut trouué qu'il estoit ferré le deuant derriere, dont fut moult esbahy, & dit à haute voix, seigneur sçachez que ganelon est pres d'icy, ou il est mort ou prins. Voicy son cheual arragonnois.

La eussiez veu courir les gens parmy le bois bien eschauffez, ils alloient & yenoient le cherchant, mais ils ne pouuoient trouuer le chemin par ou le cheual estoit issu. Alors le duc d'anjou commanda qu'on cherchast vite ment les pas du cheual, lesquels il trouuerēt, & les suiurent, mais auant qu'il les peussent trouuer, ils demurerent trois iours à les chercher de tous costez enuiron le bois. Ganelon estoit dedans, ou il mouroit de faim & de soif, dōt il auoit le visage tout descouluré. Et quād vint le troisieme iour, il saillit, des taillis ou il estoit, & se mit hors du buisson pour soy desarmer, il despouilla son haubert & son riche blason, son heaume & son espee, & toutes ses armes, puis depeça sa iaquette en plus de cēt lieux, & print vn baston en samain, & chemina toute la nuit, iusques au point du iour, & vint à trois lieues pres d'un village, ou il cuidoit que les cheualiers de charlemagne ne fussent pas espandus iusques là, & luy estoit aduis qu'ils estoient passez en autre region.

Et ainsi cōme il venoit au village pour repaistre, il disoit à soy mesme que si pouuoit gagner quelque maison qu'ils s'abilleroit en telestat que les françois ne le sçauoient cognoistre. il approcha du village, vn bastō en sa main mais ainsi comme dieu le vouloit, auant qu'il entraist en aucune maïso, il fut rencontrē d'vn noble & vaillant cheualier nommé gautier, natif de Dijon, lequel l'aduïsa comme il estoit ia pres d'entrer dedās. Le cheualier saillit incontinent sur pieds, & regarda les manieres de ganelon, & vint à luy l'espee au poing, & luy dit, traïstre foy que ie doy à iesus christ tu es mal arriué, iete couperoye la teste si ne fust que charlemagne te veut encores voir, & te faire mourir à sa volonté. adonc le print, & le lia, & le mena au duc d'ājou, lequel remercia dieu le createur, quand il le vit. incontinent le fit enfermer, & puis le mena à laon en laonnois, où estoit charlemagne avec plusieurs noble cheualiers de france.

*Comment Pinabel neveu de Ganelon demanda la iouste pour son oncle: et comment il fut vaincu et Ganelon tiré à quatre cheuaux. Chapitre LXXVI.*



**Q** Vand ganelon le traïstre fut prins, le duc d'anjou le mena lié biē estroitement en la ville de laon en laonnois, & le presenta à charlemagne. quand il le vit, il n'en eust pas voulu tenir tout l'or du monde. Tantoist mā-

des barons pour en faire le iugement, & quand ils sceurent la prise de ganelon tous vindrent de bon courage. Charlemagne leur dit, barons ie vous ay mandez afin que vous faciez le iugement du traistre ganelon. Les barons dirent que volontiers le feroient, & fut iugé a mourir de grand tourment. Quand ganelon entendit la sentence, il soupira & dit, sire empereur vous me faictes tort car iamais ie ne pensay au crime dont vous m'accusez, & n'eus iamais volonté de trahir les pairs de France, vous mentez dit charlemagne vous estes traistre prouué, par vous i'ay perdu ce que plus i'aimois, parquoy vous mourrez de griefue mort, adonc ganelon se print à plorer. Lors arriva Pinabel son neveu qui dit a charlemagne, sire roy vous accusez mon oncle à tort, car oncques ne pensa la trahison, & si aucun veut dire & soustenir le contraire ie le veux combattre.

Charlemagne fut en son cœur mout courroucé, & dit à Pinabel, glouton ton oncle est iugé parquoy point de champ de bataille tu n'auras. Vistement trente parens de ganelon commencerent a crier à haute voix, & dire, sire empereur faictes nous droit, car qui demande champ de bataille selon droit il est raison qu'elle luy soit oestroice, parquoy s'il vous plaist vous permettez la bataille estre faicte, la estoient presens le duc Naimés de bauiere, Oger le dannois & Richard, lesquels dirent qu'il leur accordast de peur d'en auoir reproche le temps aduenir, & luy dirent sire on pourroit dire que vous l'auriez fait mourir par faux iugement. Adonc le duc d'aniou demanda la bataille, & le roy Charlemagne qui auoit le cœur marry s'y accorda, puis les champions s'en allerent armer.

Après qu'ils furent armez ils entrerent au champ de bataille & firent les sermens accoustumez en tel cas, après que le roy eut receu lesdits sermens ils entrerent au champ la lance au poing, puis picquerent leurs cheuaux & se rencontrerent l'un l'autre de si grand roideur qu'ils percerent leus escus. Pinabel rompit sa lance par esclats, & le duc d'aniou rencontra Pinabel par si grande puissance qu'il renuersa homme & cheual par terre, mais le traistre sauta incontinent sur ses pieds & tira son espée & vint au cheual du Duc d'aniou & luy treucha la teste & cheut le duc par terre, mais il se leua legerement & vint a Pinabel l'espée au poing, mais pinabel lui bailla si grand coup sur le heaume qu'il luy treucha la coiffe, le canal & la boucle, & si l'espée ne fust tournée au fenestre costé il luy eust treuché la teste, & quand le Duc sentit le coup il fut bien estonné, puis vint vers Pinabel & luy bailla si terrible coup sur le heaume qu'il luy treucha les cercles, la coiffe & la ioue, & deuala l'espée & luy treucha l'espaule fenestre & cheut mort par terre & cria un merueilleux cry, puis le duc luy treucha la teste, adonc demena grand ioye le roy charlemagne & fist amener le traistre ganelon pres de saint Martin hors la

*L'histoire de Galien restauré.*

ville de Laon, & dit à haute voix deuant toute la lignée qu'on luy amenaſt quatre cheuaux pour le demembrer. Et quand Ganelon fut deuant toute la baronnie, il fut deſpouillé en chemiſe & puis fut iugé d'eſtre tiré à quatre cheuaux. Le bourreau vint & puis l'attela à quatre cheuaux, c'eſt à ſçauoir aux pieds & aux mains, & ſur chaſcun cheual auoit vn homme pour le chaſſer, & quand le traître Ganelon fut bien attaché, le bourreau & ſes valets frapperent les quatre cheuaux leſquels tirerent ſi fort qu'il fut demembré & mis en pieces. Puis Charlemagne luy fit trancher la teſte & la fit mettre au bout d'vnelance laquelle fut poſee au plus haut de la tour de laon pour mieux la voir & regarder. Les quatre membres furent pendus és quatre meilleures villes que charlemagne euſt, puis il fiſt bruſler le corps & ietter la cendre au vent. Son neveu pinabel fut pendu aux fourches au lieu où fut faiſte la bataille, les parens & amis furent bien courroucez de leur mort, & iurerent Dieu qu'vne fois feroient dolent & marry charlemagne.

Après que tout fut faiſt, Charlemagne marſa le duc d'Aniou & luy donna toutes les terres & ſeigneuries que Ganelon tenoit, dont grandement le remercia. Et les parens & amis de Ganelon retournerent en leurs pays, bien mal contents de Charlemagne.

FIN.

